

1. Kwartaal 1

1. [Toets jou luistervermoe](#)
2. [Leestekens](#)
3. [Taal](#)
4. [Sosiale geregtigheid](#)

2. Kwartaal 2

1. [Luister vir spesifieke inligting en kerngedagtes](#)
2. [Verkryging van inligting uit 'n wye verskeidenheid bronne](#)
3. [Tegniese in geskrewe tekste om spesifieke effekte te verkry](#)

3. Kwartaal 3

1. [Om met taal te werk](#)
2. [Om geskrewe taal in digvorm te verstaan en waardeer](#)
3. [Om met woorde te werk en woordeskat uit te brei](#)

4. Kwartaal 4

1. [Skriftelike weergawe van hoofpunte in 'n teks](#)
2. [Woordeskatuitbreiding](#)

Toets jou luistervermoe

## **AFRIKAANS HUISTAAL**

### **Graad 8**

### **Module 1**

## **TOETS JOU LUISTERVERMOË**

### **AKTIWITEIT 1**

- Jou onderwyser gaan die volgende stuk aan jou voorlees en dan vrae vra sodat jy jou luistervermoë kan toets

### **TEKS A**

Reksprong, abseil en nou is daar Zorb

Adrenalien-sport deur Charl Rootman (aangepas uit Die Bylae tot *Die Burger*)

Die mens het oor die eeue heen nog altyd van speel gehou. Baie mense bou hul lewe rondom dié “speletjies” - goed wat ander kwasi-ernstige mense as tydmors beskou.

Dis veral waar vir adrenalienslawe, wat nie altyd mededingend of ekstrem wil wees nie, maar soms ook net pret wil hê. Dis hoe die uitvinders van Zorb by hul idee uitgekom het – om jou daaglikse dosis adrenalien op ’n prettige manier in te kry.

Dink net: jy staan bo-op ’n hoë bult met ’n steil grasperk wat tot dóér onder by ’n dam voor jou uitstrek. Langs jou staan iets wat soos ’n reusagtige ronde bal lyk met ’n tunnel na binne. Jy klim in en sien steeds die mense buite deur die deursigtige wand. Die bal begin stadig rol en jy kry dit reg om saam met die beweging binne-in te loop. Die bal rol ál vinniger, en

vinniger, en vinniger. Jy kan nie meer byhou nie en val. Soos die bal teen die steilte afsnel, hop en bons jy rond binne-in, totdat jy skielik in die water onder stop en kan uitklim.

Zorb behels dat jy in iets klim wat soos 'n reusagtige, deurskynende strandbal lyk, en dan teen 'n hoë spoed teen 'n heuwel afrol. Die bal self word 'n Zorb genoem. Dis gemaak van 'n baie sterk, deursigtige PVC-tipe plastiek en bestaan uit twee lae.

Die deursnee van die buitenste bal is net oor die drie meter en dié van die binneste bal amper twee meter. Die gedeelte tussen die twee lae word vol lug gepomp. Die binneste bal vorm dan 'n kamertjie met 'n tonnel na buite waardeur jy inklim. Binne het jy 'n lugkussing van 70 cm dik tussen jou en die grond.

Die bal kan 'n snelheid van tot 50 km bereik, afhangende natuurlik van hoe steil die helling is. Die idee is dat, soos die bal rol, die persoon aan die binnekant – wat 'n Zorbonaut genoem word – teen die kant vasgedruk word as gevolg van middelpuntvliedende krag. 'n Mens val dus nie vreeslik rond nie.

Omdat die Zorb so groot is, roteer dit ook slegs een keer elke 10 m.

Ervare Zorbonauts – waarvan daar al meer as 10 000 in die wêreld is – sê dié rollery is 'n bisarre gevoel, maar dat die stadige rotasie darem verhinder dat jy maklik naar word.

Avontuurlustige Zorbonauts het al talle nuwe uitdagings met hul reuse-strandballe aangepak. Soms klim meer as een ryer per keer in die bal, of die Zorb rol bo-oor mense wat in sy pad lê.

Dan is daar ook HydroZorb, waar die bal in die water ingerol word. Die ontwerp veroorsaak dat water nie in die binneste bal of kamer kan inloop nie, en die persoon binne-in kan dus rondrol sonder om nat te word.

Die uitvindings van die Zorb beplan ook om binnekort met ExtremeZorb te begin. Deelnemers sal op interessante maniere met mekaar meeding.

Die Zorb het sy oorsprong in Nieu-Seeland, waar twee entrepreneurs met verskillende ontwerpe geëksperimenteer het totdat hulle by die Zorb uitgekom het.

Hoe hulle by die uitsonderlike naam uitgekom het, bly egter 'n raaisel, en dit lyk asof hulle self ook nie heeltemal seker is nie.

En hul bewerings dat die Zorb gegrond is op van Leonardo da Vinci se vroeë ontwerpe . . . wel, dis seker nie onmoontlik nie.

Maar dis sekerlik 'n verbetering – wat gemak en veiligheid betref – op sy voorloper, waar mense met groot metaaldromme en motorbande teen steil afdraande afgerol het.

Die Zorb het sedert sy ontstaan vinnig wêreldwyd versprei, en dié sport word vandag in Amerika, Engeland en Europa beoefen. Dit word nog nie in Suid-Afrika beoefen nie, maar wie weet, miskien sien jy binnekort ook dié blink strandballe oral in ons land rondrol en hop.

En Zorbonauts wat dit al gedoen het, belowe die adrenalien-inspuiting is nie te versmaai nie.

	LU 1.2			

## AKTIWITEIT 2

1 Lees nou deur die teks en werk met die volgende vrae wat hoofsaaklik op begrip gerig is.

- BEANTWOORD DIE VOLGENDE VRAE DEUR VAN VOLSINNE GEBRUIK TE MAAK. (*Jy mag wel meer as een volsin per antwoord*

*gebruik waar dit nodig is.)*

1.1 Sê in jou eie woorde hoe 'n Zorb lyk.

1.2 Verduidelik so volledig as moontlik hoe die Zorb werk.

1.3 Beskryf hoe 'n rit in 'n Zorb vir die Zorbonaut verloop van die begin af totdat hy in die water tot stilstand kom.

1.4 Noem twee redes waarom 'n mens nie maklik in 'n Zorb sal seerkry nie.

1.5 Watter twee “speelgoed” was die voorgangers van die Zorb?

1.6 Waarom beskou die skrywer die Zorb as 'n verbetering op hierdie twee goed?

1.7 Hoe ervaar mense wat al in die Zorb gery het, hierdie rit?

- VAN NOU AF GAAN ONS MET 'N KLOMPIE WOORDE / SINSNEDES / SINNE WERK. DIS NIE MEER NODIG OM IN VOLSINNE TE ANTWOORD NIE

1.8 Wat bedoel die skrywer in par. 1 met die sin: “baie mense bou hulle lewe rondom hierdie ‘speelding’”?

1.9 Waarom noem die verteller die Zorb “'n blink strandbal”?

1.10 Haal 'n sinsnede uit die leesstuk aan waaruit jy kan aflei dat niemand juis maklik gaan seerkry met (binne óf buite) 'n Zorb nie.

	LU 3.6			

### AKTIWITEIT 3

Ons (leer) gebruik 'n woordeboek!

- MAAK VAN 'N VERKLARENDE WOORDEBOEK GEBRUIK OM DIE VOLGENDE OPDRAGTE TE KAN UITVOER.

In die woordeboek (HAT in hierdie geval) staan by *adrenalien* die volgende:

- “Hormoon uit die murg van die byniere wat die hartfunksie versnel en die klein bloedvate laat saamtrek; hormoon wat 'n gevoel van opwinding, ekstase laat ervaar.”

1.11 Haal uit die leesstuk al die woorde aan waarvan “adrenalien” 'n deel vorm, en verduidelik wat die woorde beteken.

- Verduidelik nou ook die volgende:

1.12 “kwasi-ernstige mense”

1.13 “ – om jou daaglikse dosis adrenalien op 'n prettige manier in te kry”

1.14 “mededingend”

1.15 “ekstreem”

1.16 “deursigtige wand”

1.17 “middelpuntvliedende krag”

1.18 “roteer”

1.19 “bizarre gevoel”

1.20 “entrepreneurs”

1.21 “uitsonderlike naam”

## 1.22 “dis nie te versmaai nie”

	LU 6.1.5			

### AKTIWITEIT 4

2 Ons lees in die artikel dat die Zorb die opvolger is van ander pretgoed, soos 'n trekkerbinneband of 'n metaaldrom waarmee kinders maar altyd teen skuinstes of teen duine by die see afry. Veral kinders is baie vindingryk en kan maklik so 'n pret-speelding maak uit die eenvoudigste, skynbaar onmoontlikste materiaal. Dink maar aan 'n sinkplaat of ou stuk karton of hardebord waarmee kinders maklik op 'n sandduin ski, of 'n boomstomp en 'n paar dromme waarmee hulle 'n vlot maak om op water te kan speel.

- **BEREI JOU VOOR OM VIR EEN MINUUT LANK VIR JOU KLASMAATS TE VERTEL VAN SO 'N PRET-DING WAAROP OF WAARMEE JY AL GERY HET, OF WAT JY EN JOU MAATS “ONTWERP” HET.**

	LU 2.5			

### Assessering

Leeruitkomstes(LUs)
LU 1 LUISTER
Die leerder is in staat om vir inligting en genot te luister en gepas en krities binne 'n wye verskeidenheid situasies te reageer.
Assesseringstandaarde(ASe)
Dit word bewys as die leerder:
1.2 vir spesifieke inligting luister en gepas reageer.
LU 2 PRAAT
Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.
Dit word bewys as die leerder:
2.4 'n verskeidenheid basiese interaksievaardighede toon deur aktief aan groepbesprekings deel te neem;
2.5 mondelinge aanbiedings met redelike akkuraatheid en kreatiwiteit doen.
LU 3 LEES EN KYK
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer
Dit word bewys as die leerder:
3.4 hoofgedagtes identifiseer en 'n opsomming maak;



3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;

3.6 begrip van 'n teks en die doel daarvan toon deur die intrige tema., hoofkarakter ens. te bespreek.

## LU 6 Taalstruktuur en –gebruik

Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.

Dit word bewys as die leerder:

6.1 werk met woorde: 6.1.2 basiese spelreëls gebruik om woorde te spel;

6.1.5 'n woordeboek gebruik om woordeskat na te vors;

6.1.9 antonieme en sinonieme gepas binne konteks vind en gebruik;

6.2 werk met sinne: 6.2.7 die aktief en passief verstaan en gebruik;

6.2.10 leestekens doeltreffend gebruik;

6.4 'n bewustheid van en gebruik van styl ontwikkel.

## Memorandum

# AKTIWITEIT 1

TEKS A: Reksprong, Absail en nou is daar Zorb

- MOENIE DIE MODULE AAN DIE LEERDERS UITDEEL VOORDAT U DIE EERSTE ASSESSERINGSTAAK GEDOEN HET NIE – DIT IS DIE EERSTE TAAK IN DIE MODULE.
- Sorg dat elke leerder 'n vel papier/werkboek voor hom/haar het om op te kan skryf.
- Lees die artikel vir die leerders voor met die volgende opdrag:

U gaan ná die leesstuk 15 stellings maak waarop hulle WAAR of ONWAAR moet antwoord – skriftelik – en waarvoor hulle geassesseer gaan word.

- Lees die stuk stadig en duidelik deur, moenie herhaal nie, ook nie die stellings wat u gaan maak waarop hulle moet antwoord nie.

Antwoord slegs WAAR of ONWAAR op die volgende stellings. (Maak seker dat jy reg nommer.)

1.1 Zorb is 'n verkorting van Zorbonaut, die eintlike naam van dié nuwe speelding. [O]

1.2 Nie alle mense dink daar is geld in sulke soort “speelgoed” soos die Zorb nie. [W]

1.3 Die spoed waarteen jy binne-in 'n Zorb stap, bepaal hoe vinnig dit gaan beweeg. [O]

1.4 Zorb is 'n groot bal met 'n bykans ewe groot tweede bal wat los binne-in rondval. [O]

1.5 Die rit in 'n Zorb kan maar redelik stamperig wees en die ryer val behoorlik rond. [O]

1.6 'n Zorb is so groot en roteer so min dat 'n ryer nie sommer naar word binne-in nie. [W]

1.7 Daar is plek vir meer as een mens in 'n Zorb. [W]

1.8 Die rit met 'n Zorb hoef nie in water te eindig nie; dis selfs moontlik dat die hele rit in die water kan plaasvind. [W]

1.9 Die naam vir die Zorb is deur Leonardo da Vinci voorgestel. [O]

1.10 Een van Leonardo da Vinci se ontwerpe het moontlik aanleiding gegee tot die ontstaan van die Zorb. [W]

1.11 Die uiteindelijke Zorb is 'n samevoeging van verskillende ontwerpe van twee Nieu-Seelandse ingenieurs. [O]

1.12 Die ontwerpers van die Zorb beplan 'n interessante kompetisie waar deelnemers op verskillende maniere teen mekaar sal meeding. [W]

1.13 Zorb word al as 'n sportsoort erken in Amerika, Brittanje en Europa. [O]

1.14 Zorb is, soos reksprong, bedoel om jou adrenalienvlak op te jaag. [W]

1.15 'n Zorb kan redelik skadeloos bo-oor mense ry. [W]

- Die leerders ruil hulle antwoordblaaie onder mekaar uit en kontroleer die antwoorde, waarna die punt (uit 15 of uit 30 – 15 x 2) as 'n persentasie uitgedruk word, waarna u 'n punt uit 4 in die eerste LU/ASS-blok skryf.
- Wanneer die leerders die teks herlees om daarmee te kan werk, kan u 'n vrywilliger (s) vra om 'n bietjie te gaan navors oor Da Vinci se ontwerpe – op die Internet, in ensiklopedieë, ens. is daar nogal heelwat inligting. U kan dit selfs oorweeg om hierdie vrywilligers hulle bevindings aan die klas te laat kom voordra sodat die hele groep meer weet, en dit dan te assesseeer as 'n mondelinge respons op die teks. Dan geld 1.2 net vir die res van die klas.

- U kan selfs, afhangende van die samestelling en agtergrond van die leerders in u klas, oorweeg om Da Vinci en sy uitvindings 'n hele projek te maak.

## AKTIWITEIT 2

1. Groepwerk of individueel, u kan 'n punt toeken. Hoofsaak is dat u die leerders moet leer volsinne maak, korrek aanhaal, ens.

(Moontlike) antwoorde

1.1 Twee deurskynende “plastiekballe,” die een binne die ander. Buite-bal het deursnee van net meer as 3 m; binneste een amper 2 m. Tonnel na binneste bal (wat op die een of ander manier “sluit” aangesien Zorb waterdig is).

1.2 Ryer klim met tonnel in binneste bal. Zorb word teen steilte afgerol; ryer kan aan begin “saamstap”, maar soos bal vinniger rol, beland hy teen kant. Rit eindig (gewoonlik) in water.

1.3 Ryer stap aan begin saam met rol van bal, soos bal vinniger rol, word hy teen kant vasgedruk, ervaar dus rol saam met bal. Gelukkig stadig genoeg dat hy nie (kan) naar word. Klim uit nadat bal in water tot stilstand gekom het.

1.4 Lugkussing keer dat jy teen grond stamp/ Zorb is van plastiek/ geen skerp kante/ kan nie uitval.

1.5 metaaldrom en groot trekkerbinneband

1.6 gemakliker rit, professionele ontwerp – (daar is aan ryer se veiligheid gedink)

1.7 eienaardige gevoel (van in die rondte tol, maar nie so erg dat jy wil/kan naar word daarvan

1.8 mense maak geld uit hierdie soort speel-/pretgoed

1.9 van (kleurlose) plastiek gemaak en deursigtig – sal sekerlik blink as son daarop skyn

1.10 “Zorb rol bo-oor mense wat in sy pad lê.”

### **AKTIWITEIT 3**

Vir die volgende deel van die oefening moet u leerders se gebruik van die woordeboek assessee, indien u wel iets wil assessee. As u nie genoeg VERKLARENDE woordeboeke in die klas/skool het nie, kan u leerders in groepe laat werk. U kan natuurlik ook vooraf afdrukke van die betrokke bladsye maak sodat elke leerder/groep die nodige naslaanbron beskikbaar het.

- Die woorde wat nageslaan moet word, is by elke opdragie onderstreep.
- Maak seker dat die leerders die betekenis kies/aanpas wat wel binne die konteks van die stuk pas.
- INDIEN U WEL DIE LEERDERS HIER GAAN ASSESSEER, MOET U DIT DUIDELIK STEL DAT U NIE HULLE WOORDESKAT GAAN TOETS NIE, MAAR WEL IN WATTER MATE HULLE 'n WOORDEBOEK KAN GEBRUIK.

### **AKTIWITEIT 4**

2. Gee hierdie opdrag vroegtydig aan die leerders deur. Maak asb. gebruik van die tabelle wat u van die Dept. af ontvang het om punte toe te ken.

- GEBRUIK HIERDIE PUNT VIR DIE LEERDER SE PORTEFEULJE.

Leestekens

## AFRIKAANS HUISTAAL

### Graad 8

### Module 2

## LEESTEKENS

### AKTIWITEIT 1

Taal

Leestekens

- BEANTWOORD DIE VOLGENDE VRAE NADAT JOU ONDERWYSER DIE RIGLYNE OOR DIE GEBRUIK VAN DIE *KOMMA, DUBBELPUNT, UITROEPTEKEN, AANHALINGSTEKENS* EN *VRAAGTEKEN* GEGEE HET.
- Verduidelik die gebruik van die onderskeie leestekens in die volgende sinne uit die leesstuk:

1. Dink net; jy staan bo-op 'n hoë bult
2. Die bal rol ál vinniger, en vinniger, en vinniger.
3. Soos die bal teen die steilte afsnel, hop en bons jy rond binne-in
4. Die idee is dat, soos die bal rol, die persoon aan die binnekant = wat 'n Zorbonaut genoem word = teen die kant vasgedruk word.
5. Dit word nog nie in Suid-Afrika beoefen nie, maar wie weet, miskien sien jy binnekort ook dié blink strandballe.

6. En Zorbonauts wat dit al gedoen het, belowe die adrenalien-inspuiting is nie te versmaai nie.

7. dié rollery is 'n bisarre gevoel, maar dat die stadige rotasie darem verhinder . . .

- Werk ook deur die volgende taak:*In watter van die volgende sinne is die vraagteken verkeerd gebruik en waarom?*

8. Hy vra hoe laat dit is?

9. Hoe laat is dit, vra hy?

10. Is dit al laat genoeg? wil hy weet.

- Skryf die volgende sinne oor met die dubbelpunt, aanhalingstekens en kommas op die regte plekke.

11. Net toe ek by die deur instap vra Oupa Kan ek asseblief nie die Huisgenoot kry want ek moet nog die blokkiesraaisel invul. En môre moet ek dit pos voeg hy by toe hy wegstap.

### Spelling

- JOU ONDERWYSER GAAN MET ENKELE SPELREËLS RONDOM DIE GEBRUIK VAN DIE *DEELTEKEN*, *AFKAPPINGSTEKEN*, *KAPPIE* EN *KOPPELTEKEN* HERSIEN/BEHANDEL.
- Beantwoord daarna die volgende vrae:
- Skryf die volgende woorde korrek neer:

12. oumas

13. oribitjie (dis 'n baie klein soort bok in SA)

14. Du Preeztjie

15. A span
16. heldeontvangs
17. garage-e
18. Terblanche-e
19. Du Toits
20. nommer 5 skoen
21. 10 liter melk
22. 10 liter houer
23. Markotter gedenkboek
24. dieët
25. spieël
26. finansieël
27. finansiële
1. .Ma’hulle
29. betaal TV

	LU 6.1.2			



## AKTIWITEIT 2

Skryf 'n DIALOOG tussen jou en enige van die uitvinders van die Zorb waarin julle 'n gesprek voer oor dié uitvinding

OF

Skryf 'n DIALOOG tussen jou en Leonardo da Vinci waarin jy met hom gesels oor enige van sy uitvindings.

	LU 4.1			

## AKTIWITEIT 3

### TEKS B

- Lees die gedig, *Skaatsplankryer* deur Petra Müller, uit *Senior Keur*, 1992:Tafelberg, en werk deur die vrae en opdragte en skryf die antwoorde neer.

1 Die enigste “vreemde/onbekende woord in die gedig is “gier” in reël 3. In die HAT (Handwoordeboek van die Afrikaanse Taal) staan by “gier” die volgende:

gier1, (-e) 1. Enigeen van enkele soorte dagroofvoëls, nl. die aasvoëls en die kraai. 2. Genadelose, skraapsugtige mens.

gier2, (-e) 1. Sterk begeerte, drang, drif. 2. Onredelike, wispelturige nuk. 3. Iets nuuts, 'n nuwigheid.

gier<sup>3</sup>, I ww. gegier 1. 'n Skril geluid uiter, skree, gil. 2. 'n Skerp en fluitende, gonsende geluid maak. II s.nw. (-e) Harde, skril geluid; skreeu, gil.

gier<sup>4</sup>, ww. (gegier) 1. a. Skuins ry op 'n brander – van 'n boot of 'n swemmer gesê. b. Branderplank ry. 2. In 'n skuins rigting afwyk.

- Besluit watter een (of dalk meer!) van die betekenis in die gedig pas.

2. Watter klere dra die skaatsplankryer (lees die gedig; moenie na die skets kyk nie!)

3. Waar ry hy met sy skaatsplank?

4. Watter woorde in die gedig beskryf die aksies wat hy op die skaatsplank uitvoer om die skaatsplank te laat beweeg?

5. Sê nou in jou eie woorde wat hy maak om die skaatsplank (vinniger) te laat beweeg.

6. Hoekom staan die deel in reël 2 – 3 tussen aandagstrepe?

7. Daar kom baie min leestekens in die eerste deel van hierdie gedig voor. Wat noem ons dié verskynsel?

8. Verduidelik nou deur op die inhoud van die gedig te let, waarom daar feitlik geen leestekens in die eerste paar reëls is nie.

9. Tot waar in die gedig BESKRYF die verteller die skaatsplankryer en wat hy doen?

10. Verduidelik waarom daar 'n dubbelpunt aan die einde van reël 4 voorkom.

11. Kyk na die rymskema van hierdie gedig.

11.1 Wat merk jy op?

11.2 Wat noem ons so 'n gedig waar daar baie min/geen rymwoorde is nie?

12. Wat bedoel die verteller wanneer hy/sy sê dat swaartekrag vir die skaatsplankryer “geen swaarte” het nie?
13. Watter ander woorde in die gedig sluit by hierdie gedagte aan?
14. Watter soort beeldspraak kry ons in die slotreël waar die verteller die skaatsplankryer ’n “windswael” noem?
15. Waarom gebruik die verteller juis dié beeld? Is ons deur die gedig daarop voorberei (kan ons dus sê die res van die gedig motiveer/ondersteun die keuse)? Verduidelik aan die hand van woorde/sinsnedes in die gedig waarom jy so sê.
16. Waarom spesifiseer die verteller ná “windswael” “**van die aarde**”?
17. Slaag die digter na jou mening daarin om die “boodskap” van die gedig, nl. die vryheid wat die skaatsplankryer ervaar, suksesvol oor te dra? Verduidelik waarom jy so sê.

	LU 3.6			

#### AKTIWITEIT 4

##### 18. Kreatiewe reaksie op tekste

Ons het sekerlik al almal op, met of in so ’n “pret-ryding” gery of toertjies gedoen, of aan die een of ander vorm van adrenaliensport deelgeneem. Beskryf in ’n stelwerkstuk die GEVOEL wat jy tydens so ’n rit/sprong/toertjie ens. ervaar of ervaar het.

	LU 4.1			

## AKTIWITEIT 5

### TEKS C

#### MOENIE SO PLOETER, KRY 'N SKOETER

Ryplanke (scooters) is die mees nuwerwetse vervoermiddel en beslis die in-ding op twee wiele. Dit is 'n topverkoper onder speelgoed. Jy kan nou ryplanke op jou eie webtuiste verkoop en 10% kommissie verdien! 'n Ryplank kos \$130, en 10% daarvan is dus \$13 – vir jou! Die gewilde Razor kos \$95,00.

**Rits!!! hierheen en Rits!!!! daarheen** – die ryplank is hier en stadig besig om Suid-Afrika oor te neem!

Volgens mnr Len Bradford bestuurder van Surf Wearhouse in Bellville is ryplanke 'n nuwe gier wat Amerikaners Australiërs en die Britte in vervoering het en waarvan die gewildheid ook in Suid-Afrika aan die toeneem is.

“Enige mens ouer as drie jaar en jonger as honderd jaar kan die ryplanke ry! Hulle is baie veiliger as skaatsplanke en jy hoef nie met beskermingsklere aan te ry nie,” het hy verlede week vertel.

Van die waaghalse en avontuurlustige ryplank-liefhebbers beoefen van die toertjies van skaatsplankryers.

“Die groot rede waarom mense die ryplank gebruik, is vir pret! Ryplanke is soos 'n fiets of 'n skaatsplank, net veel veiliger en nog lekkerder!” val hy ons opgewonde in die rede.

Die ryplanke word uit Amerika bestel en deur agente in Suid-Afrika verkoop. Daar is 'n verskeidenheid make van dié rygoed.

Van die make wat daar is, is die SL-1, die JD BUG en die Avalanche. Ryplanke kan enigiets van R400 tot meer as R1000 kos.

Een van die aantrekkingskragte van die gewilde tweewiel-ryding is dat dit heeltemal opvoubaar is. “In Engeland ry mense met hulle ryplanke na die stasie, vou dit eenvoudig toe en ry dan trein tot by die volgende stasie. Daar vou hulle weer die ryplank oop en ry verder werk toe!” het Len verduidelik.

In hierdie opsig is ryplanke ’n veilige en handige (en goedkoper) vervoermiddel.

Nog ’n lokaaspunt van dié klanklose bromponie sonder enjin is dat meisies nie agteroor hoef te sit nie. “Meisies kan ook ry. Dis gewoonlik die seuns wat altyd so vinnig soos die hel wil ry,” het Len gesê.

Seuns wat van spoed hou, kan ’n “redelike” spoed teen ’n afdraand kry.

“Die ryplanke verkoop soos soetkoek. Daar is seker meer as 5 000 ryplanke die afgelope seisoen in Suid-Afrika verkoop sedert die gier hier posgevat het. Dis die ideale Kersgeskenk,” volgens Len.

*(Aangepas uit die Bylae tot Die Burger)*

1. Beantwoord die volgende vrae oor die gegewe leesstuk streng volgens die opdragte.

- BEANTWOORD DIE VOLGENDE VRAE ELK IN EEN GOEIE VOLSIN:

1.1 Noem twee redes waarom mense ’n ryplank aanskaf. (3)

1.2 Waarom is ’n ryplank ’n geskikte vervoermiddel vir werkers in ’n stad? (3)

- DIS NOU NIE MEER NODIG OM VOLSINNE TE SKRYF NIE.

1.3 Wat beteken dit om te “ploeter” (die woord staan in die opskrif)? (2)

1.4 Wanneer kan ons sê iets is ’n “in-ding” (par. 1)? (2)

1.5 Sê in jou eie woorde wat dit beteken as iemand “rits”. (2)

1.6 Waarom is die eerste deel van par. 2 donker gedruk met so baie uitroeptekens? (2)

1.7 Haal VIER opeenvolgende woorde uit die leesstuk aan wat ’n ryplank beskryf. (2)

1.8 Waarom plaas die skrywer die woord “redelike” in die tweedelaaste paragraaf in aanhalingstekens? (2)

1.9 Verduidelik wat “kommissie” (par. 2) is. (1)

1.10 Sê wat ’n “agent” doen (par. 7) (1)

[20]

	LU 5.2.2			

## AKTIWITEIT 6

### Opsomming

- LEES WEER DIE LEESSTUK EN **MAAK** ‘N **LYS** VAN AL DIE **VOORDELE** VAN RYPLANKE WAT IN DIE STUK GENOEM WORD. SKRYF ELKE VOORDEEL IN ‘N APARTE REËL. DIT IS NIE NODIG OM VOLSINNE TE MAAK NIE.

	LU 3.4			

## Assessering

LU 3 LEES EN KYK
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer
Dit word bewys as die leerder:
3.4 hoofgedagtes identifiseer en 'n opsomming maak;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 begrip van 'n teks en die doel daarvan toon deur die intrige tema., hoofkarakter ens. te bespreek.
LU 4 SKRYF
Die leerder is in staat om verskillende soorte feitelike en verbeeldingstekste vir 'n wye verskeidenheid doeleindes te skryf.
Dit word bewys as die leerder:
4.1 verskeidenheid verbeeldingstekste skryf;

4.2 'n verskeidenheid feitelike skriftelike tekste vir verskeie doeleindes lewer;

4.4 die skryfproses saam met ander en individueel gebruik om tekste te skep.

## LU 5 DINK EN REDENEER

Die leerder is in staat om taal vir dink en redeneer te gebruik en inligting vir leer te verkry, verwerk en gebruik.

Dit word bewys as die leerder:

5.2 gebruik taal om te ondersoek: 5.2.2 taal gebruik om te ondersoek en opsies te oorweeg.

## LU 6 Taalstruktuur en –gebruik

Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.

Dit word bewys as die leerder:

6.1 werk met woorde: 6.1.2 basiese spelreëls gebruik om woorde te spel;

6.1.5 'n woordeboek gebruik om woordeskat na te vors;

6.1.9 antonieme en sinonieme gepas binne konteks vind en gebruik;

6.2 werk met sinne: 6.2.7 die aktief en passief verstaan en gebruik;

6.2.10 leestekens doeltreffend gebruik;

6.4 'n bewustheid van en gebruik van styl ontwikkel.



# Memorandum

## AKTIWITEIT 1

3. Behandel die volgende aspekte baie kortliks voor die leerders die vrae by hierdie oefening beantwoord. Dis ter wille van vaslegging tog sinvol om die opsies te herhaal wanneer u die leerders se werk nagaan.

### LEESTEKENS

riglyne by gebruik van komma

- tussen gesegdes (werkwoorde wat nie saam een aksie/handeling uitdruk nie)
- by lyste wat opgenoem word
- voor sekere voegwoorde (maar, want, ens.)
- by ingevoegde/parentetiese sinne (toets hiervoor: die inligting verander nie as ek dié deel weglaat nie)
- voor/ná tussenwerpsel

riglyne by gebruik van aanhalingstekens

- direkte rede
- titels van publikasies
- woord wat in ander verband gebruik word/betekenis nie die normale
- iemand se direkte woord(e) in stuk aanhaal

enkel-aanhalingstekens

- enkel-aanhalingssteken word gebruik binne 'n aanhaling

riglyne by gebruik van uitroepteken

- aan einde van sin waar sekere emosie uitgedruk word – woede, opgewondenheid, harde woorde

riglyne by gebruik van vraagteken

- slegs ná direkte vraag
- by retoriese vraag (waar antwoord in vraag opgesluit lê: Dink jy ek is onnosel?)

riglyne by gebruik van aandagstreep

- volle sin of sinsnede binne sin
- maak leser dikwels attent op inhoud van deel

riglyne by gebruik van dubbelpunt

- voor lys wat gegee word
- aanduiding dat verduideliking/opsomming volg
- voor direkte rede

1. dui aan dat uitbreiding/verduideliking volg
2. lys woorde/herhaling van die woord
3. tussen twee gesegdes (werkwoorde wat nie na dieselfde handeling verwys nie)
4. weerskante van ingevoegde sinsnede
5. voor maar, asook ná tussenwerpsel
6. tussen gesegdes
7. voor maar
8. Moenie? kry; dis nie 'n direkte vraag nie
9. Soos 1.3.9 – dis mos nie sy direkte woorde nie - nie aangehaal
10. Korrek; direkte vraag
11. Net toe ek by die deur instap, vra Oupa: “Kan ek asseblief die ‘Huisgenoot’ kry, want ek moet nog die blokkiesraaisel invul. En môre moet ek dit pos,” voeg hy by toe hy wegstap.

## SPELLING

Dis sekerlik nie nodig dat u alle spelreëls met die leerders behandel nie; die onderstaande klompie is na my mening voldoende op graad 8-vlak. Lê asseblief klem daarop dat die reëls nooit in die eksamen gevra gaan word nie, maar dat kennis van die reëls beteken dat 'n leerder ook in ander gevalle die reël (waarskynlik) sal kan toepas.

- Spelreëls by kappie
- slegs op enkele vokale: o u, i – om 'n bepaalde klankkarakter uit te druk: bv: môre, brûe, wê
- by e wanneer dit 'n lang klank uitdruk – (bv.: miljoenêr, skêr, vêr/ver) NB kom nie voor wanneer die klank in 'n lettergreep gevolg word deur meer as een konsonant nie: perd, werd, ens. Spelreëls by koppelteken
- [oorhoofse rede: vergemaklik lees (en dus verstaan)]
- tussen vokale SLEGS wanneer daar klankverwarring kan wees
- by baie lang woorde
- ná langer voorvoegsel (“kwasi-ernstige”)
- tussen syfer, letter, simbool, letterafkorting in samestelling (gr. 8-klas, A-kandidate) Afkorting/simbool behou hoofletter wanneer dit aan einde staan: TV-lisensie, aspirant-PUK
- herhalingsvorme: byna-byna, dum-dum-koeël
- by-hulle: Piet-hulle
- ruimtekoppelteken / weglatingsteken om aan te dui dat daar 'n woord(deel) moet wees: kinder- en mansdrag, Spelreëls by afkappingsteken
- aanduiding dat letter(s) weggelaat is: 'n, hy's,
- meervoude en verkleiningsvorme van WOORDE wat op -i, -o, -u eindig wat só uitgespreek word, en ook op -a wat lank uitgespreek word: balju, okapi, kambro, karba
- meervoude en verkleiningsvorme van woorde op -e wat nie uitgespreek word nie: garage
- meervoude en verkleiningsvorme van VANNE en EIENAME wat op -e -rs en -e eindig wat nie uitgespreek word nie [NB 't, -z, en alle ander moontlikhede geld nie] Spelreëls by deelteken
- skakel klankverwarring uit wanneer letters TWEELETTERGREPIG gelees kan word: diëte, maar NIE dieet nie; finansiële, maar nie

finansieel nie

- dikwels a.g.v. tradisie: spieël

12. oumas

13. oribi'tjie

14. Du Preeztjie

15. A-span

16. heldeontvangs (ook helde-ontvangs) maar dan nie a.g.v. moontlike verkeerde uitspraak nie, eerder makliker lees

17. garage'e

18. Terblanche'e

19. Du Toits

20. nommer 5-skoen

21. 10 liter melk (hoeveelheid liters word aangedui)

22. 10-liter-houer/10-literhouer (aanduiding van grootte)

23. Markotter-gedenkboek

24. dieet (geen klankverwarring moontlik)

25. spieël (tradisioneel so gespel, hoewel ons dit net soos spier uitspreek

26. finansieel (geen klankverwarring moontlik)

27. finansiële

28. Ma-hulle

29. betaal-TV

## AKTIWITEIT 2

Bepaal asb. self die lengte van die skryfstuk, puntegewig, datum van inlewering. Laat die leerders die raamwerk van die dialoog in groepsverband of individueel doen. Dalk 'n nuttige stuk vir die portefeulje.

- PLAAS IN PORTEFEULJE AS KREATIEWE SKRYFWERK: KORTER STUK/DIALOOG

## AKTIWITEIT 3

TEKS B: Skaatsplankryer

- Behandel eers die gedig sonder om na die vrae te verwys.

Memorandum

1. Betekenis 1.1 – sweef; 2.1 effens buite konteks, maar tog haalbaar 4.1
2. Denimklere (die skets wys valhelm ens., maar dit staan nie in gedig).
3. teen 'n helling “afdraandpad”
4. “knoop” “ontknoop” “maak arms oop” “gier”
5. Beweeg met sy bene/trap kruis en dwars oor skaatsplank, swaai arms voor, agter en aan weerskante van hom verby (lyk of hy hom vasknoop en dan weer losknoop), spreid arms asof hy wil vlieg, staan dan laastens doodstil met oop arms op voortsnellende plank.
6. Ingevoegde sinsnede/verteller wil ons aandag vestig op die ekstase, gevoel van die ryer. Terselfdertyd 'n belangrike aanduiding van “rede”/”boodskap” van gedig. (Met hierdie inligting sal u sekerlik moet help.)
7. enjambement

8. Gedig lees vloeiend, sonder stiltes/onderbrekings – versterk beeld van ryer wat vloeiend beweeg.

9. “gier (bevry)” r. 4 (Gesels met die klas – indien u ’n skerp groep het – oor of “bevry” steeds beskryf, en of dit nie dalk al oorgaan na toepassing nie.)

10. Lei klimaks/toepassing in.

11.1 (feitlik) geen rymende woorde; miskien wel r. 1 en 5

11.2 vrye vers

12. Hy beweeg asof die aarde se AANTREKKINGSkrag (wat mense vashou) nie op hom ’n invloed het nie.

13. “vaart” en “gier” ook “bevry” en “-windswael”

14. metafoor

15. Wil iets van vry word, beweeg asof niks hom vashou nie, uitlig. Ja – kyk 2.6.2.

16. Die seun word nooit werklik vry, los van die aarde nie, moet die hele tyd op die aarde beweeg en nie soos swaai in die lug nie.

17. Meestal ja, met die antw. van 2.6.2 as motivering. NB ook die woord “bevry” net voor die dubbelpunt is van belang. Ander siening met motivering moet ook aanvaar word.

## **AKTIWITEIT 4**

18. Ook by hierdie stelwerkstuk moet u self die lengte en puntegewig bepaal, die leerders met die raamwerk help en ’n datum vir inlewering vasstel. Stel dit duidelik dat u veral soek na beskrywing van emosie/gevoelservaring. Leerders mag selfs hulle ervaring beskryf die eerste keer toe hulle fiets gery het.

- PLAAS IN PORTEFEULJE AS KREATIEWE WERK: LANGER SKRYFSTUK.

## AKTIWITEIT 5

TEKS C: Moenie so ploeter, kry 'n skoeter

1. WANNEER U MET HIERDIE TEKS BEGIN WERK, is die eerste opdrag hier die beantwoording van die stuk as begripstoets. Die leerders moet dus die stuk individueel

stillees en die gegewe vrae daarvoor individueel skriftelik beantwoord. Die antwoorde moet u verkieslik self aan die hand van die onderstaande memorandum assesseer.

1.1 Ryplanke is groot pret, maar kan ook nuttig gebruik word om mee oor die weg te kom. (3)

1.2 Dis opvoubaar (kan selfs gedra word), gebruik min plek en 'n mens hoef dan nie te loop nie. (3)

1.3 swaarkry, sukkelend oor die weg kom (2)

1.4 iets wat gewild is, wat jy moet hê as jy in die tel wil wees (2)

1.5 vinnig rondbeweeg (2)

1.6 druk opwinding uit (2)

1.7 “klanklose bromponie sonder enjin” (2)

1.8 Nie almal verstaan die woord dieselfde nie - wat vir een mens (redelik) vinnig is, is vir 'n ander stadig. (2)

1.9 'n deel van die verkoopsom wat die verkoper ontvang (1)

1.10 mense wat namens maatskappy produk verkoop (1)

- U KAN OOK HIERDIE STUK IN DIE PORTEFEULJE GEBRUIK: GESKREWE IND. RESPONS OP TEKS.

## **AKTIWITEIT 6**

2. Behandel met die leerders eers die basiese werkwyse by opsomming. Let daarop dat hierdie opsomming 'n puntsgewyse (en baie basiese soort) opsomming is. Moenie in te veel detail ingaan wat nie hier ter sake gaan wees nie. ASSESSEER ook hier die leerders individueel.



Taal

## AFRIKAANS HUISTAAL

### Graad 8

### Module 3

## TAAL

### AKTIWITEIT 1

Taal

Eerstens weer so 'n paar LEESTEKENS.

3.1 Skryf die paragraaf wat begin met: “Die groot rede waarom . . .” oor soos jy Len se woorde (en stemtoon/houding ens.) aan iemand anders sal oordra.

3.2 Skryf die sin wat begin met: “Volgens mnr. Len Bradford . . .” woord vir woord oor en voeg die korrekte leestekens in.

### Afleidings

- In die woordeskat van Afrikaans kom baie woorde voor wat van dieselfde woord afgelei is, maar 'n heel ander betekenis het. Julle is bv. *leerders*, 'n woord wat van LEER afgelei is. Maar ook *leraar* en *verleer* kom van dieselfde woord, wat ons die STAM noem, af. Meer nog: 'n leerder is iemand wat leer, en daarom sê ons dis 'n persoonsvorm.

3.3 Lees nou weer deur die leesstuk en skryf **verskillende persoonsvorme** sowel as die STAM van elkeen neer.

### 3.4 Water ander woorde kan jy maak met die STAM Me wat jy by 3.3 uitgehaal het?

#### Sinonieme en Antonieme

- In die woordeskat van enige taal (en in ons geval Afrikaans) kan ons sekere woorde met mekaar vervang of byna vervang sonder dat ons werklik aan die betekenis verander. Woorde waarmee ons ander kan vervang, noem ons sinonieme.
- Maar dis nie altyd so eenvoudig nie: woorde het betekenis, en ons heg sekere betekeniswaarde aan woorde, sodat ons baiekeer sê 'n woord is beledigend ens. bedoel. Jy gaan bv. nie baie daarvan hou as jou ma vir gaste sê: “Dis my oudste *seun*; hy is 'n oulike *vent*” nie, want vent het in die meeste gevalle 'n negatiewe betekenis.
- GAAN SOEK NOU IN DIE LEESSTUK SINONIEME VIR DIE VOLGENDE WOORDE (DIE LYS IS NIE IN VOLGORDE SOOS DIT IN DIE LEESSTUK VOORKOM NIE):

3.5 sukkel

3.6 groei

3.7 snelheid

3.8 nuwigheid

3.9 kerjakkert

3.10 populariteit

3.11 moderne

- KOM ONS KEER NOU DIE OEFENING OM! DIE VOLGENDE KLOMPIE WOORDE STAAN IN DIE LEESSTUK. JY MOET NOU (JOU EIE) SINONIEME DAARVOOR GAAN SOEK.

3.12 beslis (par. 1)

3.13 make (par. 7)

3.14 eenvoudig (par. 9)

3.15 handige (par. 10)

3.16 seker (par. 13)

- Net so kry ons in alle tale woorde met 'n teenoorgestelde betekenis, wat ons ANTONIEME noem (anti- beteken mos TEEN). Antonieme werk op verskillende maniere: so bv. is MAN die enigste antoniem vir VROU, ROOI kan nie werklik 'n antoniem hê nie, maar wanneer 'n ding ROOI is, kan dit nie WIT of SWART of GEEL of enige ander kleur wees nie. As ek nie KWAAD is nie, kan ek VRIENDELIK wees, of TEVREDE of RUSTIG, of AFGEKOEL, wat almal 'n ander toestand uitdruk.
- Maar kom ons werk vir eers net met een soort ANTONIEM.
- GAAN WEER NA DIE LEESSTUK TOE EN GEE ANTONIEME VIR DIE VOLGENDE WOORDE (JY MOET NOU KYK IN WATTER BETEKENIS OF KONTEKS DIE BEPAALDE WOORD GEBRUIK WORD SODAT JY 'N GOEIE ANTONIEM GEE):

3.17 nuwerwetse (par.1)

3.18 toeneem (par. 3)

3.19 veiliger (par. 4)

3.20 waaghalse (par. 5)

3.21 handige (par. 10)

3.22 gewoonlik (par. 11)

- 'n Laaste opmerking oor woorde: Dit gebeur dikwels dat mense nie die presiese betekenis van 'n woord ken nie of dit met 'n ander woord verwar, met die gevolg dat hulle dan daardie woord verkeerd gebruik omdat hulle dink dit beteken iets anders as wat dit werklik beteken.

Dink maar aan 'n woord soos OPGESKEEP sit (met iets wat jy nie wil hê nie), en OPGESAAL (word met iets – met ander woorde nog werk bykry). Mense gebruik dikwels die uitdrukking: Ek sit opgesaal met hierdie nuttelose geskenk.

- Net so gebeur dit dat mense twee woorde ken wat byna dieselfde beteken, en dan daardie woorde saamvoeg asof dit korrek is so.
- IN DIE LEESSTUK IS DAAR TWEE SULKE WOORDE SOOS WAT IN DIE VORIGE TWEE PARAGRAWES VERDUIDELIK IS:

3.23 “aantrekkingskragte “ in par. 9, wat 'n ander betekenis het as wat die skrywer dink en

3.24 “lokaaspunt” in par. 11, wat 'n samevoeging van twee of dalk meer woorde kan wees wat dalk dieselfde kan beteken.

- GESELS IN JULLE GROEPE EN VERVANG NOU ALBEI HIERDIE WOORDE MET 'N GOEIE EN RAAK WOORD SODAT DIE BETEKENIS DUIDELIK OORGEDRA WORD.

	LU 6.1.9			

Bedrywende en Lydende vorm (aktief en passief)

- In alle tale word normale sinne op 'n spesifieke manier gebou. In Afrikaans bestaan 'n “normale” eenvoudige sin gewoonlik uit 'n doener, die handeling (en, indien nodig) die een op wie die handeling gedoen of toegepas word. Bv. Ek eet (my kos). Ons sê so 'n sin staan in die BEDRYWENDE VORM of AKTIEF, aangesien die doener en die handeling uitgedruk word.

- Maar soms is die doener nie so belangrik nie, of dis nodig om hom so effens weg te steek sodat die handeling voorop staan, bv. “Die ryplanke word ingevoer” (die doener is dan nie so voorop in die prentjie nie, of meer PASSIEF, en daarom noem ons dié vorm dan ook die LYDENDE VORM of PASSIEF).
- Enkele riglyne rondom hierdie twee vorme is die volgende:
  - Die doener in die BV = “deur . . . “ in die LV
  - Teenwoordige tyd in die BV = “word + ge-“ in die LV
  - Verlede tyd in die BV = “is + ge-“ in die LV (ons PRAAT dikwels van “was gedoen” dalk ter wille van nadruk ens., maar dis steeds verkeerd om so te skryf
  - Dis dikwels nie nodig om die doener in die BV in die LV te noem nie: “Hulle sê dit gaan reën” word gewoon “ Daar word beweer (dat) dit gaan reën.”
  - Dis nie moontlik om alle sinne na die lydende vorm om te skakel nie (of omgekeerd)
- VOER NOU DIE VOLGENDE OPDRAGTE UIT:
- Skryf die volgende sinne in LYDENDE VORM

3.25 Van die waaghalse en avontuurlustige ryplank-liefhebbers beoefen van die toertjies van skaatsplankryers. (Begin jou antwoord met: “Die toertjies . . .”)

3.26 Die groot rede waarom mense die ryplank gebruik . . . (net hierdie deel van die sin)

- En hierdie klompie in die BEDRYWENDE VORM

3.27 Die ryplanke word uit Amerika bestel en deur agente in Suid-Afrika verkoop.

3.28 Daar is seker meer as 5 000 ryplanke die afgelope seisoen in Suid-Afrika verkoop.

3.29 . . . dat dit heeltemal opvoubaar is (weer net hierdie deel van die sin).

	LU 6.2.7			

## AKTIWITEIT 2

4. Skryf 'n amptelike brief aan die stadsraad/munisipaliteit (Die Munisipale Bestuurder) waarin jy 'n versoek rig dat 'n terrein ontwikkel word waar kinders van die omgewing met hulle skaatsplanke, rollemme en wat ook nog, veilig en ongesteurd kan kom speel, toertjies uitvoer ens. Onthou dat jy die Bestuurder moet oortuig met argumente. Gebruik jou eie papier.

	LU 4.2			

## TEKS D

(’n Fragment uit “**Nader kennismaking 1**” in *Patrys hulle* deur EB Grosskopf (JL van Schaik, 1965)

’n Ander slag het Patrys besluit om ’n vliegtuig te maak. Toe hy alles mooi agtermekaar het, het daar nog een katrolwiel makeer. Waar kan ’n mens hom vandaan kry? Eindelik skiet ’n pragtige gedagte hom te binne: die groot wiel van Ma se naaimasjien! Dadelik word die skroewedraaier uit sy pa se gereedskapkas gehaal, en fluks aan die werk. Die oumense was gelukkig albei weg en sou nie voor sonder terug wees nie, want hulle was weg met die kar om te gaan kuier by oom Bartel, wat ’n uur buite die dorp woon.

Die ding het moeilik gegaan, want die skroewe was baie vas, en dan gly die ellendige skroewedraaier ook ewig af. Die verf van die masjien ly wel 'n bietjie skade; maar wat is dit vergeleke met dié vername onderneming? Eindelik is die wiel losgeruk; nou aan die groot werk! Die spul is na 'n bietjie sukkel mooi agtermekaar: die vlerke staan deftig uit aan weerskante, die skroef (of “propeller,” soos hy dit genoem het) lyk glad nie te sleg nie, al is hy maar uit 'n ou sinkplaat gekap met die houtbyl en sommer met die hand reg gedraai. Die vlerke is gemaak van ou stukke goiingsak, met 'n raamwerk van dik draad van 'n agste duim; die hele spul lyk wel 'n bietjie swaar vir die perdekrag wat 'n paar hande kan produseer, maar Patrys het gehoor dat die lug in die onderveld baie dunner is as die lug langs die seekus. Nou wel, as die lug hierlangs ligter is, moet dit mos makliker gaan om deur so 'n lug te kom, nie waar nie? Veiligheidshalwe het hy ook Hans se opinie gevra oor die saak, en dié het dadelik die waarheid van hierdie wetenskaplike feit ingesien.

En nou die groot proefneming. Patrys het alles al haarfyn uitgedink. Klim hy op die kombuisdak en trek hy van daar af weg, dan vang die vlerke van sy vliegtuig maklik 'n tak van die vrugteboom wat daar naby staan, en dan beskadig hy miskien 'n boom – en hy onthou die strop nog goed. Van die koeistal af is dit ook nie wenslik nie, want moontlik skrik die kalf en verwurg – dus sal hy maar van die spits dak van die huis self af wegvlie. Maar hoe kom hy daar met sy masjien? Na beraad besluit hy om outa Moos se hulp in te roep.

Dadelik hardloop hy na die ou se kamer. Hy is nie daar nie – dus sal hy natuurlik in die tuin rondvrotel. Ja, daar staan hy ook en krap 'n onkruidjie uit.

“Outa Moos, is jy baie besig?”

“A ja, my basie, ekke werk vandag weer banja hard.”

Nou, Outa moet my asseblief eers help, toe, Outa?”

“Waarmee, my kleinbasie?”

“Ek wil hê jy moet my help om 'n ding op die dak te sit.”

Outa Moos kyk agterdogtig op. Die vabondse kleingoed het somtyds 'n lelike onhebbelikheid om die ou vir die gek te hou. “Dis mos nie pampoentyd nie,” sê hy.

“Nee, Outa, ek wil nie pampoene op die dak pak nie; ek wil 'n ander ding daar bring. Jy weet mos daardie ding wat ek die afgelope paar dae daar in die pakkamer gemaak het, nè?”

“Ja, my basie?” en die ou lyk belangstellend, want hy was al baie nuuskierig om te weet wat op aarde daardie ding moet wees; 'n nuwe soort planter, of iets om vrugte op te droog.

“Nou ja, outa Moos, ek gaan met hom vlie.”

“Hè, my kleinbasie?” Die ou kan sy ore nie glo nie.

“Ja, vlie soos 'n voël,” sê Patrys.

“Hegge-hegge-hegge-hegge,” lag ou Moos sy snaakse hoeslaggie. “My kleinbaas wil al weer grap maak met ou Moos, nè?”

Patrys word ongeduldig. “Nou ja, kom help gou, dan sal jy self sien.”

Kopskuddend volg Moos. Sowat het hy nog nie gehoor nie. (Hierdie gebeurtenis dateer uit die dae toe daar nog nie bra vliegtuie in die land was nie, en toe Suid-Afrika se vliegpionier, Weston, net begin het met sy proefnemings. Patrys gaan gereeld na die klein plaaslike biblioteek en deursnuffel die geïllustreerde blaaie, en daar het hy eendag 'n model van 'n vliegtuig gesien; ook het die meester al 'n paar slae daaroor gepraat. Maar ou Moos wis natuurlik niks van moderne tegniese vooruitgang nie, behalwe miskien iets van nuwe landbougereedskap.)

Hulle staan en bekyk die masjien; en Patrys stoot onbewus sy bors uit by die gedagte: “Dis my werk dié!”

“Kyk, outa, hierdie goed is die vlerke.”

“Nou ja, my kleinbasie; laat hulle dan 'n bietjie klap,” sê die ou.



“Nee, ou Moos, hulle kan mos nie klap nie; hulle staan maar al die tyd doodstil.”

“Haikôna,” sê ou Moos. “As die vlerk hy nie klap nie, die voël hy bly op die grond.”

“Nee, ou Moos, jy verstaan die ding nie. Jy sien, ek maak die vlerke onder my arms vas, en dan draai ek hierdie stuk sinkplaat wat so ’n swaai in hom het, en dis hy wat my sal laat trek deur die lug.”

Ou Moos kyk ongelowig. “Daardie ding? Ek glo hom nie.”

“Ag, kan jy dan nie sien hoe die ding werk nie?” vra Patrys ongeduldig. “Ek draai hierdie wiel wat ek van die mooi se masjien afgehaal het; sy riem draai daardie klein wiel waar die propeller aan vas is, en hy draai hom so vinnig dat ek in die lug sal intrek. Wag maar, jy sal sien.”

Kopskuddend staan ou Moos nog die ding en bekyk. “Daardie prekant in die lokasie hy sê as ek nie steel nie en ek doen nie kwaad nie, dan kry ek vlerke as ek dood is. Ek sal maar wag vir daardie vlerke, want dan kan ek my nie meer doodval nie.”

Patrys lag oor hierdie teologiese opvatting. “En wat sal jy dan wees?” vra hy, net om verder wysheid uit te lok, “’n mens of ’n voël?”

“Kleinbasie, ek weet nog nie. Maar die moroetie sê so, en hy is ’n banja slim man, en hy dra swart klere op Sondag, net soos oubaas Freek.”

Oom Freek Visasie is ’n ouderling met ’n manel wat amper op sy voete hang.

“Nou, vat aan, outa,” sê Patrys.

Maar Moos wil nog iets weet. “Waar gaan my kleinbasie weer afkom uit die lug?” vra hy.

“Ek weet nog nie, outa; die beste sal seker wees om hier voor die huis in die straat te land. Maar kom nou!”

Die leer staan al klaar teen die huis, en sukkel-sukkel kry hulle die affêre op die dak. Daar bo bind Patrys die masjien aan sy bolyf vas met stukkies tou en rieme – en nou is alles agtermekaar. Hy staan versigtig op, want dis op die beste tyd moeilik om op so ’n dak se nok te staan. Net toe hy staan, kom daar ’n windjie wat hom byna vooroor gooi op die druiweprieel. Gou gaan hy weer sit.

“Hè!” sê ou Moos wat vol verwagting daar staan. “Hy lig hom stert al! Hy mik al! Auk, my kleinbasie!”

Daar bo-op die dak voel Patrys skielik effens kleingelowig; die wêreld is tog maar taamlik ver onder hom as daar miskien ’n riem losgaan! Maar hy voel die ou voortrekkersbloed in hom bruis, en met ’n harde “Hoerê!” begin hy die wiel te draai. Die “propeller” gee naderhand al ’n klank soos ’n sieklike woer-woer.

“Bulperd, bulperd!” sê ou Moos met innige bewondering.

“Totsiens, outa!” roep Patrys, en hy gee ’n geweldige sprong vorentoe. Net op dié oomblik kom daar ook skielik weer ’n rukwindjie wat die masjien onder sy vlerke vat en skoon oor die prieel dra. Pardoems! val Patrys in die heining voor die huis. “Auk!” sê outa Moos, “maar hy vlieg gou klaar!” En hy stap so vinnig as wat sy ou gebeente dit toelaat, om te kyk wat die vlieër nou gaan doen.

In die straat aangekom, sien hy die gevaarte in ’n ontredde toestand in die heining hang, en af en toe kom daar ’n steun uit die verwarde hoop. Kan daar miskien iets verkeerd gegaan het? Maar nee, sy kleinbasie het mos gesê hy sal hier voor die huis land. Tog probeer hy ’n draffie aan te slaan om gouer by die hand te wees in geval sy hulp tog nodig mag wees.

“Ou Moos, ou Moos,” kom daar ’n swak stemmetjie uit die heining, “maak my los.”

“Is die kleinbaas dan al klaar?” vra die ou teleurgesteld.

“Maak my los, maak my los!” is al antwoord wat hy kry.

“Die basie het bang geword,” sê Moos binnensmonds, en hy haal sy knipmes uit. “Moet ek die rieme maar sny, my kleinbasie?” Hy is nie meer ’n kind nie, en hy weet dat dit die veiligste is om duidelikheid in sulke sake te kry.

“Ja, sny, breek, skeur – maar maak my los!”

“Goed, my kleinbasie.” En ’n minuut of wat daarna staan Patrys weer op die vaste grond, taamlik gekneus en gekrap, maar verder onbeskadig.

Met melktyd dié aand was daar weer ’n groot lawaai, want twee spantoue was stukkend gesny; en oom Piet het weer so ’n regte, veragtelike remskoen-gedrag-slyn gevolg en sy seun bo-oor al die kneusings afgeransel, al het hy probeer duidelik maak dat hy ’n proefneming in die belange van die welvaart van die wêreld gemaak het.

“Welvaart van die wêreld se voet! Vooruitgang van die wetenskap se voet!” het hy uitgeroep, terwyl hy die een stukkend gesnyde spantou sag brei op Patrys se broek. “Van nou af dink jy eers aan die welvaart van my spantoue!”

So ’n ongevoelige barbaar! En hoekom moet hy ook drie spantoue hê as hy tog maar net een koei melk?

Daardie aand was daar droefheid en verbittering in oorvloed in die De Bruyns se huis. Selfs Meraai se heimlike simpatie was onvoldoende om die angel uit Patrys se siel te verwyder. Maar toe tant Hannie laat die aand na sy kamer kom en vir hom ’n lekker stukkie biltong bring, was die wêreld weer ’n bietjie beter. Sy het vir hom wel by dieselfde geleentheid ’n les geles, maar dit kon hy verdra; die biltong was goed.

### AKTIWITEIT 3

1. Onderstreep (eers elkeen op sy eie) ongewone/ou/verouderde woorde en uitdrukkings wat ons nie meer vandag gebruik nie.

- GESELS DAN IN GROEPE OOR DIE VOLGENDE VRAE:

- Hoekom dink jy word die woorde nie meer gebruik nie?
- Ken jy ander woorde wat ons in die plek daarvan gebruik?
- En die uitdrukkings?
- **BESLUIT IN JULLE GROEP OOR EEN OF TWEE GEVOLGTREKKINGS OOR TAALONTWIKKELING.**

2 Identifiseer 'n stuk van drie tot vier sinne wat in 'n verouderde vorm geskryf is, uit die leesstuk en skryf die sinne oor soos jy dink dit in die 21ste eeu in 'n Afrikaanse jeugboek sal verskyn. Gebruik jou verbeelding en wees kreatief!

	LU 6.4			

#### AKTIWITEIT 4

3 Vrae gerig op die letterkundige aspek van die verhaal.

3.1 Gee die inhoud van die verhaal weer in 'n paragraaf van 4 – 5 sinne.

3.2 Beskryf in jou eie woorde hoe die “vliegtuig” lyk wat Patrys ontwerp het, en hoe hy daarmee gaan vlieg/ dit gaan aandryf.

3.3 Wat is die uiteinde van sy poging om te vlieg?

3.4 Wie is die HOOFKARAKTER in hierdie kortverhaal?

3.5 Waarom sê jy so?

3.6 Watter soort verteller is aan die woord in die verhaal?

3.7 Noem enkele eienskappe/kenmerke van hierdie soort verteller soos hy in hierdie verhaal na vore kom.

3.8 Uit watter oogpunt word die verhaal vertel? (Met ander woorde: deur wie se oë kyk die verteller wanneer hy die verhaal vertel?)

3.9 Wat is die HOOGTEPUNT/KLIMAKS van die verhaal?

3.10 Waarom “draai” die verteller so lank om hierby uit te kom? Verskaf minstens drie redes.

- Waarom word die laaste deel van die verhaal – die gebeure die aand ná die

vliegpoing – ook hier gegee?

	LU 3.5			

## Assessering

### LU 3 LEES EN KYK

Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer

Dit word bewys as die leerder:
3.4 hoofgedagtes identifiseer en 'n opsomming maak;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 begrip van 'n teks en die doel daarvan toon deur die intrige tema., hoofkarakter ens. te bespreek.
LU 4 SKRYF
Die leerder is in staat om verskillende soorte feitelike en verbeeldingstekste vir 'n wye verskeidenheid doeleindes te skryf.
Dit word bewys as die leerder:
4.1 verskeidenheid verbeeldingstekste skryf;
4.2 'n verskeidenheid feitelike skriftelike tekste vir verskeie doeleindes lewer;
4.4 die skryfproses saam met ander en individueel gebruik om tekste te skep.
LU 6 Taalstruktuur en –gebruik
Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde:6.1.2 basiese spelreëls gebruik om woorde te spel;
6.1.5 'n woordeboek gebruik om woordeskat na te vors;

6.1.9 antonieme en sinonieme gepas binne konteks vind en gebruik;

6.2 werk met sinne: 6.2.7 die aktief en passief verstaan en gebruik;

6.2.10 leestekens doeltreffend gebruik;

6.4 'n bewustheid van en gebruik van styl ontwikkel.

## Memorandum

### AKTIWITEIT 1

3.1 Len het ons opgewonde vertel/meegedeel dat die groot rede waarom mense die ryplank koop, vir die pret is. Hy het gesê ryplanke is nes fietse of skaatsplanke, net baie veiliger.

3.2 Volgens mnr. Len Bradford, bestuurder van Surf Waterhouse in Bellville, is ryplanke 'n nuwe gier wat Amerikaners, Australiërs en die Britte in vervoering het en waarvan die gewildheid ook in Suid-Afrika aan die toeneem is.

- Behandel sinonieme, antonieme, homonieme, homofone met leerders.
- Besluit self of u die leerders in groepe gaan laat werk met terugvoering, en dan die antwoorde gebruik om uit te brei oor daardie bepaalde aspek van taal.
- Dis egter belangrik dat u die basiese werk behandel voordat die leerders die vrae beantwoord.
- 3.3 en 3.4 Laat u lei deur die leesstuk; daar is baie voorbeelde. Luister ook fyn na die leerders se respons by 3.4 en maak seker dat hulle nie 'n stam met 'n ander betekenis gebruik by die afleidingsvorme nie.

.

3.5 ploeter

3.6 toeneem

3.7 spoed

3.8 gier

3.9 rits

3.10 gewildheid

3.11 nuwerwetse

3.12 net/seker

3.13 handelsmerke/fabrikate

3.14 gewoon

3.15 nuttige

3.16 waarskynlik

3.17 outydse/oudmodiese

3.18 afneem

3.19 onveiliger/riskanter(?)

3.20 lafaards/bangbroeke

3.21 nuttelose (onhandige pas nie binne die konteks nie)

3.22 selde/nooit

3.23 aanloklikhede/attraksies/pluspunte/voordele

3.24 aanloklikheid/voordeel/pluspunt (die twee woorde in die leesstuk is feitlik sinoniem gebruik)



3.25 Die toertjies van skaatsplankryers word deur waaghalsige en avontuurlustige ryplank-liefhebbers beoefen.

3.26 Die groot rede waarom ryplanke gebruik word . . .

3.27 Agente bestel die ryplanke uit Amerika en verkoop dit/hulle.

3.28 Handelaars / Agente / Winkels het seker meer as 5000 skaatsplanke die afgelope seisoen in Suid-Afrika verkoop.

3.29 . . . dat dit heeltemal kan opvou/opgevou kan word.

## **AKTIWITEIT 2**

4. NB Behandel met die leerders die VORM, UITEENSETTING, TRANT en TAALGEBRUIK van so 'n amptelike brief. Wie weet, dalk is daar in u omgewing werklik

so 'n behoefte en kan u die leerders motiveer met die onderneming dat u die beste brief wel aan die Munisipale Bestuurder sal voorlê vir oorweging van die versoek!

- Ook by hierdie stelwerkstuk moet u self die lengte en puntegewig bepaal, die leerders met die raamwerk help en 'n datum vir inlewering vasstel.
- PLAAS IN PORTEFEULJE AS FUNKSIONLE SKRYFWERK.

## **AKTIWITEIT 3**

TEKS D: Nader kennismaking 1

- By die lees van die teks:
- U kan u leerders die geleentheid gee om die teks hardop te lees sodat u sommer kan weet hoe leesvaardig hulle is. Dit kan lei tot 'n les in voorlees-tegnieke, (en selfs stillees-, vluglees- en ander leestegnieke). In die volgende modules is daar ook soortgelyke langer tekste wat u

vir dieselfde doel kan gebruik, sodat u deur die jaar u goeie lesers kan identifiseer en die swakkeres help en begelei om beter te lees.

1. Die aangehaalde gedeelte – in wese is dit feitlik die hele kortverhaal – kom uit *Patrys-hulle* wat reeds in 1926 verskyn het, een van die eerste jeugverhale in Afrikaans. As sodanig kan dit nuttig gebruik word om iets oor ontwikkeling van die taal, woorde en woordeskat, veranderde sosiale milieu, “tegniese” vooruitgang en dies meer met die leerlinge te behandel. Die gegewe werkwyse in die module dien hoogstens as aansporing/prikkel.

2. Kies ’n aantal stukke van so 3 - 4 sinne wat in verouderde styl geskryf is, of laat die leerders sulke stukke kies; daar is heelwat. Laat verskillende groepe die stukke redigeer/oorskryf en dan aan klas terugvoering gee, wat die assessering doen. Laat ruimte vir hulle 21ste-eeuse taalgebruik sonder om darem te ver van die norm af te wyk!

## **AKTIWITEIT 4**

3. Behandel baie basies met die leerders aspekte soos: hoofkarakter, mede- / nuwe-karakters, karakterbeelding, bou van die verhaal (eksposisie, motoriese moment, verhaalplan, klimaks, afloop), verteller, spanning voordat u die enkele vragies laat doen (weereens u keuse of dit in groepsverband of individueel moet wees). NB U moet wel hier die uitkoms assesser.

- Behandel ook opsommingstegnieke (langer paragrawe) aangesien die eerste twee vrae wat volg, hierop ingestel is.

3.1 Leerders gee terugvoering, maak seker dat hulle wel die kernfeite van die verhaalinhoud uitlig.

3.2 Draadraam met (going)sak oorgetrek vir vlerke; skroef van sinkplaat wat in vorm gesny en daarna gedraai is; katrolwiel wat met rieme aan skroef verbind is.

Vlerke met spantou/rieme onder arms vasgemaak, skroef aan bolyf vas. Patrys moet wiel draai om skroef te laat draai sodat hy kan vlieg.

3.3 ontnugtering en 'n pak slae

3.4 Patrys

3.5 Die verhaal handel hoofsaaklik oor sy optrede, gevoelens, handelinge, ens.

3.6 (alomteenwoordige) derdepersoonsverteller

3.7 Die verteller is self nie betrokke by verhaal, maar weet wat albei karakters dink, hoe hulle voel, weet wat buite die betrokke toneel ook gebeur, kan in die tyd rondbeweeg. (Leerders kan maar bewyse uit teks gee ter staving.)

3.8 Patrys s'n (Moos is die ondergeskikte, die mindere)

3.9 wanneer Patrys wel vlieg

3.10 Stel uit t.w.v. spanning. Gee verdere inligting ter agtergrond (eksposisie). Karakters word vollediger geteken/uitgebeeld.

3.11 Vorm AFLOOP van verhaal (verhaal kan tog nie sommer net ophou wanneer hoogtepunt/klimaks plaasgevind het nie; dis soos 'n opstel sonder 'n slotparagraaf).

Sosiale geregtigheid

## **AFRIKAANS HUISTAAL**

### **Graad 8**

### **Module 4**

## **SOSIALE GEREGTIGHEID**

### **AKTIWITEIT 1**

Sosiale geregtigheid

Hierdie verhaal is meer as 75 jaar gelede geskryf, toe omstandighede baie anders as vandag was. Waarna ons nou gaan kyk, is die twee karakters: 'n wit seun, Patrys, en 'n bruin volwasse man, Moos. Die tema van hierdie oefening is SOSIALE GEREGTIGHEID, en ons gaan kyk na die verhouding tussen hulle en hoe die letterkunde van daardie tyd wit en bruin uitgebeeld het. Sjoë, klink darem hoog en moeilik, nè? Maar ons gaan dit op só 'n manier doen dat jy uiteindelik by 'n antwoord sal kan uitkom.

- JULLE GAAN IN GROEPE WERK, EN JULLE GAAN MET DIE TEKS WERK.
- Die bedoeling is dat julle in julle groep na sekere aspekte gaan kyk en daaroor gesels en argumenteer en op die ou end by 'n siening (ons noem dit 'n gemotiveerde siening) uitkom.

Lekker werk!

- GEBRUIK DIE TEKS – VERWYS DUS NA DIE INHOUD EN WOORDE/SINSNEDE AS BEWYSE – EN KYK NA DIE VOLGENDE:

- Hoe word Patrys voorgestel? Bv.: Wat weet hy alles? Wat kan hy alles doen? en so meer.
- Hoe word Moos voorgestel? Wat weet hy alles? Wat kan hy alles doen? ens.
- Hoe is die verhouding tussen die twee? Hoe praat hulle met mekaar? Wat dink hulle van mekaar? Wie is die meerdere en hoekom, en wie is die mindere, en hoekom?
- Hoe behandel Patrys vir Moos, en omgekeerd?

(Onthou dat die skrywer - ons moet eintlik mos sê die VERTELLER - die twee karakters só teken.)

- NOU MOET JULLE 'N BELANGRIKE STANDPUNT INNEEM:
- Het die letterkunde (en dan nou spesifiek hierdie verhaaltjie) teen bruin mense gediskrimineer/bruin mense as minder menswaardig voorgestel? Motiveer jou antwoord.
- Dink jy dit was doelbewus so?

	LU 2.4			

## AKTIWITEIT 2

- Lees die volgende gedig: *Lied van die fietsers* deur Antjie Krog. Dit verskyn in *Senior Keur*, Tafelberg 1992.
- BEANTWOORD DIE VOLGENDE VRAE OOR DIE GEDIG:

1 Wat noem ons 'n gedig wat geen vaste struktuur of rymskema het nie? (1)

2 As ons sê dat die gewone dinge wat 'n gedig bymekaar hou, soos 'n vaste struktuur en rym, in hierdie gedig ontbreek, moet die digter tog iets anders

gebruik om die gedig sy eenheid te laat behou. Noem minstens TWEE (versteegniese) middele wat die digter in hierdie gedig gebruik om dit te doen. (2)

3 Beskryf kortliks hoe die fietsers lyk. (3)

4 Noem minstens drie verskille tussen die vyfde fietser en die ander. (3)

5 Haal enige twee vergelykings uit die gedig aan. (2)

6 Sê nou wat by elk van hierdie twee vergelykings met mekaar vergelyk word. (4)

7 Skryf enige twee metafore uit strofes 2 en 3 neer. (2)

8 Verduidelik wat die volgende twee sinsnedes beteken: (4)

- “konakwaberge al langs sy rug af”
- “’n roeispaan in sy lag”

9 Is hierdie metafore geslaag (pas hulle m.a.w. binne die konteks van die gedig)? Motiveer waarom jy so sê.

10 Wat sê str. 2 en 3, waar ons lees van berge, baaie, pampano’s en riviere, vir ons van die vyfde fietser se omswerwing? (2)

11 Haal ’n bewys uit die gedig aan dat die fietsers ’n ruk lank vertoef het waar die verteller was. (1)

12 Verduidelik die volgende sinsnedes: (4)

- “sy skadu ontbind in die verte”
- “ek verloor hom”

13 Sê wat die laaste reël van die gedig beteken. (1)

14 Verduidelik waarom hierdie reël alleen staan. (1)

[30]

	LU 3.5			

### TEKS A

En nou: die waterfiets!

(a) \_\_\_\_\_ gedink jy kan met 'n fiets OP water ry? In water, ja, en  
(b) \_\_\_\_\_ moet jy dan seker maar (c) \_\_\_\_\_ neem met die feit dat jy gaan  
nat word, ja. Maar óp die water? Aikona!

En tog is dit presies wat 'n Thailandse ontwerper, mnr. Pravit Yongvanoch,  
se jongste ontwerp (d) \_\_\_\_\_: 'n fiets waarmee jy op water ry. En nie  
sommers vir die pret nie, o nee. Pravit het vandeeweek sy  
(e) \_\_\_\_\_ bekend (f) \_\_\_\_\_ en gesê dis 'n goedkoop en  
omgewingsvriendelike manier om verkeersknope te (g) \_\_\_\_\_. Dis boonop  
goeie oefening.

Hy wil dié fiets op groot skaal (h) \_\_\_\_\_ en in Thailand en moontlik ook  
Amerika verkoop.

Of Suid-Afrika hierdie ontwerp ooit sal sien of gebruik, is te betwyfel,  
aangesien ons land geen riviere as waterweë gebruik nie. Maar wie weet,  
met die mens se onbeperkte (i) \_\_\_\_\_ is dit dalk net moontlik dat ons  
(j) \_\_\_\_\_ 'n nuwe sportsoort: waterfietsrenne, gaan aanskou.

### AKTIWITEIT 3

- VIR HIERDIE OEFENING GAAN ONS GEWOON DIE  
ONTBREKENDE WOORDE UIT DIE PARE IN DIE LYS

HIERONDER KIES. KIES BY ELKE NOMMER DIE WOORD WAT JY DINK DIE BESTE PAS EN SKRYF JOU ANTWOORD IN DIE BETROKKE SPASIE NEER.

WOORDELYS

- (a) ooit / al / nog
- (b) sekerlik / boonop / beslis
- (c) geneë / genoeg / verlief
- (d) behels / beteken
- (e) vonds / ontdekking / uitvinding
- (f) gestel / gemaak / geword
- (g) ontwyk / voorkom / ontduik
- (h) patenteer / vervaardig / fabriseer
- (i) lewenslus / kreatiwiteit / vindingrykheid

a. huidig / eersdaags / aanstons

- KEN JULLE DIE BETEKENIS VAN DIE WOORDE WAT JULLE **NIE** GEBRUIK HET NIE? SLAAN DIE WOORDE WAT JULLE GLAD NIE KEN NIE, IN 'N WOORDEBOEK NA EN MAAK 'N KORT VERKLARENDE SINNETJIE MET ELKEEN SODAT JULLE DIE WOORD KEN EN IN DIE TOEKOMS KAN GEBRUIK.

	LU 6.1.9			



--	--	--	--	--

#### AKTIWITEIT 4

- STEL 'N STROOIBILJET SAAM WAARIN JULLE DIE OPENING VAN 'N NUWE TERREIN VIR SULKE PRETGOED IN JULLE DORP ADVERTEER **OF** SO 'N NUWEGIER BEKENDSTEL.
- Werk eers in 'n groep saam om die volgende te bepaal
  - Wat julle gaan adverteer
  - Wie die teikengehoor is
  - Hoe julle dié gehoor gaan bereik (taalgebruik, program vir die dag ens.)
  - Die stelwyse van die stuk sodat die leser die opening/bekendstelling sal wil bywoon
- Stel nou elkeen 'n strooibiljet saam.

	LU 4.4			

#### Assessering

LU 2 PRAAT
------------

Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.

Dit word bewys as die leerder:

2.4 'n verskeidenheid basiese interaksievaardighede toon deur aktief aan groepbesprekings deel te neem;

2.5 mondelinge aanbiedings met redelike akkuraatheid en kreatiwiteit doen.

### LU 3 LEES EN KYK

Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer

Dit word bewys as die leerder:

3.4 hoofgedagtes identifiseer en 'n opsomming maak;

3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;

3.6 begrip van 'n teks en die doel daarvan toon deur die intrige tema., hoofkarakter ens. te bespreek.

### LU 4 SKRYF

Die leerder is in staat om verskillende soorte feitelike en verbeeldingstekste vir 'n wye verskeidenheid doeleindes te skryf.

Dit word bewys as die leerder:

4.1 verskeidenheid verbeeldingstekste skryf;

4.2 'n verskeidenheid feitelike skriftelike tekste vir verskeie

doeleindes lewer;
4.4 die skryfproses saam met ander en individueel gebruik om tekste te skep.
LU 6 Taalstruktuur en –gebruik
Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde: 6.1.2 basiese spelreëls gebruik om woorde te spel;
6.1.5 'n woordeboek gebruik om woordeskat na te vors;
6.1.9 antonieme en sinonieme gepas binne konteks vind en gebruik;
6.2 werk met sinne: 6.2.7 die aktief en passief verstaan en gebruik;
6.2.10 leestekens doeltreffend gebruik;
6.4 'n bewustheid van en gebruik van styl ontwikkel.

## Memorandum

### AKTIWITEIT 1

Hier haal ons die tema van sosiale geregtigheid op. Leerders moet dit in groepe **bespreek** deur **na die teks te verwys** en te **argumenteer** en op die ou end met 'n **standpunt** na vore te kom. U sal baie duidelike riglyne moet gee oor sake waarop hulle moet let, in aansluiting by wat in die module gegee word. Tydens die groepbesprekings moet u in die klas rondbeweeg en individuele bydrae in die groep assessee met behulp van departementele

assesseringstabelle. Gee genoeg tyd [m.i. maklik 2 – 3 lesure] vir (1) bespreking in die groep, en (2) terugvoering en verdere argumente tussen groepe.

## AKTIWITEIT 2

### Lied van die fietsers

Behandel die gedig as vrye vers. Verwys na enjambement, alliterasie, herhaling (refrein), beelde, beeldspraak (vergelyking en metafoor en die geslaagdheid daarvan), reëllengtes, oop spasies in reëls ens. MOENIE te diep op die gedig ingaan nie, aangesien die leerders net vergelykings, metafore en aanhalings ter motivering van INHOUD uit die gedig moet kan haal.

- Laat leerders daarna die gegewe vrae individueel beantwoord en bepunt dit vir hul portefeulje.

1. vrye vers (1)
2. enige twee van: ritme, herhaling, beelde, tipografie (oneweredige vorm van reëls) (2)
3. moulose hemde/grandpa vests, skewe pette, rugsakke op rug, bry soos Swartlanders (?) (3)
4. bruin; swart, dromerige oë; mooier as ander; kom lank ná hulle daar aan (enige drie) (3)
5. “vreemd soos sigeuners met ’n swartlandse bry” “rugsakke wat klou soos ape” “skaduwee . . . delikaat soos ’n web” “skaduwee oor sy . . . fiets . . . soos ’n alarm om juwele” (enige twee korrek aangehaal) (2)
6. Fietsers vgl. met sigeuners wat vreemd is/praat. Rugsakke word met ape vgl. wat vasklou. Skaduwee vgl. met ’n fyn spinnerak. Sy skaduwee wat oor fiets is, vgl. met ’n alarm om juwele (bv. in kluis). (2 x 2 = 4)

7. “konakwaberge al langs sy rug af”“baaie in sy hande”“pampano’s in sy swart oë”“’n roeispaan in sy lag” (enige 2 korrek aangehaal) (2)

8. Rugwerwel met werwelpunte laat dink aan berg(reeks)/ loop soos ’n bergreeks teen sy rug af.Lag klink soos water wat kabbel. (2 x 2 = 4)

9. Geslaag – beelde wat gebruik word, skakel met reis/geografiese verskynsels/dinge wat binne die RUIMTE (milieu) van die gedig lê.

10. Het al baie gereis/baie plekke gesien of besoek. (2)

11. “in ’n paar uur” (1)

12. Verteller kan nie meer die fietser of sy skaduwee sien nie.Hy ry weg (saam met die ander). (2 x 2 = 4)

13. staan alleen (1) met . . .

14. Sê (beklemtoon) dat verteller hom nooit weer gesien het nie. (1) (2)

[30]

- PLAAS IN PORTEFEULJE AS INDIVIDUELE GESKREWE RESPONS OP EMOTIEWE TEKS

### **AKTIWITEIT 3**

TEKS A: Die waterfiets

Sekerlik selfverduidelikend

- (a) ooit (b) boonop (c) genoeg (d) behels (e) uitvinding (f) gestel (g) ontduik (h) vervaardig (i) vindingrykheid (j) eersdaags

Laat leerlinge hier mondelings terugvoering gee.

### **AKTIWITEIT 4**

Groepwerk aanvanklik nadat u die strooibiljet behandel het – dalk is dit raadsaam om enkele voorbeeld van sulke biljette bymekaar te maak en as leerstof te gebruik. NB in die behandeling: teikengehoor, taal wat by gehoor pas, genoeg inligting om nuuskierig te maak, inligting oor tyd, plek, ens. Baie belangrik: oorredend van aard – lesers moet oorreed/oortuig word om te gaan. Help asseblief met die raamwerk.

- Kom ooreen oor datum, formaat, puntegewig ens.

PLAAS IN PORTEFEULJE AS FUNKSIONELE / KREATIEWE  
SKRYFSTUK

Luister vir spesifieke inligting en kerngedagtes

## **AFRIKAANS HUISTAAL**

### **Graad 8**

### **Module 5**

## **LUISTER VIR SPESIFIEKE INLIGTING EN KERNGEDAGTES**

### **AKTIWITEIT 1**

Om vir spesifieke inligting en kerngedagtes te luister

- Luister terwyl die onderwyser die onderstaande stuk hardop lees.

Teks A

Studente omtower papierpulp tot kunstige meubels (*aangepas uit “Die Burger”*)

Die Ruth Prowse Kollege vir Kuns en Ontwerp in Woodstock span herwonne papier in om sy deel te doen teen die toenemende werkloosheidsprobleem wat groot kommer in die land se stedelike en plattelandse gebiede wek.

Vir minstens 25 studente van die Kaapse Vlakte, en selfs so ver as Montagu, wat ’n paar jaar gelede nog werkloos en moedeloos was, het die woord “bemagtiging” ’n werklikheid geword toe hulle by dié kollege se deure ingestap het. Geen eise behalwe ’n gewilligheid om hard te werk en ’n visie om bo hul omstandighede uit te styg, is aan die studente, wie se ouderdom van 16 tot 60 wissel, gestel nie.

Potte van papier

Die projek, genaamd Appropriate Paper Technology, behels die maak van voorwerpe soos stoele, potte en krale met papiermaché. Enige soort papier, van koerant tot karton, word verpulp, gevorm en dan geverf. Dit is maklik verwerkbaar en is volgens die skool se direkteur, Edwine Simon, van dieselfde gehalte as soortgelyke voorwerpe wat volgens konvensionele metodes gemaak word. Dit is selfs reënbestand. Die helder kleure van die voorwerpe, met tipies Afrika- en Suid-Afrikaans geïnspireerde patrone, dra daartoe by om hierdie produkte in kunswerke te omtower. Dit neem sowat 180 uur om so 'n stoel te maak.

Die produkte gaan moontlik aanstaande jaar op 'n veiling verkoop word om 'n prys te bepaal, het Simon gesê. Volgens haar het die studente, wat bo verwagting goed gepresteer het in die kursus, self besluit hoe die eindproduk moet lyk.

Ten toon gestel

Die werke word tans ten toon gestel en kan deur die publiek by die kollege in Birkdalestraat, Woodstock, besigtig word.

Dié interkulturele projek is deur Simon en 'n dosent by die kollege, me. Simoné de Villiers, geïnisieer as 'n uitreikaksie na minder bevoorregte gemeenskappe. Die program strek oor 'n jaar en word deur die Kaapse Stadsraad gefinansier. Studente is in Julie verlede jaar betrek. Van hulle is reeds so bedrewe dat hulle na hulle gemeenskap kan teruggaan en hulle nuwe vaardighede daar oordra.

Die sukses van hierdie besondere projek het daartoe gelei dat grafiese ontwerp-studente in hulle eerste jaar by die Kollege ook die kursus oor ses maande volg.

- Beantwoord die volgende vrae elke keer in 'n netjiese volsin. Gebruik asb. sover moontlik jou eie woorde.

1. Op watter twee maniere help die papier-kunsprojek van die Ruth Prowse Kollege die mense én die omgewing?

2. Hoe word studente deur hierdie projek “bemagtig”?



3. Waarom word die stoele as “kunswerke” beskryf?
4. Wat moet die uiteenlopende groep studente uiteindelik met die kennis maak wat hulle in die kursus opgedoen het?
5. Watter gevolg het die sukses van hierdie projek vir ander studente aan die Kollege?

	LU 1.2			

## Aktiwiteit 2

Om die impak van spesifieke woorde, frases en sinne te verduidelik en taalvariëteite te herken en te aanvaar

Wanneer ons taal gebruik, wend ons dit aan om by die omstandighede te pas. Ons kies soms spesifieke woorde, frases of sinne om die luisteraar (of leser) te beïnvloed. Ons wil miskien die ontvanger van die boodskap oorrede om soos ons te dink. Daarom gebruik ons eerder **emotiewe taal** (oorredende taal) as **feitelike taal**. Kyk byvoorbeeld na die verskil in impak wat die volgende sinne het:

- Jan het 125 kilometer per uur gery.
- Jan het heeltemal te vinnig gery.

Die eerste sin stel bloot die feit, terwyl daar duidelik vooroordeel in die tweede sin uitgespreek word. In die tweede sin word die spreker se mening uitgespreek. (Die spreker in die eerste sin is **objektief**, terwyl die spreker in die tweede sin **subjektief** is.)

2. Skryf twee voorbeelde van elke tipe uit die teks neer:

- oordelend / mening / subjectief:
- feit / objectief:

4. Maak nou 'n lys van ten minste vyf sleng- of dialekwoorde wat julle gebruik het, en verduidelik in “gewone” (Standaard-) Afrikaans wat die woorde beteken.

5. Hoe sou dit geklink het as hierdie studente in “Standaard-Afrikaans” gesit en gesels het? Sou dit lewensgetrou wees? Gee ten minste twee redes vir jou antwoord.

[illegible]

### Aktiwiteit 3

Om bewustheid en gebruik van styl te ontwikkel

- Gaan nou terug na die leesstuk hierbo (teks A) vir 'n klompie taal oefeninge.

#### Idiomatiese Taalgebruik

Idiomatiese taal beteken nie die idiome wat in 'n taal voorkom nie, maar die korrekte manier waarop woorde saam gebruik word in vaste uitdrukkings. Dis idiomatiese taalgebruik wat aan elke taal sy unieke karakter gee, en op grond waarvan 'n mens kan sê iemand praat “reg” of “verkeerd”. So sê 'n mens bv. in Engels “take steps,” maar in Afrikaans “stappe doen.” In die leesstuk kry ons bv: “Sy deel . . . doen.”

1. Haal nou uit die leesstuk nog moontlike vaste (idiomatiese) uitdrukkings wat jy kan raaksien en skryf hulle neer.
2. Gebruik hierdie vaste uitdrukkings in sinne.

	LU 6.4.3			

### Aktiwiteit 4

Om met woorde te werk (afleidings)

#### Afgeleide Woorde

In alle tale kry ons dit dat woorde aan mekaar verwant is omdat hulle van dieselfde woord (genoem die STAM) afgelei word/is. So is MAGtig,

MAGteloos en onMAG bv. almal van een woord, nl. MAG, afgelei).

1. Gaan seek nou in die leesstuk woorde wat van die volgende woorde/stamme afgelei is:

1.1 wen/herwin

1.2 toeneem

1.3 werk

1.4 moed

1.5 mag

1.6 kultuur

1.7 inisiatief

1.8 vaardig

2. Kan jy nog ander woorde (jou eie) van bogenoemde stamme aflei? Skryf hulle by bogenoemde, maar in 'n ander kleur.

	LU 6.6			

## Assessering

Leeruitkomstes(LUs)
LU 1 LUISTER
Die leerder is in staat om vir inligting en genot te luister en gepas en krities binne 'n wye verskeidenheid situasies te reageer.
Assesseringstandaarde(ASe)
Dit word bewys as die leerder:
1.2 vir spesifieke inligting luister en gepas reageer;
1.5 die impak van spesifieke woorde, frases en sinne verduidelik;
1.6 taalvariëteite herken en aanvaar.
LU 2 PRAAT
Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.
LU 5 DINK EN REDENEER
Die leerder is in staat om taal vir dink en redeneer te gebruik en inligting vir leer te verkry, verwerk en gebruik.
Dit word bewys as die leerder:
5.2 inligting uit 'n wye verskeidenheid bronne vind;
5.3 inligting uit 'n wye verskeidenheid bronne verkry en verwerk.
LU 6 Taalstruktuur en –gebruik

Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde:6.1.9 verstaan en gebruik algemene sinonieme, antonieme, homonieme, homofone, paronieme, een woord vir 'n omskrywing en klanknabootsende woorde gepas binne konteks;
6.2 werk met sinne:6.2.7 gebruik die aktief (bedrywende vorm) en passief (lydende vorm) en verstaan wanneer elkeen gepas is;
6.2.8 verander sinne doeltreffend van die direkte na die indirekte rede, en anders om, met die korrekte gebruik van punktulasie, bywoorde en voornaamwoorde;
6.4 'n bewustheid van en gebruik van styl ontwikkel:
6.6 met woorde werk (afleidings).

## Memorandum

### AKTIWITEIT 1

#### 1. Leerder se eie volsinne.

- a. Afvalmateriaal word benut. / Werk word geskep deurdat hulle as potensiële entrepreneurs bemagtig word.
- b. Hulle leer nuwe vaardighede aan.
- c. Elke stoel is uniek en kunstig versier (Afrikaans).
- d. Hulle moet hul verworwe vaardighede in hul gemeenskap aanwend en werk skep.
- e. Selfs studente in grafiese ontwerp volg die kursus – dit het dus 'n nuwe dimensie geskep.

### AKTIWITEIT 2

## 1. objektiewe / subjektiewe taal

- a. groepwerk – bespreking – onderwyser moet leiding gee met paar eie voorbeelde.
- b. ... bo verwagting goed geprester ... / ... hierdie besondere projek ... (opinie) Enige ander aanvaarbare voorbeelde, bv. Selfs so ver as Montagu

Talle voorbeelde – moet feitlik wees.

2. Tipies Kaapse, Bolandse of bv. Swartlandse aksent asook eiesoortige woordeskat – beklemtoon die variasie wat bestaan t.o.v. Afrikaans. Register: waar pas 'n spesifieke soort taal. Die onderwyser kan verskynsels soos sleng, jargon en Standaard-Afrikaans bespreek en voorbeelde van leerders kry.

3. Voorbeelde van sleng met Standaardafrikaanse” verduidelikings.

4. Dit sou nie eg wees nie, want hierdie sprekers het waarskynlik nie 'n sterk akademiese agtergrond nie, en hulle is in 'n informele situasie.

## AKTIWITEIT 3

- 1. Eie voorbeelde, bv. “span herwonne papier in” ... talle voorbeelde.
- 2. Eie sinne.

## AKTIWITEIT 4

### 1. Afleidings

- a. herwonne
- b. toenemende
- c. werkloos(heidsprobleem)
- d. moedeloos
- e. bemagtiging
- f. (inter)kulturele
- g. (ge)inisieer
- h. vaardighede

2. Eie woorde in ander kleur.

## AKTIWITEIT 5

### 1. Bedrywende vorm

- a. Hulle verpulp, vorm en verf enige soort papier.
- b. Hulle gaan dit moontlik aanstaande jaar op 'n veiling verkoop om 'n prys te bepaal.
- c. Die publiek kan die werke by die Kollege besigtig.
- d. Hulle het in Julie verlede jaar studente betrek.

2. 'n Mens gebruik dit as jy die klem wil verskuif van die persoon na die aksie, m.a.w. as jy dit minder persoonlik wil maak.



Verkryging van inligting uit 'n wye verskeidenheid bronne

## AFRIKAANS HUISTAAL

### Graad 8

### Module 6

## VERKRYGING VAN INLIGTING UIT 'N WYE VERSKEIDENHEID BRONNE

### Aktiwiteit 1

Om inligting uit 'n wye verskeidenheid bronne te vind en verkry

- Vorm 'n groepie van nie meer nie as vyf leerders. Beplan 'n navorsingsprojek oor een van die volgende onderwerpe:
- Die herwinning en kreatiewe gebruik van afvalmateriaal om die lewenspeil van voorheen benadeelde gemeenskappe te verhoog
- Kulturele toerisme waar die klem val op die benutting van eenvoudige materiaal uit die omgewing (bv. die maak van kleipotte, rietmandjies, ens.)
- Elke groeplid het 'n spesifieke rol om te vervul en moet sy/haar deel bydra t.o.v. die insameling van inligting uit verskeie bronne. Skryf jou voorlopige aantekeninge op 'n aparte vel neer en voeg dit hierby in.
- Skep nou as groep 'n samehangende produk. Onthou om gepaste verwysingstegnieke en -konvensies te gebruik wanneer inligting uit bronne aangehaal of gebruik word. Jou onderwyser sal hier leiding gee.
- Illustreer jul projek sodat dit 'n aantreklike uitstaltstuk en waardevolle bron in jul klaskamer sal wees.

	LU 5.2						LU 5.3			

### Aktiwiteit 2

Om idees, feite en menings oor uitdagende onderwerpe duidelik en akkuraat oor te dra, om basiese praatvaardighede te toon en om idees en gevoelens op 'n kreatiewe en doeltreffende wyse oor te dra

Teks a

Suid-Afrika se unieke blikkittare nou wêreldwyd gewild (aangepas uit *Die Burger*)

Elf maande gelede het die bekende jazzmusikant Jimmy Dlodlu die ramkie die eerste keer in die Waterfront gesien. Hy het dit opgetel, gespeel en wou onmiddellik self een hê. Nou, ses maande ná die geboorte van Afri-Can, word die tradisie van egte Afrikamusiek voortgesit en die elektriese blikkitaar selfs na Amerika en Kanada uitgevoer.

David Kramer was erg bekommerd toe sý instrument een jaar by die Klein Karoo Nasionale Kunstefees op Oudtshoorn 'n paar uur soek was. Die ramkie was immers deel van sy aanbieding van Karoo Kitar Blues. Danksy 'n opletende sekerheidswag is die kitar met sy bierdoppies vir knoppies buite die Burgersentrum opgetel en kon die vertonings voortgaan. Kramer was 'n tevrede man.

Valiant Swart kan nie uitgepraat raak oor sy Blikkies nie. “My BP Super Turps met Windhoek-bierdoppies (vir klank) gaan oral saam met my.”

Volgens mnr. Graeme Wells van Afri-Can in Bellville stroom bestellings vir dié eg Suid-Afrikaanse produk in. “Veral buitelanders is gek daarna. Dis ’n tradisie wat al die laaste honderd jaar gewild is onder veral die swart bevolking. Die blikkitaar het ’n unieke klank, van akoesties-elektries tot staalsnaar-elektries.”

Wells het gesê die ramkies word gemaak om in elkeen se individuele smaak te val. “Kramer wou ’n blik hê met ’n erg gebruikte voorkoms, en Dozi het een met die Suid-Afrikaanse vlag daarop.”

Klante kan ook hulle eie blikke verskaf. Die prys van die eindproduk wissel tussen R899 en R3 500.

Besoek ook die webwerf [www.africanguitars.com](http://www.africanguitars.com)

- Lees deur die leesstuk. Kies ’n maat en voer die volgende opdragte saam met hom/haar uit:

1. Bespreek die **kenmerke** van blikkitaar soos in die leesstuk aangebied. Bespreek ook hoe ’n blikkitaar van ’n gewone kitaar verskil.

2. Noem die inligting wat die leesstuk gee op grond waarvan ’n mens kan sê die blikkitaar is **uniek**.

3. Rolspel en onderhoudvoering: Verbeel julle dat een van julle ’n radiojoernalis is wat ’n onderhoud met ’n bekende musikant soos Jimmy Dlodlu, Valiant Swart of Karen Zoid moet voer. Die onderhoud word op ’n tienerprogram uitgesaai. Stel gepaste vrae aan die musikant (jou maat). Wanneer jy die vrae opstel, kan jy aan kwessies dink soos vroueregte, kritiek, die kwaliteit van Afrikaanse musiek, die kwistige gebruik van Engelse woorde op musiekprogramme soos *Geraas!* en popsterre as rolmodelle. Skryf jou vrae hier neer, maar moenie na jou notas kyk terwyl jy die onderhoud voer nie. Jy moet goed voorbereid wees.

4. Kies een van die volgende onderwerpe en reël onder leiding van jul onderwyser ’n debatsbespreking daaroor:

- Afrikaanse musiek is vervelig en alles klink eenders.
- Woorde soos “show”, “nice”, “stunning” en “great” behoort nie in Afrikaanse programme / deur Afrikaanse kunstenaars gebruik te word nie.
- Daar is plek vir kwaito en hip-hop in Afrikaanse musiek.
- Ou Afrikaanse liedjies soos “Ou Ryperd” is net vir plaasjapies.

Skryf basiese aantekeninge hier neer:

5. Identifiseer kenmerke wat tot die sukses van jou eie kommunikasie bydra. Skryf alles neer wat jy as goeie eienskappe van jou kommunikasievermoë in die aktiwiteite hierbo beskou.

	LU 2.2						LU 2.3						LU 2.4						I 2

### Aktiwiteit 3

Om met sinne te werk (direkte en indirekte rede)

Wanneer ons wil neerskryf presies wat iemand sê (sy DIREKTE woorde dus), noem ons dit die DIREKTE REDE, en wanneer ons deur ’n (derde) persoon die strekking van iemand se woorde weergee, staan dit bekend as die

## INDIREKTE REDE.

Die sigbaarste verskil tussen die twee maniere van woorde weergee sien ons aan die aanhalingstekens (in die direkte rede) en die gebrek aan aanhalingstekens (indirekte rede).

Ander verskille kom voor in

- die persoonsvorme: “ek” word bv. “hy” of “sy,” met die ooreenkomstige aanpassings in die vorm: “My”: “sy”/ “haar,” “myne”: “syne”/ “hare”, ens.
- die tydsvorme: “vandag”/ “gister” ens. word “daardie dag”/ “die vorige dag” ens.
- Skryf nou die volgende sinne/gedeeltes oor in die DIREKTE of INDIREKTE REDE, na gelang van die konteks.

1. Valiant Swart kan nie uitgepraat raak oor sy Blikkies nie. “My BP Super Turps met Windhoek-bierdoppies (vir klank) gaan oral saam met my.”

2. Volgens mnr. Graeme Wells van Afri-Can in Bellville stroom bestellings vir dié eg Suid-Afrikaanse produk in.

3. Wells het gesê die ramkies word gemaak om in elkeen se individuele smaak te val.

	LU 6.2.8			

## Aktiwiteit 4

Om met woorde te werk (sinonieme, antonieme en homonieme)

1. Gee ander woorde (**sinonieme**) vir die volgende woorde in die leesstuk. Jy kan ook in 'n woordeboek of tesourus naslaan as jy wil. Onthou, dit moet binne die konteks van die leesstuk pas.

1.1 knap

1.2 gelief

1.3 opteken

1.4 gegewens

1.5 wyle

1.6 treintrajek

1.7 verwyl

1.8 skeppende

2. Verskaf nou woorde wat die teenoorgestelde beteken as die volgende woorde uit die leesstuk (**antonieme**).

2.1 knap

2.2 latere

2.3 gewoonlik

2.4 fantasiewêreld

2.5 versier

2.6 kosbare

2.6 eenvoudige

- **Homonieme** is die term wat ons gebruik wanneer ons verwys na verskillende woorde wat eenders lyk (soos die ander “lyk” wat “dooie mens” beteken).

3. Maak nou sinne met die volgende woorde uit die leesstuk (maar met 'n ander betekenis as in die leesstuk)

3.1 knap

3.2 skaal

3.3 modelle

3.4 wyle

3.5 ware

3.6 sin

	LU 6.1.9			

Aktiwiteit 5

Om 'n wye verskeidenheid tekssoorte vir genot en inligting te lees

- Lees die volgende tekste – eers stil en dan hardop.

Teks b:

**Op my ou ramkietjie** – *C Louis Leipoldt*

Op my ou ramkietjie

Met nog net een snaar

Speel ek in die maanskyn,

Deurmekaar.

Ek sing van Adam

En Eva se val,

Van die ou paradys.

“Halfpad mal!”

So sê die mense

Wat my hoor speel

As die skemer my wang soen

Soos ferweel.

As die maan my aanhoor,

En die sterre knik,

Dan speel ek kordaat voort, In my skik.

Wat gee ek om mense Wat sê ek’s mal, As die varings my aanhoor

By die wal?

Wat om my vrinde –

Wat nooit nie verstaan –

As die sterre my toeknik,

En die maan?

Op my ou ramkietjie

Met nog net een snaar

Speel ek in die maanskyn,

Deurmekaar.

Teks c

- Lees die gedig *Denneboom* deur D.J. Opperman voor. Dit verskyn in *Pret met poësie*, wat uitgegee is deur Human en Rousseau.

Teks d

Honiball knap met sy hande (aangepas uit “Die Burger”)

Die strokieskunstenaar T. O. Honiball, wat wyd onder veral die ouer geslag bekend en gelief was vir sy strokieskarakters Jakkals en Wolf, Oom Kaspas en Adoons-hulle, was ook knap met die maak van miniatuurvoorwerpe.

In die voortuin van mnr. N. Krumm by Negende Laan 64, Boston, Bellville, staan ’n windpomp van so 2 m hoog, met die naam Poegaai op sy stert, wat Honiball vir sy eie voortuin gemaak het toe hy en sy vrou, Essie, nog in die huis op die hoek van Agste Laan en Gladstonestraat in Boston gewoon het. Krumm het die windpomp by ’n latere eienaar van die eiendom gekry. Dit is volgens skaal gemaak en geen onderdeel is vasgesweis nie; alles is met klinknaels vasgeheg.

Krumm wil meer oor Honiball se handewerk uitvind en dit opteken. Hy wil ook ’n geelkoperplaat aan die windpomp aanbring waarop die nodige gegewens gegraveer is.

Fred Mouton, spotprenttekenaar van Die Burger, wat ook in Boston woon, vertel dat hy wyle Honiball baie goed geken het. Honiball het 'n werkwinkel gehad waarin hy allerlei miniatuurvoorwerpe gemaak het. Hy het dit gewoonlik as geskenke weggegee. Hy het 'n hele kamer met 'n Duitse miniatuurtreintrajek ingerig nadat hy eers die landskap gebou het. Dit was 'n ware fantasiewêreld in die klein waar Honiball ure kon verwyd.

Toe hy en Essie later aan die Valsbaai kus gewoon het, het Honiball ook daar 'n werkkamer gehad waar hy modelle gebou het wanneer hy nie geteken het nie. Selfs die talle briewe wat hy aan bewonderaars geskryf het, is met sy strokieskarakters versier. Dit is vandag kosbare Africana as die mense dit bewaar, sê Mouton.

Honiball het ook sy eie rolprente met 'n eenvoudige Cine-kamera gemaak en dit met sy kunswerke aangevul tot wonderbaarlike kykmateriaal. Hy was 'n wonderlike mens met soveel skeppende kunstalent en 'n fyn sin vir humor, volgens Mouton.

Teks e

'n Fragment uit **“Tot lof van ons hande”** – *Chris Barnard*

## JY MAAK 'N STOEL

Om mee te begin, is die keuse van hout nogal belangrik. Inheemse dennehout is te sag en kleurloos om 'n uitdaging te wees. Stinkhout is te duur vir 'n arm skrynwerker. Kiaat is dus my keuse. Moeilik om mee te werk, ja: die grein is geneig om plek-plek lelik te verander, maar as jy dit versigtig en met die nodige geduld en respek hanteer, is jou loon soveel groter.

As jy nou klaar besluit het oor die afmetings van jou stoel, mnr. Retief, begin jy die hout in die gewenste diktes en lengtes saag. 'n Skerp saag is 'n voorvereiste. Enige regdenkende mens werk eerder in 'n kantoor voordat hy met 'n stomp saag aan 'n ordentlike stuk kiaat begin saag.

Nadat jy 'n rukkie gesaag het, begin jy jou kiaat ruik – warm en duur en ryk soos net kiaat kan. Jy saag ritmies en sonder om te forseer, al op die merklyn langs, vorentoe en terug, vorentoe en terug, terwyl die soetbruin saagsels inreën na jou toe, en wegreën, en inreën na jou toe, en weg.

Klaar gesaag, elke balkie, elke poot, elke sportjie na sy maat, begin die skaafwerk. Dis byna onnodig om te sê: daardie skaaflem moet insgelyks skerp wees. 'n Stomp skaaf, soos 'n stomp saag, is 'n skrynwerker se ondergang.

Jy skil die vlamrooi hout in papierdun stroke af. Die skaafsels peul om jou hande uit – met elke leunslag vorentoe nog 'n soet kiaatlok wat uitkrul uit jou regterhand en afval na jou voete toe – totdat jy enkeldiep daarin staan en die balkie glad en vierkantig in jou hande lê.

Jy hou dit vas, jy ruik daaraan, en saam met die geur van die hout ruik jy soveel ander geure: van vroeër hout, van ou lym, van olie en politoer. Jy ruik tot jy vol is daarvan, vol van die geure wat net 'n houtwerkkamer kan hê, mnr. Retief.

Dan begin jy weer van voor af meet, beplan en pas, meet, tot elke tap akkuraat geteken is, en jou beitel – jou vlymskerp beitel – presies weet wáár hy moet inbyt in die grein. En klaar getap, kook jy jou lym en smeer in en voeg; klamp die stoel stuk vir stuk vas.

Ná 'n dag of twee kan jy gaan losskroef, afskuur, en die olie loop uithaal – oplaas, salig, die lappie in die olie doop en die rooibruin hout begin insmeer, en kyk hoe die vlamme opstaan uit die hout, en gloei.

Dan, uiteindelik, is die stoel klaar. En jou. Jou eie. En meer nog: jou eie handewerk. En wanneer jy die eerste keer daarop gaan sit, onthou jy elke afsonderlike stuk hout – hoe dit aanvanklik gelyk het, hoe dit nou lyk; en jy onthou elke tap, hoe elkeen gepas het, met watter een jy die meeste gesukkel het, watter een sommer dadelik gepas het. Jy ken daardie stoel soos jy net jou eie hart ken. En die stoel weet dit.

Uit: *Chriskras*, Tafelberg 1972.

	LU 3.1			

#### Aktiwiteit 6

Om te verduidelik hoe die hoofkenmerke en struktuur van verskillende tekssoorte tot die funksie daarvan bydra

- Vergelyk die twee gedigte.

1. Noem drie opvallende verskille tussen die twee gedigte.
2. Skryf kortliks in jou eie woorde hoe die hoofkenmerke en struktuur van elke gedig by die inhoud daarvan aanpas. Dis nie so moeilik soos dit lyk nie – kyk na wat jy in a) gesê het en bou daarop.
3. Watter een van die twee gedigte is meer op stemming en atmosfeer gerig? Gee redes vir jou antwoord.
4. Watter een fokus meer op die “boodskap”?
5. Wat word ’n gedig wat uit vier versreëls bestaan (soos teks D), genoem?

	LU 3.5			

#### Assessering

LU 2 PRAAT
Die leerder is in staat om vrymoedig en doeltreffend in gesproke taal binne ’n wye verskeidenheid situasies te kommunikeer.
Dit word bewys as die leerder:
2.1 idees en gevoelens op ’n kreatiewe en ekspressiewe manier gebruik;
2.2 idees, feite en menings oor uitdagende onderwerpe duidelik en akkuraat oordra;
2.3 basiese praatvaardighede toon;
2.4 om basiese interaksievaardighede te toon;
2.5 om idees en gevoelens op ’n kreatiewe en doeltreffende wyse oor te dra;
2.6 om kenmerke te identifiseer en te bespreek wat tot die sukses van eie kommunikasie bydra.

LU 3 LEES EN KYK
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer.
Dit word bewys as die leerder:
3.1 'n wye verskeidenheid tekssoorte vir genot en inligting lees;
3.4 begrip toon van informatiewe tekste;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 begrip toon van 'n teks;
3.7 tegnieke ontleed wat in geskrewe tekste gebruik word om 'n spesifieke effek te bereik.
LU 5 DINK EN REDENEER
Die leerder is in staat om taal vir dink en redeneer te gebruik en inligting vir leer te verkry, verwerk en gebruik.
Dit word bewys as die leerder:
5.2 inligting uit 'n wye verskeidenheid bronne vind;
5.3 inligting uit 'n wye verskeidenheid bronne verkry en verwerk.
LU 6 Taalstruktuur en –gebruik
Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde:6.1.9 verstaan en gebruik algemene sinonieme, antonieme, homonieme, homofone, paronieme, een woord vir 'n omskrywing en klanknabootsende woorde gepas binne konteks;
6.2 werk met sinne:6.2.7 gebruik die aktief (bedrywende vorm) en passief (lydende vorm) en verstaan wanneer elkeen gepas is;
6.2.8 verander sinne doeltreffend van die direkte na die indirekte rede, en anders om, met die korrekte gebruik van puntuasie, bywoorde en voornaamwoorde;
6.4 'n bewustheid van en gebruik van styl ontwikkel:
6.6 met woorde werk (afleidings).

## Memorandum

### AKTIWITEIT 1

1. Groepwerk – beplanning van navorsingsonderwerp. Die rol van die onderwyser is kardinaal in terme van leiding gee. Daar moet struktuur wees.



2. Elke lid van groep het sekere rol. Raamwerk moet sinvol wees.

3. Verwysingstegnieke en –konsensies: die verkorte Harvardmetode word baie algemeen gebruik en dit kan nuttig wees om dit aan hulle bekend te stel (basies; nie te veel nie). ‘n Baie nuttige nuwe publikasie om te gebruik is Müller, Dalene. 2003. Skryf Afrikaans van A tot Z. Kaapstad: Pharos Woordeboeke.

4. Stal projekte uit.

#### AKTIWITEIT 2

1. Praatvaardighede. Onderwyser gee leiding, veral tydens debatvoering – struktuur en prosedure is belangrik.

Die woord “uniek” is prominent hier. Gebruik die geleentheid om oor “absolute” te gesels: kan iets “baie uniek” wees? Soek nog voorbeelde van hierdie soort woorde.

1. Leerders word aangemoedig om selfrefleksie te doen.

#### AKTIWITEIT 3

1. Direkte en indirekte rede. LW: Verskeie moontlikhede antwoorde.

- a. Valiant Swart, wat nie uitgepraat kon raak oor sy blikkies nie, het gesê dat sy BP Super Turps met Windhoek-bierdoppies (vir klank) oral saam met hom gaan.
- b. Mnr. Graeme Wells van Afri-Can in Bellville sê; “Bestellings vir dié eg Suid-Afrikaanse produk stroom in.”
- c. Wells sê: “Die ramkies word gemaak om in elkeen se individuele smaak te val.”

‘n Mens kan hier ‘n bietjie oor inleidende woorde gesels, bv. in sin b) kan ‘n mens die woord “entoesiasties” ná “sê” invoeg, ens.

#### AKTIWITEIT 4

1. Sinonieme

2. Antonieme

3. Homonieme

Eie sinne.

#### AKTIWITEIT 5

1. Lees vir genot en inligting.

a) Verskille: lank / kort (kompak)

B= Meer musikaal

B= “ouer” – kyk woordgebruik (bv. ferweel, vriende)

B= meer opvallende beeldspraak (bv. die skemer my wang soen, die man my aanhoor – personifikasie)

b) Eie insigte

- a. B is meer op stemming / atmosfeer gerig.
- b. C fokus meer op die “boodskap”
- c. ‘n kwatryn

Tegniese in geskrewe tekste om spesifieke effekte te verkry

## **AFRIKAANS HUISTAAL**

### **Graad 8**

### **Module 7**

## **TEGNIEKE IN GESKREWE TEKSTE OM SPESIFIEKE EFFEKTE TE VERKRY**

### Aktiwiteit 1

Om tegnieke te ontleed wat in geskrewe tekste gebruik word om 'n spesifieke effek te bereik

- Kyk na die Leipoldt-gedig , *Op my ou Ramkietjie*.

1. Aan die einde van strofe 2 lees ons dat die verteller/musiekmaker sê die mense beskou hom as “halfpad mal”. Is daar enige gedeeltes in die gedig wat vir ons 'n aanduiding gee of die mense reg of verkeerd is? Haal hulle aan.
2. Wat bedoel die verteller met “as die skemer my wang soen” in strofe 3?
3. Wat sê die woorde “soos ferweel” van sy ervaring van die buitelug?
4. Watter soort ATMOSFEER word in die gedig opgeroep?
5. Watter MIDDELE het die digter gebruik om dié atmosfeer te skep?
6. Hierdie gedig is reeds lank gelede getoonset (van musiek voorsien) en is een van die bekendste Afrikaanse gedigte wat gereeld deur ernstiger kunstenaars gesing word. Probeer vasstel waarin die SANGERIGHEID van die gedig lê.

7. Die laaste strofe is 'n presiese herhaling van die eerste. Ons sê dit gee aan die gedig 'n "SIKLIËSE GANG" (siklus = sirkel); dit rond die gedig af. Watter ander bydrae lewer die slotstrofe tot die geheel van die gedig (die inhoud, die atmosfeer, die boodskap, ens.)?

8. Wat beteken "kordaat" in strofe 4?

9. Haal woorde uit die gedig aan wat aandui hoe die verteller oor sy eie musiek voel. Kyk nou na die Opperman-gedig (teks D).

1. Wie is aan die woord in die gedig?

2. Hoe weet jy dit? (Motiveer jou antwoord uit die gedig.)

3. Hoe noem ons dié soort beeldspraak (waar 'n "lewelose" ding byna "menslike" eienskappe kry, en bv. kan praat)?

4. Waarom maak die digter van hierdie tegniek gebruik in die gedig?

5. Verduidelik wat reël 1 beteken.

6. Wat probeer die verteller by ons tuisbring wanneer hy verwys na "die sterre, wolke, kolle van die son"?

7. Wat is die "vogte van die aarde"?

8. Wat is "harpuis"?

9. Dink jy hierdie beeld is toepaslik in die gedig? Motiveer jou antwoord. (Vind uit wat die doel van harpuis is by 'n boom.)

10. Wat gebeur op die ou end met hierdie denneboom, volgens dié gedig?

11. Is dit 'n waardige of vernederende einde vir die boom? Verduidelik jou antwoord uit die gegewens wat in die gedig voorkom.

12. Wat, dink jy, probeer die digter by die leser tuisbring met hierdie gedig?

	LU 3.7			

## Aktiwiteit 2

Om begrip te toon van informatiewe tekste

- Kyk na teks E (oor T.O. Honiball).
- Die doel van hierdie teks is om inligting te gee, m.a.w. dit is 'n informatiewe teks.

Identifiseer die hoofgedagtes en skryf hulle puntsgewys, maar in volsinne, neer. Daar moet nie meer as ses kort sinne wees nie.

	LU 3.4			

## Aktiwiteit 3

Om begrip te toon van 'n teks en om tegnieke te ontleed wat in geskrewe tekste gebruik word om 'n spesifieke effek te bereik

Volgens die Letterkundige Sakwoordeboek is 'n essay “'n korter prosageskrif waarin 'n literêre, godsdienstige, estetiese, politieke of sosiale probleem op persoonlike en pittige wyse behandel word.”

By “Skets” lees ons: “'n kort prosastuk wat van 'n staties-beskrywende aard is ('n persoon, toneel of situasie) en waarin ontwikkeling nie ter sake is nie.”

Dit beteken dat 'n essay/skets 'n kort stukkies prosa is, maar nie 'n storie vertel nie. Belangrik by 'n essay/skets is die knap en fyn taalgebruik vir die oordra van gewaarwording/effek. Sommige sketse/essays is byna in dieselfde sterk beeldende taal as 'n gedig geskryf, dus baie “mooier” (meer poëties) as wat 'n mens normaalweg sal skrywe.

Enkele voorbeelde uit die fragment is die volgende:

- Jy skil die vlamrooi hout in papierdun stroke af
- Jy saag ritmies al op die merklyn langs, vorentoe en terug, vorentoe en terug.
- ... terwyl die soetbruin saagsels inreën na jou toe, en wegreën, en inreën na jou toe, en weg.

1. Skryf hierdie drie sinne in gewone Afrikaans oor.

2. In hierdie gedeelte uit die langer skets beskryf die skrywer hoe om 'n stoel te maak.

2.1 Skryf die dele neer waarin hy beskryf hoe jy 'n stoel maak.

2.2 Verander nou hierdie sinne in **instruksies** soos wat jy vir iemand sal verduidelik hoe om 'n stoel te maak.

2.3 Deur gebruik te maak van een of twee voorbeelde uit 2.1 en 2.2, dui aan hoe die taal van die skets meer poëties is as die taal waarin jy instruksies gee.

	LU 3.6						LU 3.7			

Om 'n verskeidenheid feitelike skriftelike en multimodale tekste vir verskeie doeleindes te lewer

- Jy ontwerp 'n musiekinstrument deur van weggooigoed of onkonvensionele materiaal gebruik te maak.

1. Verduidelik stap vir stap hoe jy die instrument gemaak het (skryf dit neer).

2. Teken die ontwerp daarvan (om die tegniese aspekte uiteen te sit).

3. Maak 'n pamflet met relevante maar bondige bewoording waarin jy die nuwe instrument bekendstel en adverteer.

HIERDIE OEFENING MOET OP APARTE VELLE GEDOEN WORD EN DAN INGEVOEG WORD. DIT KAN VIR JOU PORTEFEULJE GEBRUIK WORD.

	LU 4.2			

### Aktiwiteit 5

Om basiese vaardighede in spesifieke skryfegnieke gepas vir 'n tekssoort te toon

Skryf 'n kort gedig oor jou nuwe instrument. Probeer om eenvoudige beeldspraak te gebruik.

	LU 4.1			

## Aktiwiteit 6

Om taal te gebruik om te ondersoek, inligting te verwerk en kreatief te dink

### Navorsingsprojek

- Werk in groepe aan die volgende projek:

Uit die leesstukke in hierdie module is dit duidelik dat 'n mens met redelik min moeite tog die omgewing kan help koester en bewaar eerder as om net nog afval en rommel by te voeg. Ons het gelees dat jy selfs kuns kan skep uit afval en rommel.

1. Gaan bepaal in jou omgewing watter probleem daar bestaan met afval en rommel wat mense soms skep.
2. Beplan saam in die groep wat gedoen kan word dat hierdie een produk nie meer 'n probleem is nie. Gaan besluit saam oor 'n oplossing, iets waarvoor hierdie produk gebruik kan word sodat dit op 'n ander manier tot sy reg kan kom (die studente van die Ruth Prowse Kollege het bv. papier herwin en daarvan kunswerke gemaak).
3. Beplan hoe jy hierdie oplossing gaan gebruik om werk vir mense te skep. Skryf jou konsepweergawe neer.
4. Op die ou end moet jy die produk bemark. Dit beteken dat jy mense moet gaan oortuig om die produk te koop. Daarvoor moet jy met iemand by 'n afsetpunt gaan gesels. Skryf kort aantekeninge neer ter voorbereiding (bv. wat jy die persoon gaan vra).

[illegible]

## Aktiwiteit 7

## Om 'n verbeeldingstekst te skryf

- Skryf 'n brief waarin jy 'n afspraak met die betrokke amptenaar maak om hom/haar te spreek oor die bemerking.

	LU 4.1			

## Aktiwiteit 8

Om ideeën en gevoelens op 'n creatieve en expressieve manier te gebruiken en om 'n verscheidenheid multimodale teksten te gebruiken

1. Rolspeel die onderhoud met die amptenaar.
2. Stel 'n plakkaat saam waarin jy jou produk adverteer.

DIE BRIEF KAN VIR JOU PORTEFEULJE GEBRUIK WORD EN DIE  
PLAKKAAT KAN DIE KLASKAMER VERSIER.

[illegible]



	LU 2.1						LU 4.2			

## Assessering

LU 2 PRAAT
Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.
Dit word bewys as die leerder:
2.1 idees en gevoelens op 'n kreatiewe en ekspressiewe manier gebruik;
2.2 idees, feite en menings oor uitdagende onderwerpe duidelik en akkuraat oordra;
2.3 basiese praatvaardighede toon;
2.4 om basiese interaksievaardighede te toon;
2.5 om idees en gevoelens op 'n kreatiewe en doeltreffende wyse oor te dra;
2.6 om kenmerke te identifiseer en te bespreek wat tot die sukses van eie kommunikasie bydra.
LU 3 LEES EN KYK
Die leerder is in staat om vir inligting en genot te lees en te kyk en

krities op die estetiese, kulturele en emosionele waardes in tekste te reageer.

Dit word bewys as die leerder:

3.1 'n wye verskeidenheid tekssoorte vir genot en inligting lees;

3.4 begrip toon van informatiewe tekste;

3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;

3.6 begrip toon van 'n teks;

3.7 tegnieke ontleed wat in geskrewe tekste gebruik word om 'n spesifieke effek te bereik.

#### LU 4 SKRYF

Die leerder is in staat om verskillende soorte feitelike en verbeeldingstekste vir 'n wye verskeidenheid doeleindes te skryf.

Dit word bewys as die leerder:

4.1 'n verbeeldingstekst skryf;

4.2 'n verskeidenheid feitelike skriftelike tekste vir verskeie doeleindes lewer;

4.4 taal gebruik om te ondersoek.

#### LU 5 DINK EN REDENEER

Die leerder is in staat om taal vir dink en redeneer te gebruik en inligting vir leer te verkry, verwerk en gebruik.

Dit word bewys as die leerder:

5.2 inligting uit 'n wye verskeidenheid bronne vind;

5.3 inligting uit 'n wye verskeidenheid bronne verkry en verwerk.

## Memorandum

### AKTIWITEIT 1

#### 1. Teks C

- a. Eie insigte – aanhalings moet hul interpretasie staaf.
- b. As die skemer hom omvou.
- c. Hy vind dit aangenaam en koesterend.
- d. Enige aanvaarbare antwoord, bv. Speels, rustig, ens.
- e. Rym, herhalende patrone, ritme, sangerigheid
- f. Kyk f)
- g. Die boodskap is dat dit so sal voortduur; slepende gang.
- h. Braaf, toegewyd, vreesloos, ongestoord
- i. “in my skik”

#### 2. Teks D

- a. die denneboom
- b. Ek ... word ... opgesaag
- c. Personifikasie
- d. Dit gee aan die boom menslike eienskappe soos gevoelens van vernedering, sodat die leser met die boom kan identifiseer en bv. simpatie hê.
- e. Die boom moes staande bly teen die aanslag van die wind.
- f. Die boom is deel van die natuur (dus, deel van die totale skepping).
- g. Water (in die grond, maar ook dou, wolke, mis, ens.)
- h. Dit is ‘n taai gom wat uit die bas loop.
- i. Ja, dit is. Harpuis verskyn by ‘n wond aan die boom – dit vorm ‘n beskermende laag. Die implikasie is dat die boom uiteindelik uitgelewer is aan die mens wat hom vernietig vir sy eie gewin. Hy kan

staande bly teen die elemente en homself met harpui beskerm, maar uiteindelik moet hy swig teen die mens.

- j. Die boom word opgesaag sodat die hout gebruik kan word vir tamatiekissies.
- k. Dit is vernederend. Eie verduideliking.
- l. Hy lewer kommentaar op die mens se vernietiging van die natuur ter wille van homself (finansiële gewin?).

## AKTIWITEIT 2

### 1. Hoofgedagtes: Eie woorde

- Toe Honiball was knap met die maak van miniatuurvoorwerpe.
- Toe hy in Bellville gewoon het, het hy 'n windpomp genaamd Poegaai gemaak wat nog steeds daar staan
- Mnr. Krumm, wat later daar gaan woon het, wil erkenning gee aan Honiball.
- Fred Mouton, het Honiball ook goed geken en onthou wat hy alles gemaak het.
- Toe Honiball Valsbaai toe getrek het, het hy sy stokperdjie bly bedryf. Dit is vandag Africana.
- Honiball het ook tuis rolprente vervaardig. Hy was 'n interessante mens met 'n fyn humorsin.

## AKTIWITEIT 3

### 1. Eie sinne

2. a) en b) – eie keuse uit stuk en eie sinne (instruksies) in feitelike taal – nie poëties.

## AKTIWITEIT 4

Eie aanbieding. Duidelike aanwysings is belangrik.

## AKTIWITEIT 5

Eie gediggie: rym, beeldspraak ens. Noodsaaklik om aan te dui dat leerder weet wat die verskil tussen 'n gedig en gewone prosa is.

## AKTIWITEIT 6

Navorsingsprojek

## AKTIWITEIT 7

Vorm van brief – amptelik – bondig en duidelik. Geen oorbodige inligting nie. Toon: saaklik.

## AKTIWITEIT 8

Eie rolspel en plakkaat.

Om met taal te werk

## AFRIKAANS HUISTAAL

### Graad 8

### Module 8

### Om met taal te werk

#### AKTIWITEIT 1

Om met taal te werk, korrekte vorme en afleidings te gee, die gebruik van lees- en skryftekens te demonstreer, woordeskat uit te brei en omskrywings in een woord raak te vat

	LU 6.1.2						LU 6.1.3						LU 6.1.6				
													LU 6.2.1				

- Lees die volgende teks deur en beantwoord die taalvragies daaroor. Die betrokke woorde/leestekens/skryftekens is telkens onderstreep en vet gedruk om jou te help om hulle raak te sien en ons werk die teks van bo af deur. Die paragrawe is van 1 - 9 genommer.

Teks A

#### Gestremde stap ver vir SA kankerpatiënt(uit *Die Burger*)

- 1) LONDEN - Mnr. Peter (**Buddy**) Geldenhuys, wat **oor die hele wêreld** bekendheid \_\_\_\_\_ het as “Suid-Afrika se gestremde langafstandman,” het pas **hier** aangekom nadat hy \_\_\_\_\_ ’n staptog van sowat 5 000 km deur Europa vir ’n Suid-Afrikaanse kanker(**ly/lei**)ertjie geld \_\_\_\_\_ het.
- 2) Geldenhuys (59), wat die \_\_\_\_\_ vyf jaar sowat 17 000 km op **wêreldstaptog** afgelê het, het sy \_\_\_\_\_ (**waarmee hy pas klaargemaak het**) tog op 29 Maart 2002 in Napels, Italië begin en deur Switserland, Oostenryk, Duitsland, België, Luxemburg en Frankryk gestap.
- 3) Hy het verlede Saterdag \_\_\_\_ veerboot die Engelse Kanaal \_\_\_\_\_ na Dover, waar *DieBurger* hom **in die hande gekryhet**. **Dié** naweek het hy tot by Canterbury gestap en hoop om môre \_\_\_\_\_ Londen aan te kom. Dit sal beteken hy sal die tog van 5 000 km \_\_\_\_\_ 225 dae voltooi.
- 4) Geldenhuys het elke dag \_\_\_\_\_ 30 km met ’n Bybel, ’n rugsak van 35 kg, die **Suid-Afrika** vlag omhoog, ’n ekstra stel krukke en water, gestap om geld in te samel vir jong Lauren Banfield, ’n leukemie-**patiënt**van Benoni.
- 5) Fanconi anemie –’n vorm van beenkanker –is op **drie jaar**ouderdom by Lauren **diagnose**. Die siekte veroorsaak dat die beenmurg (**só dat dit nie meer sy doel dien nie**)raak en nie meer die noodsaaklike bloedsel-elemente wat

in die bloedstroom vrygestel moet word, **produksie**. **Die gevolg is dat** het die pasiënt 'n gevaarlik lae **bloedplaatjie**- en witbloedliggaamtelling.

6) Lauren het 'n **tydjie gelede** 'n beenmurgskenker in Duitsland gekry. Operasies op haar het reeds sowat R500 000 \_\_\_\_\_. Die laaste vyf jaar het Geldenhuys sowat R220 000 vir leukemie-pasiënte ingesamel en hy **raam** dat hy op sy Europese tog sowat R70 000 vir Lauren ingesamel het. Sy leuse **is**: “Dit **kán** gedoen word.”

7) Geldenhuys kan net met krukke loop nadat 'n rugoperasie sowat tien jaar gelede skeefgeloop het en hy permanent verlam en **deel** gestrem is.

8) Geldenhuys van Orange Grove, Johannesburg, het in 1998 van Chicago in die noorde van Amerika na New York en Washington aan die ooskus en toe na Los Angeles en San Francisco aan die weskus gestap. Dit het hom \_\_\_\_\_ ses maande geneem om dié afstand af te lê.

9) “Ek wil mense motiveer. Daar is mense wat nie 'n fisiese **gestrem**\_\_\_\_\_ het nie, maar 'n **gees** een. Ek wil beklemtoon dat 'n mens (**enigiets/enige iets/enigiets/enig iets** kan \_\_\_\_\_ as jy besluit jy gaan,” sê hy.

Opskrif

1. Hoe kan ons aandui dat **ver** in die opskrif “baie ver” beteken?

Paragraaf 1

2. Waarom staan die naam (**Buddy**) tussen hakies?

3. Verskaf een woord wat dieselfde beteken as **oor die hele wêreld**.

4. Voltooi die vaste/idiomatiese uitdrukking: hy het bekendheid .....

5. Verduidelik waarom die woorde “Suid-Afrika se gestremde langafstandman” in aanhalingstekens voorkom.

6. Waar is **hier** waarna hierdie woord verwys?

7. Vul die korrekte voorsetsel in: hy het ..... 'n staptog (iets gedoen).

8. Gee die korrekte spelling wat hier pas: kanker**lyertjie**/kanker**leiertjie**. Weet jy wanneer om watter een van die twee woorde te gebruik?

9. Voltooi die vaste/idiomatiese uitdrukking: hy het geld .....

Paragraaf 2

10. Gee een woord wat hier pas en dieselfde beteken as: die **laaste** vyf jaar.

11. Gee die meervoud van **wêreldstaptog**.

12. Verskaf een woord vir die hele omskrywing: (**waarmee hy pas klaargemaak het**).

Paragraaf 3

13. Vul die ontbrekende voorsetsel (een woord!) in: hy het ..... veerboot (gereis).

14. Voltooi die vaste/idiomatiese uitdrukking: hy het die kanaal..... (van die een kant na die ander kant gereis/gevaar).

15. Gee een woord vir **in die hande gekry** wat hier gaan pas.

16. Wat beteken **diésoos** dit hier gebruik word?

17. Skryf die ontbrekende voorsetsel neer: hy hoop om môre ..... Londen aan te kom.

18. Vul die ontbrekende woord in: hy het die staptog .....225dae afgelê.

#### Paragraaf 4

19. Vul 'n woord hier in wat dieselfde beteken as: sowat/omtrent: .....

20. Gee die korrekte vorm van **Suid-Afrika** wat hier gaan pas: .....

21. Verduidelik waarom daar so baie kommas in hierdie paragraaf is.

22. Skryf die verkleinwoord van **pasiënt** neer.: .....

#### Paragraaf 5

23. Wat is die doel/nut/funksie van die aandagstrepe in die eerste sin?

24. Skryf een woord neer waarmee ons **drie jaar** hier kan vervang:

25. Gee die korrekte (werkwoord) vorm van **diagnose**:

26. Verskaf een woord waarmee ons die omskrywingsó **dat dit nie meer sy doel dien nie** hier kan vervang.

27. Gee die korrekte (werkwoord) vorm van **produk** om hierdie sin te voltooi.

28. Verskaf een woord wat dieselfde beteken as **die gevolg is dat**.

29. Watter woord moet in die plek van die koppelteken by **bloedplaatjie-** staan?

#### Paragraaf 6

30. Skryf een woord neer wat ons in die plek van **'n tydjie gelede** kan gebruik.

31. Voltooi die tweede sin deur die korrekte (idiomatiese) werkwoord in te skryf: haar operasies het al by die R500 000 \_\_\_\_\_ .

32. Skryf 'n ander woord neer wat ons hier ken gebruik wat dieselfde as **raam** beteken.

33. Verduidelik waarom daar 'n dubbelpunt ná **is:**gebruik word.

34. Watter verskil is daar tussen Dit kan gedoen word en Dit kán gedoen word?

#### Paragraaf 7

35. Skryf die korrekte vorm van **deel** neer wat hier sal pas:

#### Paragraaf 8

36. Skryf een woord neer wat hier gaan pas en wat beteken: **min of meer**.

#### Paragraaf 9

37. Skryf die korrekte vorm van **gestrem**, wat na die toestand verwys, neer.

38. Gee die korrekte vorm van **gees** wat hier sal pas.

39. Watter van die volgende vier voorbeelde is korrek gespel **enigeiets** / **enige iets** / **enigiets** / **enig iets**? Omkring die korrekte(s).



40. Vul die ontbrekende vaste (idiomatiese) werkwoord neer wat hier gebruik word en wat beteken: **om te oorwin**.

## AKTIWITEIT 2

Om homonieme te gebruik

	LU 6.1.9			

- Onthou julle nog wat HOMONIEME is? Dis mos woorde wat eenders **lyk**, maar verskillende betekenis het (die ander **lyk** beteken byvoorbeeld “dooie mens”).
- In die bostaande leesstuk is daar heelwat sulke woorde.
- Gaan soek die volgende woorde en gebruik dan hulle homonieme in sinne. Kyk maar mooi en dink verder; van die woorde het selfs meer as een ander betekenis:

**oor :**

**as :**

**pas :**

**geld :**

**van :**

**hoop :**

**tog :**

**stel :**

**om :**

**jong :**

**vorm :**

**gevolg :**

**lae :**

**kan :**

**net :**

## Assessering

LU 6 Taalstruktuur en –gebruik
Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde:
6.1.2 gebruik basiese spelreëls en 'n verskeidenheid spelstrategieë om onbekende woorde te spel;
6.1.3 gebruik hoofletters en skryftekens korrek en doeltreffend (kappie, koppelteken, deelteken, afkappingstekens en aksentteken);
6.1.6 met woorde werk (korrekte vorme en afleidings);
6.1.7 woordfamilies en woorde oor dieselfde onderwerp gebruik om woordeskat in konteks te ontwikkel;
6.1.9 algemene sinonieme, antonieme, homonieme, homofone, paronieme, een woord vir 'n omskrywing verstaan en gebruik;
6.2 werk met sinne:
6.2.1 met sinne werk en woordsoorte in konteks identifiseer en gebruik;
6.2.7 die aktief en passief gebruik en verstaan wanneer elkeen gepas is;
6.2.8 sinne doeltreffend van die direkte na die indirekte rede verander en omgekeerd;
6.2.10 gebruik punktuering doeltreffend (punt, komma, dubbelpunt, kommapunt, vraagteken, uitroepteken, aandagstreep, hakies, aanhalingstekens, skuinsstreep);
6.4 bewustheid en gebruik van styl ontwikkel.

## Memorandum

### AKTIWITEIT 1

Hierdie eerste twee aktiwiteite is 'n lywige taal oefening, waarin hersiening gedoen word, maar ook enkele nuwe dinge geleer word – een woord i.p.v. omskrywing, korrekte voorsetsels ens.

1. **vé** (Die woord kan natuurlik doodgewoon ook met 'n kappie gespel word, maar dit het dan nog steeds nie die betekenis van “baie ver” nie.)
2. nie sy regte/doopnaam nie, maar 'n bynaam
3. wêreldwyd
4. verwerf
5. word so genoem/ waarskynlik verwys koerante reeds lankal na hom op hierdie manier
6. Londen
7. op/tydens

8. lyer – ly het met seerkry/swaarkry te doen; ander lei beteken voorloop
9. ingesamel
10. afgelope
11. wêreldstaptogte
12. jongste
13. per
14. oorgesteek
15. opgespoor
16. hierdie
17. in
18. binne/in
19. ongeveer
20. Suid-Afrikaanse
21. lys dinge word gegee
22. pasiëntjie
23. lig inligting uit/belangrike inligting staan tussen
24. driejarige
25. gediagnoseer
26. ondoeltreffend
27. produseer
28. gevolglik
29. telling
30. onlangs
31. gekos
32. skat/bereken
33. direkte rede /inligting volg
34. eerste een: gewone stelling; tweede beklemtoon (selfs bo verwagting)
35. gedeeltelik
36. naastenby
37. gestremdheid

38. geestelike

39. enigiets

40. baasraak/regkry

#### AKTIWITEIT 2

Laat u lei deur die leerders se antwoorde, maak seker dat hulle verstaan en help met ander moontlikhede as die gewoon voor-die-hand-liggendes.

Om geskrewe taal in digvorm te verstaan en waardeer

## AFRIKAANS HUISTAAL

### Graad 8

### Module 9

### Om geskrewe taal in digvorm te verstaan en te waardeer

#### AKTIWITEIT 1

Om geskrewe taal in digvorm te verstaan en te waardeer

	LU 1.1						LU 1.5							LU 3.1					LU 3.1
																		LU 3.1	

- Nou verskuif ons na 'n ander dapper poging. Lees die onderstaande gedig deur en beantwoord die vrae wat daarvoor gestel word.

Teks A

Lees *Klara Majola* deur D J Opperman. Dit verskyn in *Engel uit die klip* uitgegee deur TAFELBERG.

- Vertel in een sin wat Klara Majola gedoen het en wat sy oorgekom het.
- 'n Mens sê darem nie gewoonlik: iemand **vergader** hout nie, maar veel eerder: iemand maak hout bymekaar. Waarom het die digter dan hier **vergader** gebruik?
- Watter woord in strofe 1 berei ons voor dat iets buite ons verwagting gebeur het?
- Tot dusver (strofe 1) het die verteller twee keer die naam Klara Majola net so gebruik, maar nou, in strofe 2 voeg hy “klein” by. Watter **effek** bereik hy/probeer hy oordra met dié woord?
- Wat beteken **bros** (kapok)? Waarom, dink jy, gebruik die verteller dié woord, en sê hy nie maar net “kapok” nie?
- Hoewel die gebeure in die Bokkeveld afspeel (die gebied agter Ceres), kry “Bokkeveld” in die gedig 'n ander betekenis ook. [Ons sê die woord roep 'n ander betekenis op]. Wat kan dié woord nog hier beteken?
- In strofe 2 gebruik die verteller 'n pragtige beeld wanneer hy na Klara verwys. Watter soort beeldspraak gebruik hy?
- Bespreek die beeld in die laaste twee reëls van strofe 2 en besluit veral oor die volgende:

- Is dit gepas (pas die beeld by die omgewing waarin die gedig afspeel)?
- Is dit 'n goeie beeld (sê dit iets van hoe Klara lyk)?
- Sê dit meer as wat net 'n gewone beskrywing sou sê?

As ons by so 'n vraag antwoord dat dit werk, sê ons dis 'n GESLAAGDE VERGELYKING (of metafoor, of watter beeldspraak dit ook al is).

9. Lees nou weer die hele gedig en kyk dan spesifiek na strofe 3.

- Hoe verskil strofe 3 se inhoud (plek/ruimte en tyd) van die vorige twee strofes?

10. Waarna verwys "koue geweld" hier binne die konteks van die gedig, en spesifiek in hierdie strofe?

11. In strofe 2 gebruik die verteller die woorde "bros kapok". Waarom verander hy dan nou en gebruik "koue geweld"? (Sê dit meer?)

12. Waar is die verteller nou?

13. Het "Bokkeveld" hier nog dieselfde twee betekenismoontlikhede as in strofe 2? Verduidelik jou antwoord.

14. In die laaste reël kry ons 'n pragtige TEENSTRYDIGHEID/PARADOKS wanneer die verteller sê Klara het "warm . . . verkleum."

- (KONTRAS/TEENSTELLING/TEENSTRYDIGHEID is baie dikwels 'n TEGNIEK wat 'n digter/skrywer gebruik om meer trefkrag te gee aan wat hy wil oordra.)
- Wat bedoel hy met hierdie paradoks?

15. Ons kry in hierdie strofe ook 'n woord waarmee die verteller homself teenoor Klara stel. Skryf die woord neer.

16. Die verteller kom tot 'n sekere ontdekking oor homself in die slotstrofe. Skryf dit in een sin neer.

17. Verduidelik nou waarom die verteller die naam "Klara Majola" so baie in die gedig herhaal.

18. Skryf die rymskema van die gedig neer.

19. Wat noem ons dié soort rympatroon?

## AKTIWITEIT 2

Om taal in verskillende kontekste met mekaar te vergelyk en begrip te toon vir die onderskeie toepassings daarvan

- Vergelyk Teks A en Teks B. Die een is meer feitlik en word as 'n artikel/berig aangebied, terwyl die ander 'n gedig (oor 'n ware gebeurtenis) is. Soek die ooreenkomste en verskille in die volgende (jy kan jou gerus laat lei deur die antwoorde wat jy op "Klara Majola" verskaf het):

1. die aanbieding

2. die inhoud

3. die gevolg

## AKTIWITEIT 3

Om 'n ervaring in die vorm van 'n gedig, met gepaste toepassing van die korrekte styl en woordkeuse, weer te gee

	LU 4.1						LU 4.3			

- Kom ons waag nou self ons hand aan 'n gedig.
- Skryf 'n kort gediggie (jy kan selfs “Klara Majola” as model gebruik) oor 'n onbaatsugtige of dapper daad waarvan jy weet en wat 'n groot indruk op jou gemaak het. Oefen eers op jou eie papier en skryf die finale poging hieronder.
- 
- AKTIWITEIT 4

Om die tipiese taal en styl van 'n bepaalde soort teks waar te neem en in 'n eie skryfstuk toe te pas

	LU 4.1						LU 4.4			

- Lees die volgende drie tekste deur en voer die opdragte daarvoor uit

Teks B

#### **Inbreker sit elf uur vas in skoorsteen – van dulle huis** (uit *Die Burger*)

'n Aspirant-inbreker op Citrusdal het met die nagtelike gebeier van die kerkklok op die agtergrond oor sy sondes besin terwyl hy bykans elf uur lank in 'n skoorsteen vasgesit het.

Die man het glo Maandagaand by die NG Kerk se pastorie probeer inbreek, maar nadat hy feitlik ál die ruite met 'n baksteen stukkend geslaan het, en hom telkens teen stewige diefwering vasgeloop het, het ta 'n plan gemaak.

Hy het die saak uit 'n ander hoek benader en besluit om, soos wolf in die sprokie van die drie varkies, dié baksteenhuis deur die skoorsteen binne te glip.

Volgens kapt. Hilda Conradie van die plaaslike polisiekantoor was daar dié keer nie net 'n kinkel in die kabel nie, maar ook een in die skoorsteen. “Of sy hand gegly het en of hy laat los het, is nie duidelik nie, maar hy het afgegly in die skoorsteen tot waar dit 'n draai na links maak, en daar het hy bly sit.”

Die man het later aan die polisie vertel hy het gehoor hoe die kerkklok die ure aftel. “Hy was teen agtuur al daar en het om hulp geroep, maar niemand het gehoor nie. Hy het moed opgegee omdat hy nie kon asem kry nie. Hy kon elke uur die klok hoor slaan en teen vieruur die oggend het hy weer begin skreeu.”

Volgens Conradie het mense hom donsvoordag op pad werk toe gehoor. “Hulle het van die pad af gevra wie hulle moet roep. Hy was só verlig dat hy dadelik gesê het hulle moet die polisie ontbied.”

Hy is teen sewe-uur bevry – en moes hoor die huis staan al lank leeg.

Ds. Dirk Burger, wat in die huis gewoon het, het verlede jaar afgetree en die huis staan al sedert November leeg.

Teks C

Pasiënt word glo in lykshuis wakker(uit *Die Burger*)

Mnr. George Melanie, ook bekend as oom George, was onlangs baie koud toe hy ná behandeling vir 'n beroerte tot sy ontsteltenis in die hospitaal se lykshuis wakker word.

Melanie het vertel sy seun het op 'n \_\_\_\_hete dag met hom na 'n Bolandse hospitaal gejaag het nadat hy skielik siek begin voel het. By die hospitaal is hy glo vir beroerte behandel en het hy sy bewussyn verloor.

“Toe ek wakker skrik, was ek kaal en het in 'n laai in die hospitaal se lykshuis gelê.

“Ek het verpleegsters daar naby oor my dood hoor praat. My hele lyf was styf en my bene het koud gekry. Toe ek hulle beweeg, het een dit gesien en van die skrik het hulle uitgehardloop.

“Ek het geroep en daar was mense wat my kom help het en gesorg het dat ek behandeling kry,” het hy gister aan *Die Burger* vertel.

Hy was baie dankbaar dat hy darem sy tagtigste verjaardag vroeër vandeemaand kon vier. Sy seun het bevestig dat hy sy pa dié dag hospitaal toe geneem en vier dae later weer gaan haal het.

Die betrokke hospitaal het gister op versoek van *Die Burger* Melanie se lêer uitgehaal. Niks word van sy beroerte en behandeling vermeld nie. Die superintendent het gesê die lêer wys hy is die vorige jaar laas daar behandel.

Teks D

Slang se kind laat man groot skrik (Uit *Die Burger*)

Mnr. Petrus Seling het 'n skrikaanjaende ondervinding gehad toe hy eers op 'n boomslang getrap en die slang daarna om sy bene gekrul het. Hy het hom glo \_\_\_\_lam geskrik.

Volgens Seling was die slang langer as hyself.

Seling, wat slegs drie maande gelede na die riooluitvalwerke oorgeplaas is, vertel toe hy by die sifdeur van die kantoorgebou op die terrein uitstap, het hy 'n geluid gehoor en die volgende oomblik bo-op die boomslang getrap.

Soos blits het die slang om sy bene gekrul. Seling het die slang losgeskop, waarna dit deur die kantoor is en in die stoorkamer tussen die sakke gaan skuiling soek het.

Die polisie het 'n natuurbewaarder ontbied, wat saam met 'n helper die slang met twee stokke gevang en in die veld gaan vrylaat het.

- Gaan weer deur die drie berigte en haal woorde uit wat tipies van koeranttaal is. Onderstreep die woorde. Kyk ook na die bou van die berigte – waar die meeste inligting voorkom, wat alles gesê word, hoe aangedui word dat daar onsekerheid/twyfel/vermoede bestaan.
- Noudat jy hierdie klompie leesstukke onder die knie het, is dit tyd om self so iets aan te pak.
- Skryf 'n KOERANTBERIG waarin jy vertel van 'n soortgelyke penarie. Dit kan iets wees waarvan jy weet of 'n denkbeeldige ervaring. Oefen op jou eie papier en skryf die finale poging hier onder.

## Assessering

Leernitkomstes(LUs)
LU 1 LUISTER



Die leerder is in staat om vir inligting en genot te luister en gepas en krities binne 'n wye verskeidenheid situasies te reageer.
Assesseringstandaarde(ASe)
Dit word bewys as die leerder:
1.1 na uitdagende verbeeldings- en informatiewe mondelinge tekste luister en dit waardeer;
1.2 aandagtig luister vir spesifieke inligting en kerngedagtes en gepas reageer;
1.3 verstaan hoe bekende mondelinge tekste gestruktureer is en die kenmerkende eienskappe daarvan beskryf;
1.5 die spreker se redes vir die keuse van spesifieke woorde, frases en sinne identifiseer om die luisteraar te beïnvloed en die impak daarvan verduidelik;
1.6 verskillende taalvariëteite, soos verskillende aksente en dialekte, herken en aanvaar en die taal van verskillende groepe bespreek.
LU 3 LEES EN KYK
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer.
Dit word bewys as die leerder:
3.1 'n wye verskeidenheid tekssoorte spontaan en dikwels vir genot en inligting lees en persoonlike reaksie op die tekssoorte bespreek;
3.2 lees hardop en stil vir verskillende doeleindes deur gepaste leesstrategieë te gebruik;
3.3 die doel, teikengroepe en konteks van tekste bespreek;
3.4 begrip van informatiewe tekste toon;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 toon begrip van 'n teks, die doel daarvan en hoe dit met eie leefwêreld skakel deur die intrige, temas, waardes, karakters en ruimte/agtergrond te bespreek;
3.8 krities op tekste reageer.
LU 4 SKRYF
Die leerder is in staat om verskillende soorte feitlike en verbeeldingstekste vir 'n wye verskeidenheid doeleindes te skryf.
Dit word bewys as die leerder:
4.1 'n verskeidenheid verbeeldingstekste skryf;
4.2 'n verskeidenheid feitlike skriftelike en multimodale tekste lewer;

4.3 basiese vaardighede in spesifieke skryf-tegnieke gepas vir 'n tekssoort toon;

4.4 die skryfproses saam met ander en individueel gebruik om tekste te skep.

## Memorandum

### AKTIWITEIT 1

- Behandel eers die gedig met die leerders sonder om na die vrae te verwys. U kan ook daarop klem lê dat die gedig 'n reaksie op 'n ware gebeurtenis is - wat iewers in 1958 afgespeel het. Die heldinnetjie was 'n skrale agt jaar oud.

1. Klara het een koue skemeraand uitgegaan om haar blinde pa te gaan haal wat heeldag houtjies bymekaargemaak het, maar het in die donkerte verdwaal en het daardie nag verkleum.

2. pas binne die rym en ritme van die gedig

3. “maar”

4. wys op haar fisiese kleinheid, maar ook haar broosheid/druk bejammering uit

5. sag/breekbaarwil op die verskriklikheid wys dat iets so sag die dood kan veroorsaak/sou ook kon sê die woord is 'n verdere projeksie van Klara se weerloosheid

6. “Bokveld toe” beteken ook doodgaan.

7. vergelyking: Klara se (bruin) lyk wat inmekaargetrek is, word vergelyk met 'n wingerdstok (wat ook mos nooit reguit is nie)

8. Ja – daardie streek is o.m. bekend vir vrugtreboerdery, waaronder druiwe. Ja – kyk by 7 Ja – ons kan byna sien hoe Klara lyk.

9. nou nie meer waar dit gebeur het nie, vertel ook nie meer nie (maar pas toe), kan enige tyd wees, nie noodwendig tydens of kort na gebeure nie

10. steeds na verkleum/koue/feit dat koue die mens kan doodmaak, maar wyer ook – na enige vorm van onnatuurlike dood

11. Ja – kyk ook antwoord by 10.

12. enige plek – nie gebind aan streek (die Bokkeveld)

13. nee – slegs betekenis van “dood”

14. met 'n hart vol (warm van) liefde in die koue gesterf

15. “maar”

16. Besit nie so 'n opofferende liefde soos Klara nie.

17. Wil die naam laat insink. Noem van naam roep telkens die heldedaad op. Daar is sekere sangerigheid in naam wat by ritme van gedig pas.

18. abab cdcd efef

19. kruisrym/gekruisde rym

### AKTIWITEIT 2

Laat u lei deur wat die leerders sê. NB dat hulle tog uitkom by: feitelike teenoor emotiewe gegewens, sinne en paragrawe teenoor reëls en strofes met bepaalde rym, bou en ritme; berig gee niks meer, terwyl gedig ook met toepassing van gegewens werk

U sou selfs met 'n wakker klas die gedig in berigvorm kon laat skryf (of van die berig 'n gedig laat maak) as kontrole om te sien of hulle die verskille in aanbieding raakvat.

### AKTIWITEIT 3

U moet asb. self die lengte van die gedig en enige ander vereistes wat u wil stel, bepaal, ook die puntetoekenning en datum van inlewering.

Sien na en gebruik vir portefeulje.

### AKTIWITEIT 4

Laat u lei deur leerders se bespreking.

- Behandel tipiese vorm van berig: Omgekeerde piramiede, eerste par: wie waar, wat, wanneer, waar en hoe? verdere uitbreiding logies in paragrawe
- Tipiese koeranttaal/woorde: glo/ vermoedelik/bevestig, ens.

Ook hier besluit u self oor die lengte van die skryfstuk, verleen vooraf hulp en gee leiding in die klas. Bepaal ook die puntegewig wat die skryfstuk gaan dra en gebruik dit vir die leereer se portefeulje.

- As alternatief kan 'n langer SKRYFSTUK i.p.v./naas die berig hier gegee word – al drie die berigte vertel van 'n penarie, maar daar is in al drie ook elemente van die “ander partye” se groot skrik – die werkers op pad wat 'n stem uit die leë huis hoor, die verpleegsters wat 'n dooie sien ontwaak, die slang wat hom sekerlik net so mordsdood skrik en vir sy lewe vlug.
- Dit kan 'n heel prettige lang skryfstuk tot gevolg hê as 'n mens die leerders die saak van die ander kant af laat vertel!

Om met woorde te werk en woordeskat uit te brei

## AFRIKAANS HUISTAAL

### Graad 8

### Module 10

### Om met woorde te werk en woordeskat uit te brei

#### AKTIWITEIT 1

Om met woorde te werk en woordeskat uit te brei

	LU 6.1.7			

- Gaan nou weer terug na die drie berigte in Module 9. Stel spanne saam in julle klas en hou 'n vasvra oor woorde wat vir julle “vreemd” of “onbekend” is. (Wenk: moenie vra dat iemand moet verduidelik wat 'n woord beteken nie; vra liever hoe 'n mens dit in 'n sin gebruik, of 'n teenoorgestelde, ens.) Laat die onderwyser as skeidsregter optree. Teken al die woorde aan wat jy nie ken nie, en gaan slaan die betekenis daarvan in 'n woordeboek na.

#### Intensiewe vorme

- In Teks C staan daar in die opskrif: “dolleë”/dolleeg. Só 'n vorm van 'n woord noem ons 'n INTENSIEWE VORM, en dis dikwels nie moontlik om te verstaan wat die eerste deel beteken nie, omdat hierdie verskynsel 'n baie ou verskynsel is in die tale waarvan Afrikaans familie is. Maar dis nogtans interessant om hierdie vorme te ken en te gebruik – dis 'n manier om jou taal kleurvol te maak.
- Skryf intensiewe vorme vir die volgende woorde neer (die woorde kom uit die tekste):

verlig

koud

heet (warm – teks D)

wakker

kaal

styf

lam

- Baie van die woorde het meer as een intensiewe vorm en word by verskillende betekenis van die woord gebruik.
- Kom ons keer die speletjie om:



	LU 1.3						LU 1.5						LU 2.2					I 2
	LU 3.1						LU 3.2						LU 3.3					I 3

- Lees die verhaal *Die Wors* deur Hennie Aucamp wat verskyn in sy debuutbundel, *Een Somermiddag* en uitgegee is deur Tafelberg-uitgewers en reageer op die letterkundige en ander vrae wat daarvoor gestel word.
- Beantwoord nou die vrae nadat jy die bespreking/inligting bokant elke vraag deeglik deurgelees en verstaan het.

1. Wie, dink jy, is die teikengehoor van hierdie verhaal (op watter ouderdomsgroep as leser is hierdie verhaal gemik)?

2. Verduidelik of en hoe die taal, inhoud en karakters by die teikenlesers aanpas.

- Hierdie verhaal bestaan uit vier dele, wat van mekaar geskei word in die teks. In elk van die dele, buiten in die derde deel, wat handel oor die seuns wat vir Danie en Pen weghardloop, is daar verskillende karakters/groepe karakters wat in KONFLIK met mekaar verkeer (soms meer as een soort konflik binne dieselfde deel).

3. Die eerste deel handel oor Wimpie, Tatties (Flossie) en hulle konflik met Bet.

3.1 Hoe word Bet voorgestel? (Haal bewyse uit die teks.)

3.2 Noem al die redes waarom die twee seuns nie van hulle taak en van die sog hou nie.

3.3 Is daar ooit sprake van 'n ander konflik in hierdie deel buiten tussen die twee seuns en Bet? Verduidelik jou antwoord.

3.4 Wat leer ons van Wimpie se karakter in hierdie deel?

3.5 En van Tatties s'n?

4. Die tweede deel: die aankoms van die Sagies

4.1 Kan jy uit die teks bewyse kry dat ons op konflik voorberei word wanneer ons lees van die Sagies se aankoms? Verduidelik.

4.2 Lees weer mooi die paragrafe in hierdie deel waar vertel word van die Sagies se aankoms. Uit wie se oog kyk die verteller wanneer hy die aankoms beskryf: Wimpie se mense of die Sagies? Waarom dink jy is dit so?

5. Die seuns

- Die hoofmoment / belangrikste konflik in die verhaal is dié tussen Wimpie en Tatties (en dalk nog een) aan die een kant, en Danie en Pen aan die ander kant.

5.1 Hoe word die leser voorberei dat daar 'n konflik tussen hierdie karakters gaan ontstaan? (Hier moet jy weer vroeër in die verhaal gaan lees.)

5.2 Hoe verskil die twee groepe karakters van mekaar?

5.3 Reeds vroeër in die verhaal word die leser voorberei dat Wimpie met 'n plan vorendag gaan kom om sy regmatige deel op te eis. Waaruit kan ons dit aflei?

5.4 Hoe oud is hierdie seuns omtrent? Kyk of jy jou antwoord uit die verhaal kan motiveer.

5.5 Wat verwag die leser gaan gebeur wanneer Wimpie en Tatties vir Danie en Pen probeer ontglip?

6. Aan die einde gebeur iets wat die leser hoegenaamd nie verwag nie: een van die karakters “draai” teen die ander in sy groep Hierdie verskynsel noem ons IRONIE – wanneer iets gebeur wat ons juis nie verwag nie.

- Verduidelik nou in een kort paragrafie (drie tot vier sinne) die ironie in die slot van die verhaal.

7. Kan jy nou volledig verduidelik waarom die titel van die verhaal *Die wors* is, en of dit ’n gepaste titel is?

#### AKTIWITEIT 4

Om op sinvolle en akkurate wyse inligting mondeling oor te dra

- Jy het sekerlik al self in jou lewe iemand probeer uitoorlê/was self die “slagoffer” van so ’n spulletjie. Gaan berei nou ’n kort mondelinge stuk voor en kom vertel die klas van jou ervaring. (Jy kan selfs saam met ’n maat of twee hierdie episode mondeling rolspeel.)

	LU 2.1						LU 2.2						LU 2.3						I 2

#### AKTIWITEIT 5

Om taal te lees vir die waardering van die estetiese daarin

													LU 1.6						
	LU 3.1						LU 3.3						LU 3.5						

- Voer die opdragte daarvoor uit.
- Lees die gedig *Ek is oek important* deur Peter Snyders, dit kom voor in ‘n Ordinary mens. Dit is uitgegee deur TAFELBERG.

1. Hierdie gedig bestaan uit een enkele sin in dialektiese Afrikaans geskryf. Skryf die sin waaruit die gedig bestaan, in Standaardafrikaans neer.

2. Gesels in groepe oor watter woorde/uitdrukkings nie-standaard is nie.

3. Sal die gedig dieselfde trefkrag hê indien dit in Standaardafrikaans geskryf is?Waarom nie?

4. Wie is die verteller in die gedig? Motiveer jou antwoord uit die gedig self.
5. Ons kan uit die vorm van die gedig agterkom/aflei dat die verteller kwaad is (kyk maar hoe elke reël as 't ware 'n kort, driftige veeg met 'n besem voorstel). Watter woord(e) sê verder dat die verteller kwaad is?
  - Hierdie gedig, anders as byvoorbeeld *Klara Majola*, het geen rymskema of strofes nie. Ons noem so 'n gedig 'n VRYE VERS. Tog is daar baie ander tegnieke wat die gedig aanmekeer hou.
6. Hoe maak die digter van *herhaling* gebruik om die gedig te bind?
7. Skryf neer wat die mense alles rondgegooi het. Het dit nou nog enige nut vir iemand?
8. Kyk 'n bietjie na die wyse waarop “r o n d g e g o o i” geskryf is. Is daar 'n bepaalde rede hiervoor? [Ons kan ook vra: pas dit binne die konteks van die gedig?]
9. Tot watter gevolgtrekking kom die verteller aan die einde van die gedig?
10. Wie is in sy oë die belangrikste: “julle” of “ek”? Waarom sê jy so – en motiveer uit die konteks en nie uit jou eie gevoel nie.

#### AKTIWITEIT 6

Om vir spesifieke inligting en kerngedagtes te luister

	LU 1.2						LU 5.3			

- Luister terwyl die onderwyser die onderstaande stuk hardop lees.

Teks A

Kinders skryf eie handves op internasionale beraad oor kinderregte op Somerset-Wes

Die toekoms van en besluite oor die kind kan net deur die kind self bepaal en geneem word! Dis die boodskap wat meer as 200 kinders in een stem uitgebring het op die Internasionale Spitsberaad oor die Regte van Kinders in Suid-Afrika.

Volgens mnr. David Fortune, woordvoerder van Molo Songololo, sal die handves van kinderregte wat hier deur die kinders tussen die ouderdomme van 12 en 17 self geskryf word, aan die Konferensie vir Volwassenes oor Kinderregte voorgelê word.

Mnr. Thabo Mbeki het op die amptelike opening van die beraad gesê kinders se belange moet aan die bopunt van die politieke agenda geplaas word. 'n Kinderverteenwoordiger is gister tydens die afsluiting van die beraad deur die kinders self aangewys. Caroline Kryne (17) van Suid-Gauteng het gesê die doel van die beraad was nie net vir kinders om hul stemme te laat hoor nie, maar ook om veral ouers se oë oop te maak. “Ek sal hierop voortbou en die beskerming van die kind beklemtoon,” het Caroline gister aan *JIP* gesê.

Caroline het ook haar gevoel oor die behandeling van straatkinders sterk uitgespreek. Sy het gesê hoewel daar regte vir die straatkind moet wees, moet daar ook voorsiening gemaak word vir die “toekomstige straatkind.”

Vir Sindokuhle Zondi (12) en Nokuthuno Cebekhulu (13) van Pietermaritzburg word die kind die meeste op opvoedkundige gebied afgeskeep. “Van ons skole het nie eens 'n biblioteek of 'n enkele rekenaar nie. Dalk sal die



[illegible]

	LU 5.1						LU 5.2						LU 5.3					I 5

- Hoewel ons nie by hierdie spitsberaad oor kinderregte kon wees nie, sit ons tog almal saam as graad 8-leerders van een skool. Elkeen het 'n bepaalde siening oor watter regte hy/sy en ander rolspelers in die skool en klaskamer het of behoort te hê.
- Vorm groepe van ses tot sewe leerders en doen die volgende:
  - identifiseer die rolspelers in die skool wat by opvoeding betrokke is;
  - identifiseer die verskillende terreine waarin julle opgevoed word.
- Gesels nou oor die regte wat elke rolspeler/groep rolspelers op elke terrein het en watter regte hulle behoort te hê.
- Kyk na sake soos:
  - Het alle leerders dieselfde regte (binne julle skool)?
  - Moet alle leerders dieselfde regte hê?
  - Wat is die verskil tussen “regte” en “voorregte”?
  - Moet leerders wat nie wil saamwerk om aan ander hulle regte te gee nie, steeds dieselfde regte hê, of moet daar anders teen hulle opgetree word?
  - Hoe word daar opgetree teen oortreders van regte in julle skool?
  - Hoe kan daar opgetree word teen sulke oortreders?

#### AKTIWITEIT 8

Om 'n eie Handves van die Regte van Leerders binne die skool saam te stel

	LU 4.2						LU 4.4			

- Elke groep werk nou, nadat die hele klas se menings oor die onderskeie sake aangehoor is, aan 'n plakkaat met die titel: **Handves van die Regte van Leerders aan . . .** (Skool se naam).
- Onthou om al die terreine en regte waaroor julle in julle groep/die klas gesels het, in die dokument te vervat.
- Hierdie plakkate kan uiteindelik teen die aanplakbord in die klas/kennisgewingbord van die skool aangebring word.

#### Assessering

Leernutskomstes(LUs)

LU 1 LUISTER
Die leerder is in staat om vir inligting en genot te luister en gepas en krities binne 'n wye verskeidenheid situasies te reageer.
Assesseringstandaarde(ASe)
Dit word bewys as die leerder:
1.1 na uitdagende verbeeldings- en informatiewe mondelinge tekste luister en dit waardeer;
1.2 aandagtig luister vir spesifieke inligting en kerngedagtes en gepas reageer;
1.3 verstaan hoe bekende mondelinge tekste gestruktureer is en die kenmerkende eienskappe daarvan beskryf;
1.5 die spreker se redes vir die keuse van spesifieke woorde, frases en sinne identifiseer om die luisteraar te beïnvloed en die impak daarvan verduidelik;
1.6 verskillende taalvariëteite, soos verskillende aksente en dialekte, herken en aanvaar en die taal van verskillende groepe bespreek.
LU 2 PRAAT
Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.
Dit word bewys as die leerder:
2.1 idees en gevoelens op 'n kreatiewe en ekspressiewe manier met 'n groot mate van selfvertroue en met beperkte ondersteuning oordra deur 'n verskeidenheid mondelinge tekssoorte te gebruik;
2.2 idees, feite en menings oor uitdagende onderwerpe duidelik en akkuraat en met groter samehang oordra deur 'n verskeidenheid feitelike, mondelinge tekssoorte te gebruik;
2.3 basiese praatvaardighede in 'n verskeidenheid tekssoorte toon;
2.4 'n verskeidenheid basiese interaksievaardighede toon deur aktief aan groepbesprekings, gesprekke, debatte en ondersoeke deel te neem;
2.5 mondelinge aanbiedings met redelike akkuraatheid en kreatiwiteit doen.
LU 3 LEES EN KYK
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer.
Dit word bewys as die leerder:
3.1 'n wye verskeidenheid tekssoorte spontaan en dikwels vir genot en inligting lees en persoonlike reaksie op die tekssoorte bespreek;
3.2 lees hardop en stil vir verskillende doeleindes deur gepaste leesstrategieë te gebruik;
3.3 die doel, teikengroepe en konteks van tekste bespreek;

3.4 begrip van informatiewe tekste toon;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 toon begrip van 'n teks, die doel daarvan en hoe dit met eie leefwêreld skakel deur die intrige, temas, waardes, karakters en ruimte/agtergrond te bespreek;
3.8 krities op tekste reageer.
<b>LU 4 SKRYF</b>
Die leerder is in staat om verskillende soorte feitlike en verbeeldingstekste vir 'n wye verskeidenheid doeleindes te skryf.
Dit word bewys as die leerder:
4.1 'n verskeidenheid verbeeldingstekste skryf;
4.2 'n verskeidenheid feitlike skriftelike en multimodale tekste lewer;
4.3 basiese vaardighede in spesifieke skryf-tegnieke gepas vir 'n tekssoort toon;
4.4 die skryfproses saam met ander en individueel gebruik om tekste te skep.
<b>LU 5 DINK EN REDENEER</b>
Die leerder is in staat om taal vir dink en redeneer te gebruik en inligting vir leer te verkry, verwerk en gebruik.
Dit word bewys as die leerder:
5.1 taal vir dink en redeneer gebruik;
5.2 taal gebruik om te ondersoek;
5.3 inligting verwerk;
5.4 kreatief dink;
5.5 taal gebruik om te besin.

<b>LU 6 Taalstruktuur en –gebruik</b>
Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.
Dit word bewys as die leerder:
6.1 werk met woorde:

6.1.2 gebruik basiese spelreëls en 'n verskeidenheid spelstrategieë om onbekende woorde te spel;
6.1.3 gebruik hoofletters en skryftekens korrek en doeltreffend (kappie, koppelteken, deelteken, afkappingstekens en aksentteken);
6.1.6 met woorde werk (korrekte vorme en afleidings);
6.1.7 woordfamilies en woorde oor dieselfde onderwerp gebruik om woordeskat in konteks te ontwikkel;
6.1.9 algemene sinonieme, antonieme, homonieme, homofone, paronieme, een woord vir 'n omskrywing verstaan en gebruik;
6.2 werk met sinne:
6.2.1 met sinne werk en woordsoorte in konteks identifiseer en gebruik;
6.2.7 die aktief en passief gebruik en verstaan wanneer elkeen gepas is;
6.2.8 sinne doeltreffend van die direkte na die indirekte rede verander en omgekeerd;
6.2.10 gebruik punktuering doeltreffend (punt, komma, dubbelpunt, komma-punt, vraagteken, uitroepeteken, aandagstreep, hakies, aanhalingstekens, skuinsstreep);
6.4 bewustheid en gebruik van styl ontwikkel.

## Memorandum

### AKTIWITEIT 1

- Behandel intensiewe vorme, wys op die enkele gevalle waar dié vorme twee woorde is, ens. Met 'n sterk klas kan u dalk die leerders 'n bietjie laat navorsing doen oor die oorspronklike betekenis van baie van die eerste dele van die vorme.
- doodverlig, yskoud, snikheet/snikhete, wawyd wakker, poedelkaal, stokstyf, boeglam
- skreeulelik, blitsvinnig, doodbang/-benoud/-verlig ens.

### AKTIWITEIT 2

#### Bloot hersieningsoefening

#### Aktief/passief

1. Hulle/Die polisie het hom teen sewe-uur bevry.
2. Hulle/die hospitaal/verpleegpersoneel/dokter het hom glo vir beroerte behandel.
3. Die lêer meld/noem/sê niks van sy beroerte en behandeling nie.
4. Seling het die slang mos geskop, waarna dit deur die kantoor geseil/weggeseil/weggekom/ gevlug het.
5. Daar is glo Maandagaand by die NG Kerk se pastorie probeer inbreek.
6. Die lêer is gister op versoek van *Die Burger* deur die betrokke hospitaal uitgehaal.
7. 'n Natuurbewaarder is deur die polisie ontbied.

#### Direkte/Indirekte rede

8. Hy sê hy het kaal in 'n laai in die lykshuis van die hospitaal wakker geskrik.

9. Sy seun het gesê: “Ja, ek het beslis/definitief my pa daardie dag hospitaal toe geneem en hom vier dae later/daarna weer gaan haal.

10. Die superintendent het gesê: “Die lêer wys die man is verlede jaar laas hier behandel.”

### AKTIWITEIT 3

- Lees die verhaal aan die klas voor/laat leerders self hardop lees (vir punte) of u kan selfs 'n rolverdeling hê met die verskillende karakters en 'n verteller. Laat dele van die verhaal dramatiseer vir meer effek.

1. Sekerlik hoofsaaklik jong tieners

2. eenvoudige taal, leefwêreld van tienerseuns opgeroep, karakters self is om en by daardie ouderdom

3.1 lelik/gevaarlik/besete (varke van Gadara) skelm, log “homp vleis”

3.2 koud/ver om te stap/doen dit al te lank/, sog is vir hulle iets vreesliks, wreed/slinks

3.3 Ja – wanneer Wimpie vir Tatties die laaste keer die dikmelk laat gooi – effense weerstand by Tatties, maar Wimpie praat dit goed met sy gladde mond.

3.4 oorheersend/leier/vinnig met plannetjies/probeer altyd loskom

3.5 onderdanig/doen maar mee

4.1 Ja – Willemses hou nie van Sagies – gedurige verwysings na hulle sukkelende bestaan en asery, gaste onwelkom, veral die Sagies.

4.2 Wimpie-hulle s'n – leser moet die Sagies sien soos hulle hulle sien sodat ons simpatie met Wimpie hulle het.

5. Sluit aan by voorafgaande, “nie dat hulle oorloop van liefde vir mekaar nie!” ook die inleiding tot die gesels – minagtinge verwysing na Tatties. twee plaasseuns en maats op hulle plaas, teenoor twee broers, een ouer en een jonger. Ouer broer baie baasspelerig (amper soos Wimpie), dus verwag ons 'n soort “leierskapstryd”. Jongste boetie onderdanig, byna soos Tatties – dus eerder passiewe karakters in konflik. Verwys weer na hoe hy Tatties uitoorlê het met die gee van die laaste dikmelk ± 13, 14 – Wimpie nog op plaasskool (seker tot st 5, 6 - gr 7/8) terwyl Danie 'n bietjie ouer is – reeds in dorpskool, en Pen natuurlik effens jonger. dat die seuns tog maar op hulle gaan afkom/die wors in die hande gaan kry wat Wimpie weggesteek het toe hulle gaan hout soek het

6. Flossie was die hele tyd een van die bondgenote – saamgegaan as hulle Bet versorg, is daar om Tatties te “troos” toe Danie minagtinge na hom verwys, maar noudat die maats hulle regmatige deel van die wors kry en kan geniet, is dit juis hy wat die wors opgeëet het sodat die seuns niks kry nie - en hulle het juis van die Sagie-broers af weggevlug sodat hulle nie van die wors moet kry nie.

7. Die hele verhaal en konflik tussen die verskillende karakters draai eintlik om die wors, wie se reg dit is om daarvan te eet en al die planne om juis daardie reg te kan uitoefen. Ja, beslis 'n gepaste titel, want dit verkap niks van die verrassende slot nie.

### AKTIWITEIT 5

- Behandel eers die gedig sonder om na die vrae te verwys. Laat leerders die gedig voorlees. Dit kan selfs 'n projek wees waar groepe die gedig kan dramatiseer/rolspeel. Hierdie gedig lei hom ook tot 'n bespreking of twee, drie: Wie is belangrik (er): die ryk morskorse of die arm (e) straatveërs en skoonmakers en karweiers van huisvuil?

1. As al julle rykaards julle geld uitgegee en julle piesangskille in die slootjie gegooi het, julle buskaartjies stukkend geskeur en op die grond laat val het, julle wyn en koeldrank gedrink het en die leë bottels en blikkies

sommer in die stegies neergesit het en julle visgrate en (halfgeëte vrugte en stukkende boksies oral neergegooi het, kom ek en maak alles skoon. Daarom is ek ook belangrik.

2. Leerders verskaf self antwoorde.

3. Beslis nie – kyk maar net na die sin en woorde: die ritme, atmosfeer en hele stemming van die gedig sal verander.

4. straatveër – “dan kom ek en maakie wêreld weer skoon”

5. “geldgatte”, “bustikkets soes confetti gestrooi”, “vrot vrugte”

6. Noem alles byna gelyk op “en julle . . .” “en julle . . .” Hierdie woorde staan ook elke keer op dieselfde plek in die reël.

7. piesangskille, gebruikte buskaartjies, leë bottels en blikkies, halfgeëte vrugte, leë boksies Nee, geen nut vir enigeen – is net maar rommel

8. Nie teen mekaar soos normaalweg nie – wil dalk iets wys/visualiseer hoe die rommel gestrooi is.

9. Hy is belangrik omdat hy ander mense se gemors opruim.

10. “Ek” – hy maak agter “belangrike/ryk” mense skoon.

#### AKTIWITEIT 6

Kinders se eie volsinne moet die volgende inhoud oordra:

1. “in een stem”

2. Gaan aan die Konferensie vir Volwassenes oor Kinderregte oorhandig word, ook in die parlement en die VN bespreek word.

3. een van die belangrikste dinge waaraan die parlement aandag moet gee / Parlement moet heel eerste hieraan aandag gee

4. by die Konferensie vir Volwassenes oor Kinderregte en waarskynlik ook in die parlement

5. mishandeling van kinders (“beskerming van die kind”) en die lot van straatkinders, getal straatkinders van die toekoms

6. Wil waarskynlik hê daar moet iets gedoen word sodat daar minder/geen straatkinders is.

7. Verteenwoordiger van Unicef/VN was daar (Unicef – VN se arm wat met opvoeding van kinders werk).

8. Kinders het in groepe oor aspekte van kinderregte gepraat, hulle idees / sieninge oorgedra met musiek / deur gedigte en dramatisering, waarna die verslae van die onderskeie groepe gebruik is om die finale verslag saam te stel.

9. inleidende hoofstuk

10. kindermishandeling, straatkinders, opvoeding

11. oortreding van kinderregte, die kind in die gesin, gesondheid, welsyn, kinderarbeid (Dis belangrik dat leerders nie weer al die afdelings noem nie, maar dié vraag is juis daarop gerig om te kyk of hulle verstaan dat “beskerming van kinders” met kindermishandeling, en dus geweld te doen het.)

#### AKTIWITEIT 7

- Hierdie aktiwiteit kan 'n verfrissende en selfs insiggewende gesprek word en u en die leerders met nuwe oë na mekaar, ander onderwysers en skoolpersoneel laat kyk en waardeer. Dalk is die tyd ryp dat leerders mekaar aanspreek oor lasposte, moeilikheidmakers ens. wat dissipline ondermyn ens. Hierdie soort besprekings kom meesal by oplossings uit en bly nie vassteek by beskuldigings nie. Dis o.m. u taak om die leerders te begelei na oplossings en om verder te gaan as net ander die skuld te gee. So maak ons van hulle “groter” mense.



Skriftelike weergawe van hoofpunte in 'n teks

## AFRIKAANS HUISTAAL

### Graad 8

### Module 11

## SKRIFTELIKE WEERGAWE VAN HOFPUNTE IN 'N TEKS

### AKTIWITEIT 1

Om hoofpunte uit 'n teks te haal en skriftelik weer te gee

	LU 3.4.1						LU 5.3.2			

Teks A

### KORT(lik s oor) SPORT (*Eie artikel*)

Reeds eeue lank al hou die mens hom op die een of ander manier besig met ontspanning waarby mededinging betrokke is. Ons weet uit antieke geskrifte dat die volke van lank gelede teen mekaar meeding het op 'n georganiseerde wyse – die moderne Olimpiese Spele is immers 'n voortvloeiende uit voortsetting van 'n soortgelyke spele wat in die antieke Griekse stadstate voorgekom het.

Maar georganiseerde sport is nie al vorme van sport wat bestaan nie; meer mense is sekerlik bekend met ongeorganiseerde sport – sport wat plaasvind sonder dat 'n byeenkoms gereël is of word. Dink maar aan twee mense wat besluit om 'n potjie skaak te speel om die lang winteraand voor die kaggelvuur te verby, 'n groep kinders wat pouse besluit om 'n tennisbal rond te skop of te gooi en op dié manier kragte te meet; twee motorbestuurders wat by 'n rooi verkeerslig die motors se enjins aanjaag as teken dat hulle hulle motors met die wegtrek teen mekaar wil opweeg, of 'n groep laerskoolmeisies wat heen en weer oor 'n rek spring wat twee van hulle maats wydsbeen styf trek – ook om te kyk wie die langste kan spring en die minste foute maak.

Wat is sport dan nou eintlik? Wanneer is iets sport en wanneer nie? Die meeste woordeboeke is dit eens dat sport veral met fisiese oefening of liggaamsbeweging te doen het, maar tog ook emosionele, geestelike en verstandelike mededinging behels, dat dit volgens bepaalde (geskrewe of ongeskrewe) reëls plaasvind, dat dit iets is wat mense vir hulle ontspanning of tydverdryf doen (deesdae natuurlik ook vir geld!), dat daar toeskouers betrokke is/kan wees, en dat daar uiteindelik 'n wenner kan of behoort te wees.

'n Mens hoor tog te dikwels dat ons Suid-Afrikaners sportmal is, dat rugby (of krieket of sokker, afhange van die seisoen en die aanhangers) byna soos 'n godsdiens vir ons is. En as ons kyk na al die terreine van die lewe waarop mense met mekaar kan meeding, verbaas só 'n siening ons glad nie.

Is alles in die lewe dan sport? Twee leerders wat hard werk en nie-amptelik in 'n toets of eksamen (intellektueel) meeding om te kyk wie die meeste weet, iemand wat jou nader roep en vra om 'n swaar kas te dra, want "jy is mos sterker as jou broer," selfs twee kleuters wat spog oor wie se pa die beste is?

Een ding staan egter vas: solank daar mense op hierdie aarde is, sal daar sport wees.

- Lees die gegewe TEKS A deur en maak 'n opsomming van die inhoud deur die volgende opdragte uit te voer:

1. In die teks word 'n baie ruwe definisie van sport gegee, waarin verskillende fasette uitgelig word.

Skryf hierdie fasette elkeen in 'n aparte reël en in 'n kort volsin in jou eie woorde neer. (Jy moet darem minstens vyf gee.) Dis ook gebruiklik om aan te dui hoeveel woorde jy by elke antwoord gebruik het.

2. In die teks word 'n hele aantal voorbeelde genoem wat sport kan wees (of dalk ook nie). Skryf hierdie voorbeelde elkeen in 'n aparte reël neer en dui langsaan aan of jy dink dit kan as sport geklassifiseer word of nie. Probeer by elkeen jou keuse motiveer (verduidelik).

3. In die leesstuk word 'n hele aantal redes genoem en geïmpliseer (ons moet dit dus aflei) waarom mense aan sport deelneem. Skryf vier redes neer wat jy kan raak lees of aflei.

Aktiwiteit 2

Om 'n gedig te lees en te ontleed om die wonder van die gebruik van woord en beeld te ervaar

	LU 1.1							LU 1.3							LU 1.5		
	LU 3.1							LU 3.3							LU 3.5		

Teks B

- Lees *Die Gewigopteller* deur Ernst van Heerden.

1. In hierdie gedig word die optel van die gewig as 'n stryd tussen twee kragte gesien wat elkeen op 'n unieke manier uitgeBEELD word. Soek in die gedig na woorde wat verwys na die krag waarmee die aarde die gewig vashou (swaartekrag).

2. Waarmee word hierdie krag vergelyk? (So 'n vergelyking waar die woorde “soos” of “as” nie gebruik word nie, noem ons 'n METAFOOR en ons sê “in 'n metafoor word die beeld direk in die plek van die werklikheid genoem.”)
3. Watter woorde beskryf die gewigopteller? (Kyk mooi; daar is op meer plekke as net een 'n verwysing na hom.)
4. Waarmee word die gewigopteller dus vergelyk?
5. Watter woord kan ons as die heel BELANGRIKSTE woord in die gedig beskou?
6. Hoe word hierdie woord uitgelig? (Watter tegnieke gebruik die digter dat ons hierdie woord raaksien?)
7. Wat beteken die woord?
8. Wat druk die woord in die gedig uit?
9. Kyk na die leestekens in die gedig. Vanaf reël 3 is daar geen leestekens aan die einde van die reëls nie, wat aandui dat ons die reëls aaneen moet lees sonder pousering. Wat noem ons hierdie verskynsel?
10. Wat is die funksie hiervan in hierdie gedig?
11. Lewer kommentaar oor die kort KLANKE, WOORDE, REËLS en STROFES in die gedig. Besluit of dit enigsins bydra tot die hele inhoud van die gedig, en ook hoe.
12. Wat noem ons die soort strofes waaruit die gedig bestaan?
13. En die rymskema?

#### Aktiwiteit 3

Om begrip van die inhoud van 'n gegewe teks weer te gee

	LU 3.2						LU 5.3.2						LU 5.5.1				

#### Teks C

Stokgeveg dalk as SA sport bereken (uit “Die Burger”)

Stokgevegte, een van Suid-Afrika se gunsteling- inheemse tydverdrywe, gaan dalk eersdaags as amptelike sport erken word.

As alles volgens plan verloop, kan die land se voorste stokslaners mekaar reeds in September vanjaar amptelik te lyf gaan by Suid-Afrika se eerste inheemse sportspele in die provinsie Limpopo. Die voorsitter van die Suid-Afrikaanse Sportkommissie, dr. Joe Phahla, het gister aan die portefeuljekommissie oor sport gesê inheemse sportsoorte en speletjies sal uitsterf as die jeug dit nie aanleer nie. Daar word dus in September ’n inheemse spele gehou om sportsoorte soos stokgevegte amptelik op die sportkalender te plaas.

“Ons is besig om stokgevegte veiliger te maak met behulp van elektroniese stokke wat ’n hou sal registreer wanneer ’n deelnemer ’n ander tref,” het Phahla gesê. “Ons hoop om ook ’n span van die parlement daar in aksie te sien,” het hy geskerts.

Tans word die tradisionele speletjie *ncuva*, wat met klippies in ’n sirkel op die grond gespeel word, gerekeneer sodat mededingers uit die nege provinsies mekaar elektronies die stryd kan aansê.

Volgens Phahla begin die spele met ’n klein begroting, maar daar is landwyd reeds 230 fasiliteerders opgelei om deelnemers in tradisionele sport af te rig. ’n Handleiding word ook saamgestel waarin die reëls vir die sport gestandaardiseer word.

Suid-Afrika sal ook in Julie in Toronto, Kanada, aan ’n internasionale byeenkoms vir inheemse sport deelneem.

- Beantwoord die volgende vrae oor die leesstuk elke keer in een volsin en in jou eie woorde:

1. Watter gevaar bestaan daar volgens mnr. Pahla oor die toekoms van inheemse sport?
2. Noem twee maniere waarop inheemse sportsoorte gemoderniseer word.
3. Hoe weet ons dat die voorgename spele nie iets is waarom sommer so skielik besluit is nie?
4. Waaruit kan ons aflei dat mnr. Phahla nie regtig verwag dat ’n span parlamentslede ook aan die spele gaan deelneem nie?
5. Noem drie maatreëls wat reeds in werking is om te verseker dat die deelnemers aan die inheemse spele wel aan bepaalde standaarde sal voldoen en volgens sekere reëls sal optree.

## Assessering

Leeruitkomstes(LUs)
LU 1 LUISTER
Die leerder is in staat om vir inligting en genot te luister en gepas en krities binne ’n wye verskeidenheid situasies te reageer.
Assesseringstandaarde(ASe)

Dit word bewys as die leerder:
1.1 na uitdagende verbeeldings- en informatiewe mondelinge tekste luister en dit waardeer;
1.2 aandagtig luister vir spesifieke inligting en kerngedagtes en gepas reageer;
1.3 verstaan hoe bekende mondelinge tekste gestruktureer is en die kenmerkende eienskappe daarvan beskryf;
1.5 die spreker se redes vir die keuse van spesifieke woorde, frases en sinne identifiseer om die luisteraar te beïnvloed en die impak daarvan verduidelik;
1.6 verskillende taalvariëteite, soos verskillende aksente en dialekte, herken en aanvaar en die taal van verskillende groepe bespreek.
<b>LU 3 LEES EN KYK</b>
Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer.
Dit word bewys as die leerder:
3.1 'n wye verskeidenheid tekssoorte spontaan en dikwels vir genot en inligting lees en persoonlike reaksie op die tekssoorte bespreek;
3.2 lees hardop en stil vir verskillende doeleindes deur gepaste leesstrategieë te gebruik;
3.3 die doel, teikengroepe en konteks van tekste bespreek;
3.4 begrip van informatiewe tekste toon;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 toon begrip van 'n teks, die doel daarvan en hoe dit met eie leëwêreld skakel deur die intrige, temas, waardes, karakters en ruimte/agtergrond te bespreek;
3.8 krities op tekste reageer.
<b>LU 5 DINK EN REDENEER</b>
Die leerder is in staat om taal vir dink en redeneer te gebruik en inligting vir leer te verkry, verwerk en gebruik.
Dit word bewys as die leerder:
5.1 taal vir dink en redeneer gebruik;
5.2 taal gebruik om te ondersoek;

5.3 inligting verwerk;
5.4 kreatief dink;
5.5 taal gebruik om te besin.

## Memorandum

### AKTIWITEIT 1

Behandel die verskillende soorte opsommings met u leerders – verkorting van geheel, selektiewe uitkenning van gegewens, parafrasering van woorde van teks ASOOK die metodes wat hulle kan gebruik om opsommings te bemeester / onder die knie te kry.

Laat leerders in groepies werk, die teks ‘n paar keer deeglik deurlees, die eerste keer sonder dat hulle na die opdragte gekyk het, en daarna met inagneming van die opdragte.

Verduidelik dan die werkwyse weer: onderstreping van betrokke feite / inligting; weergee van die feite in sinvolle volsinne in eie woorde; moontlike verkorting van stelwyse (sonder om inligting verlore te laat gaan); die aanduiding van die aantal woorde vir die antwoord.

Laat elke leerder dan individueel sy / haar finale antwoord neerskryf.

1. (fisiese) oefening of liggaamsbeweging; ook emosionele, geestelike, verstandelike kompetisie; mededinging/kompetisie-element belangrik; volgens bepaalde reëls; georganiseer; mense doen dit veral vir ontspanning/tydverdryf; daar is gewoonlik ‘n wenner. [Opdrag vra elkeen in ‘n volsin in ‘n reël.]

2. Die leerder moet hier op grond van sekere aspekte van die definisie by 1 onderskei: in par. 2,4 en 5 word die volgende genoem:

- twee mense wat by kaggelvuur ‘n potjie skaak speel
- ‘n groep kinders wat pouse tennisbal rondskop of rondgooi
- twee motorbestuurders wat “dice” by ‘n verkeerslig
- laerskoolmeisies wat rekspring
- rugby
- krieket
- sokker
- twee leerders wat nie-amptelik kompeteer vir die hoogste punte
- jy wat kas moet help dra omdat jy sterker as jou broer is
- twee kleuters wat spog oor wie se pa die beste is
- NB: Hier is nie noodwettig korrekte of verkeerde antwoorde nie; die motivering van die leerders bevat meestal iets van kompetisie, reëls, ‘n wenner, fisiese aktiwiteit. Hier kan u die oefening gebruik om leerders se logika en vermoë om toepassings te maak, heerlik aanwakker.

3. om met ander kragte te meet

vir (mededingende) ontspanning/tydverdryf

vir geld

om fliks en gesond te bly

## AKTIWITEIT 2

- Lees die gedig met die leerders deur / laat hulle dit self stil lees en na enkele aspekte daarvan kyk, bv. lengte van woorde, klanke, enjambement.
- Vra die leerders se respons – ons wil immers hê dat hulle saam met ons die wonder van poësie ontdek en leer om analities te dink. Behandel die gedig (moontlik selfs na aanleiding van hierdie response) sonder om die vrae as sodanig van ‘n kant af te beantwoord.

1. “taai” “klou” “vermenigvuldig elke pond”
2. ‘n sort dier – die woord “klou” is hier die leidraad
3. “ruie vlegsels van die spier” “dier” wat (met een) “klap”
4. ook hy word met ‘n dier vergelyk (metafoor)
5. “triomfantelik”
6. tussen aandagstrepe met uitroepteken daarna, tipografies in middel van gedig
7. oorwinnend, verwys na die oorwinning wat die gewigopteller behaal
8. die gewigopteller wat die gewig bokant sy kop uitstoot (Hier kan u die leerders daarop wys dat die woord as’t ware die as van die stel gewigte voorstel; die deel onderkant word die gewigopteller en die gewig bokant hierdie word die gewig. Die hele gedig, en veral dié woord in hierdie posisie BEELD die gewigopteller uit wat die gewig bokant sy kop hou.)
9. enjambement
10. Moet reëls aaneen lees – die inhoud handel oor die vloeiende beweging waarmee die gewigopteller die gewig “blitssnel” bokant sy kop uitstoot.
11. kort woorde / woorde met kort klanke – suggereer die vlugtigheid van die oomblik ook die kort reëls dra hierdie boodskap oor.
12. koeplette
13. paarrym

## AKTIWITEIT 3

Buiten dat u hierdie teks as begripstoets gaan gebruik, kan u die leerders laat debatteer oor heelwat kwessies wat hierin aangeraak word: waarom moet “swart” sportsoorte opgeblaas word, kultuurverskille wat na vore kom in verskillende sportsoorte, tradisionele sportsoorte van ander kulture (leerders kan hieroor gaan navors / uitvra) ens. Die teks dien o.m. as voorbereiding / katalisator vir Aktiwiteit 5.

(let op dat die leerders elke vraag in een volsin moet beantwoord.)

1. Inheemse / tradisionele sportsoorte en speletjies kan uitsterf as ons nie daarvan bewus gemaak en aangemoedig word om deel te neem nie.

2. Stokgevegte word met elektroniese stokke geveg wat registreer sodra 'n stok die teenstander raak, en ander speletjies word byvoorbeeld aangepas sodat dit op rekenaar gespeel kan word.
3. Daar is heelwat aktiwiteite rondom die spele aan die gang, soos fasiliteerders wat opgelei word en 'n handeling met reëls wat vir die sportsoorte opgestel is.
4. Hy het die opmerking skertsend gemaak.
5. Hulle sal afgerig word, daar is 'n handleiding met reëls beskikbaar en daar word 'n spele aangebied waar deelnemers kragte kan meet.



## Woordeskatuitbreiding

### AFRIKAANS HUISTAAL

Graad 8

Module 12

### WOORDESKATUITBREIDING

#### Aktiwiteit 1

Om woordeskat uit te brei

[LU 6.1]

Gaan weer na TEKS C toe terug en gee die betekenis van die volgende woord en uitdrukkings in jou eie woorde. Gebruik gerus 'n woordeboek as jy nie heeltemal seker is nie.

1. eersdaags
2. inheemse sport
3. iemand te lyf gaan
4. iets op die sportkalender plaas
5. elektronies
6. iemand die stryd aansê
7. handleiding
8. standaardiseer

#### Aktiwiteit 2

Om navorsing te doen en mondeling en skriftelik terugvoering te gee

[LU 2.2, 2.4, 4.2, 4.4, 5.1, 5.2, 5.3]

Julle skool het besluit om 'n inheemse sportspele aan te bied waar al die gemeenskappe in die omgewing aan tradisionele inheemse (of tipiese) sportsoorte sal kan deelneem. Die doel van die spele is dat die verskillende gemeenskappe en bevolkingsgroepe iets van mekaar se kulture sal leer ken en mekaar sodoende beter verstaan. Julle het besluit dat daar sportsoorte moet wees waaraan, volwassenes (mans en vroue) en kinders (seuns en meisies) uit elke groep moet kan deelneem.

Vir hierdie doel is julle klas gevra om

1. te gaan uitvind watter inheemse/tipiese sportsoorte in die verskillende gemeenskappe voorkom en beoefen word;
2. 'n plakkaat saam te stel waarin julle die byeenkoms adverteer, waar daar minstens tien items gaan wees.

Die tema van die spele is:

Ons reënboognasie – eenheid in verskeidenheid

Julle sal in groepe werk en MONDELING terugvoering gee oor die sportsoorte waarvan julle gaan navorsing doen het en daarna in groepe 'n program SKRIFTELIK saamstel.

Aktiwiteit 3

Om geskrewe taal te redigeer

[LU 4.4, 6.1, 6.2]

Wanneer ons taal-, spel-, leestekens en idioomfoute regmaak, noem ons dit REDIGERING. Dis eintlik iets wat ons almal behoort te kan doen en moet aanleer; miskien doen baie van julle dit al: jy lees miskien 'n taak of skryfstuk deur om foute te elimineer (uit te haal) voordat jy die finale produk saamstel.

Lees die volgende beriggie deur waarin daar heelwat sulke soorte foute voorkom en redigeer dit aan die hand van die riglyne wat na die beriggie volg.

## Teks D

SA se koel kop Freitag wil sy opponente skud

1 Die Suid Afrikaanse atletiekster Jacques Freitag wil op 2,30m. begin spring wanneer hy volgende Vrydagaand sy aanslag op die wêreldtitel maak vir mans in Parys.

2 Dit is dieselfde hoogte op wat Freitag onlangs op 'n groot internasionale kompetisie in Eberstadt Wesduitsland al sy teenstanders gewen het.

3 Die 21-jarige Freitag oefen tans in Pretoria en het gister vertel hoe vel sy oorsee se kompetisie nou geword het in hul pogings om hom te ontsenu. “Voorheen het hulle nie juis notisie van my geneem nie; nou vertel hulle my gedurig dat ek weeg te swaar, herhinder my aan my vorige beserings en sê ek hou nie van nat bane nie” het Freitag gesê.

4 Om sy selfvertroue op nat bane te bou, het Freitag se afrigter, Jonathan Van Zyl, Vrydag die baan sopnat laat spuit. Met die baan nat en die dwarslat op 2,30m het Freitag sewe keer gemaklik oor die hoogte geseil. Geen wonder sy selfvertroue is nou hemelhoog.

1. Kyk na die woorde 2,30m./2,30m in par. 1 en 4.

Watter skryfwyse is korrek: m. (met punt) of m (sonder die punt)? Weet jy ook waarom dit so is?

## 2. OPSKRIF

Skryf die woord wat verkeerd gespél is, KORREK neer.

## 3. Paragraaf 1

In hierdie paragraaf is daar 'n leestekenfout (miskien selfs twee, sou sommige mense wou hê) sowel as 'n woordordefout (wat die betekenis van

die sin onduidelik kan maak. Skryf die sin korrek oor en dui aan waar jy verander het deur die betrokke redigering te onderstreep.

#### 4. Paragraaf 2

Hierdie sin bevat 'n verkeerde woordvorm, 'n leesteken- en twee spelfoute.

Skryf die swak woordvorm neer en langsaan die korrekte vorm. in die volgende reël die spelfoute met die verbetering, en verduidelik laastens wat die leestekenfout is.

5. Hoewel 'n mens deesdae al hoe meer hoor mense praat in Afrikaans van: “hy het sy opponent gewen, is dit eintlik nie die korrekte woord om hier te gebruik nie. Wat is die korrekte woord? Wanneer gebruik ons dan wen?

#### 6. Paragraaf 3

In die eerste sin van hierdie paragraaf is daar 'n spelfout en 'n verkeerde woordkeuse (wat miskien ook maar net 'n spelfout kan wees). Skryf die twee foute in twee reëls onder mekaar neer en langsaan elk die korrekte spelling/woord.

7. Sin twee van hierdie paragraaf bevat somer heelwat foute: 'n woordordefout, foutiewe spelling, 'n verkeerde woord wat waarskynlik op grond van sy uitspraak gekies is, sowel as 'n leestekenfout. Skryf die hele sin KORREK oor.

#### 8. Paragraaf 4

Waarom is dit verkeerd om Van Zyl hier met 'n hoofletter te spel?

9. In die laaste sin van hierdie paragraaf is 'n woord uitgelaat. Skryf die hele sin oor en voeg die woord op die korrekte plek in. Onderstreep die ingevoegde woord duidelik.

10. Vergelyk par 1: “. . . .atletiekster Jacques Freitag wil . . .” (geen kommas) en par. 4: “. . . afrigter, Jonathan van Zyl,” (tussen kommas).

Verduidelik waarom ons in die eerste paragraaf nie kommas hoef te gebruik nie, maar dit wel in die vierde paragraaf moet gebruik.

#### Aktiwiteit 4

Om 'n gedig te lees en te ontleed om die wonder van die gebruik van woord en beeld te ervaar

[LU 1.1, 1.3, 1.5, 3.1, 3.3, 3.5]

Lees die gedig Die Dag Op Nuweland deur Jeanne Goosen.

1. Waaroor, verwag jy, gaan 'n gedig met só 'n titel handel?
  2. Haal al die woorde uit die gedig aan waarmee die verteller na rugbyspelers verwys.
  3. Wat sien jy van hierdie woorde raak?
  4. Wat sê dit vir jou van die verteller se siening van die sport rugby?
  5. In die gedig beskryf die verteller hoe die toeskouers op die pawiljoene by 'n rugbywedstryd optree.
- Haal die woorde aan waarmee die toeskouers en hulle aksies beskryf word.
6. Sou ons kon sê dat dit WERKLIK is soos die toeskouers optree?
  7. Waarom stel die verteller hulle reaksie dan juis só voor?
  8. Wat noem ons 'n geskrif wat spot?
  9. Watter twee karakters is oënskynlik minder betrokke by die gebeure op die veld?
  10. Waarom sê jy so?
  11. Haal bewyse uit die gedig aan dat hulle tog nie werklik onbetrokke is nie, dat hulle dus geraak word deur wat tydens en na die wedstryd gebeur.

12. Wat noem ons so 'n gedig sonder sinvolle leestekens, vaste strofebou, rymwoorde en reëllengte?

13. Verduidelik watter bydrae die inspringende reëls tot die geheel van die gedig lewer.

### Assessering

Leeruitkomstes(LUs)
LU 1 LUISTER
Die leerder is in staat om vir inligting en genot te luister en gepas en krities binne 'n wye verskeidenheid situasies te reageer.
Assesseringstandaarde(ASe)
Dit word bewys as die leerder:
1.1 na uitdagende verbeeldings- en informatiewe mondelinge tekste luister en dit waardeer;
1.2 aandagtig luister vir spesifieke inligting en kerngedagtes en gepas reageer;
1.3 verstaan hoe bekende mondelinge tekste gestruktureer is en die kenmerkende eienskappe daarvan beskryf;
1.5 die spreker se redes vir die keuse van spesifieke woorde, frases en sinne identifiseer om die luisteraar te beïnvloed en die impak daarvan verduidelik;

1.6 verskillende taalvariëteite, soos verskillende aksente en dialekte, herken en aanvaar en die taal van verskillende groepe bespreek.

## LU 2 PRAAT

Die leerder is in staat om vrymoedig en doeltreffend in gesproke taal binne 'n wye verskeidenheid situasies te kommunikeer.

Dit word bewys as die leerder:

2.1 idees en gevoelens op 'n kreatiewe en ekspressiewe manier met 'n groot mate van selfvertroue en met beperkte ondersteuning oordra deur 'n verskeidenheid mondelinge tekssoorte te gebruik;

2.2 idees, feite en menings oor uitdagende onderwerpe duidelik en akkuraat en met groter samehang oordra deur 'n verskeidenheid feitelike, mondelinge tekssoorte te gebruik;

2.3 basiese praatvaardighede in 'n verskeidenheid tekssoorte toon;

2.4 'n verskeidenheid basiese interaksievaardighede toon deur aktief aan groepsbesprekings, gesprekke, debatte en ondersoeke deel te neem;

2.5 mondelinge aanbiedings met redelike akkuraatheid en kreatiwiteit doen.

## LU 3 LEES EN KYK

Die leerder is in staat om vir inligting en genot te lees en te kyk en krities op die estetiese, kulturele en emosionele waardes in tekste te reageer.

Dit word bewys as die leerder:

3.1 'n wye verskeidenheid tekssoorte spontaan en dikwels vir genot

en inligting lees en persoonlike reaksie op die tekssoorte bespreek;
3.2 lees hardop en stil vir verskillende doeleindes deur gepaste leesstrategieë te gebruik;
3.3 die doel, teikengroepe en konteks van tekste bespreek;
3.4 begrip van informatiewe tekste toon;
3.5 verduidelik hoe die hoofkenmerke en struktuur van verskillende tekssoorte tot die funksie daarvan bydra;
3.6 toon begrip van 'n teks, die doel daarvan en hoe dit met eie leefwêreld skakel deur die intrige, temas, waardes, karakters en ruimte/agtergrond te bespreek;
3.8 krities op tekste reageer.
LU 4 SKRYF
Die leerder is in staat om verskillende soorte feitelike en verbeeldingstekste vir 'n wye verskeidenheid doeleindes te skryf.
Dit word bewys as die leerder:
4.1 'n verskeidenheid verbeeldingstekste skryf;
4.2 'n verskeidenheid feitelike skriftelike en multimodale tekste lewer;
4.3 basiese vaardighede in spesifieke skryf-tegnieke gepas vir 'n tekssoort toon;
4.4 die skryfproses saam met ander en individueel gebruik om tekste te skep.
LU 5 DINK EN REDENEER



Die leerder is in staat om taal vir dink en redeneer te gebruik en inligting vir leer te verkry, verwerk en gebruik.

Dit word bewys as die leerder:

5.1 taal vir dink en redeneer gebruik;

5.2 taal gebruik om te ondersoek;

5.3 inligting verwerk;

5.4 kreatief dink;

5.5 taal gebruik om te besin.

## LU 6 Taalstruktuur en –gebruik

Die leerder ken en is in staat om die klanke, woordeskat en grammatika van die taal te gebruik om tekste te skep en te interpreteer.

Dit word bewys as die leerder:

6.1 werk met woorde:

6.1.2 gebruik basiese spelreëls en 'n verskeidenheid spelstrategieë om onbekende woorde te spel;

6.1.3 gebruik hoofletters en skryftekens korrek en doeltreffend (kappie, koppelteken, deelteken, afkappingsteken en aksentteken);

### 6.1.6 met woorde werk (korrekte vorme en afleidings);

#### Memorandum

#### AKTIWITEIT 1

Hierdie aktiwiteit kan gebruik word om leerders weereens te help met die gebruik van 'n woordeboek. Van die woorde kom nie noodwendig in hierdie vorm in die woordeboek voor nie en leerders sal dus onder 'n bepaalde tema moet gaan soek na die afgeleide vorm.

#### AKTIWITEIT 2

Hier kan u die leerders in groepies van ongeveer 5 laat werk. Gee genoeg leiding sodat hulle in die groep take eweredig verdeel en almal laat deel hê aan elke faset van die opdrag. Hulle hoef nie noodwendig uiterstes te gaan ondersoek nie; 'n "seisoenale" sportsoort soos tolgooi of straatkrieket.

Kan eweneens reg wees. Moedig hulle aan om te begin by dit waarmee hulle bekend is en waaraan hulle in die verskillende woonbuurte deelneem voordat hulle verder gaan. Wys veral daarop dat daar vir alle mense iets moet wees om aan deel te neem.

Let op die opdrag: mondelinge terugvoer oor die sportsoorte. Maak seker dat hulle vir die hele gemeenskap voorsiening maak met die sportsoorte wat hulle kies. U kan self besluit of u individueel of per groep punte gaan toeken.

Die plakkaat kan dalk ook bepunt word – dan het u twee punte vir navorsingstake wat u in die portefeuljes kan gebruik.

#### AKTIWITEIT 3

By hierdie aktiwiteit sal u stellig by die leerders se skryf- en ander opdragte kan aansluit, waar u hulle immers op hulle taal-, spel-, leesteken- en stylfoute gewys het.

1. m (sonder punt) – dis ‘n internasionale simbool en nie ‘n (Afrikaanse) afkorting nie

2. Koelkop

3. Die Suid-Afrikaanse atleetster Jacques Freitag wil op 2,30 m begin spring wanneer hy volgende Vrydag in Parys sy aanslag op die wêreldtitel vir mans maak.

4. op wat – waarop

Wesduitsland – Wes-Duitsland

teenstaanders – teenstanders

Wes-Duitsland moet tussen kommas staan, aangesien dit ingevoegde inligting is (wat nie die betekenis van die sin verander wanneer dit weggelaat word nie).

5. geklop – jy kan iets wen, maar jy klop iemand

6. oorsee se – oorsese

7. “Voorheen het hulle nie juis notisie van my geneem nie; nou vertel hulle my dat ek te swaar weeg, herinner my aan my vorige beserings en sê ek hou nie van nat bane nie,” het Freitag gesê.

8. Wanneer daar ‘n naam of voorletters voor so ‘n van (met ‘n voorstel of lidwoord) staan, is die eerste deel van die van met ‘n kleinletter.

9. Geen wonder sy selfvertroue is nou hemelhoog nie.

10. In par. 1 is die atleet se naam ‘n nodsaaklike deel van die betekenisvolheid van die sin; in par. 4 is die naam van die afripter ‘n invoeging – die betekenis van die sin verander nie / is nie onduidelik as ons dit uitlaat nie.

AKTIWITEIT 4

Lees en behandel ook hierdie gedig sonder om die vrae spesifiek te behandel. Laat die leerders hulle respons / gevoel / siening met u en met mekaar deel sodat hulle ook voel hulle het deel aan die ontleding van die gedig.

1. 'n rugbywedstryd op nuweland
2. “gestreepte haaie” “rondduik” “boudvleise hap” “na mekaar gryp” “bloederig” “stukkende held” “held gryn”
3. Dit lyk nie soos woorde waarmee 'n mens normaalweg rugby sal beskryf nie / baie negatiewe woorde / onrealisties.
4. negatief oor rugby / hou nie van rugby / dink dis wreed, ens.
5. “ons kou grondboontjies” “ons kake gaan op en af” “maer meisie van swellendam brei mansokkies” “brei ... al vinniger” “mannetjies spring regop” “die planke wip hulle terug en dan weer regop” “brul en skuld die pawiljoen” “potsierlike hoedjies”
6. nee
7. Probeer hulle belaglik voorstel / met hulle spot.
8. satire
9. die verteller “my” en die “maer meisie van swellendam”
10. Hy bestudeer die reaksie van die toeskouers; sy brei mansokkies.
11. “brei sy al vinniger” “ek my tong raakbyt” “dra die held tot voor my”
12. vrye vers
13. Wil byna die beweging op die pawiljoen (en die heen en weer hardloop op die veld) met die inspringende en verskuiwende begin van reëls voorstel / uitbeeld.